

Genese 1


Genese 2

Job

Genese 3

Genese 4

Genese 5



# MUKANDA *wa* Genese, No. 1

Genese chapita 1  
(Maleso 15 bua bana )

*Maman Lorella Rouster. MCE*



Project Mwindā

Ministères pour Chaque Enfant

[ecmafrica@ecmafrica](mailto:ecmafrica@ecmafrica)

Merci à [www.freebibleimages.org/Sweet](http://www.freebibleimages.org/Sweet) Publishing pour la photo

## **INTRODUCTION : MEYI A KUMPALA**

### **GENESE, MUKANDA WA BISHIMIKIDI BIA DITABUJA DIETU**

#### **1. NVESE WA KUYILA**

Muntu udi ne bua kubala nvese wa kuyila mu Ecodim, udi mua kuikala mulongeshi (muyishi), muyidi anyi muntu mukuabo musungulu. Muntu eu ikale mumanye mua kubala bimpe mene mene kayi ne lutatu to.

Bidi bimpe bua bayidi bonso bikala ne Mikanda ya Nzambi anyi ya Eglise idi mua kubambuluisha bua bobo nkayabu bayibale. Muanda eu udi muimpe nangananga bua ba jeune ba mu niveau mubandile (Secondaire).

Bidi bikengela bua bikala anu ne version umue wa mukanda wa Nzambi.

Bikalabi kabayi bikumbana bua munku, Muyishi abale yeye nkayende. Pashishe ela dikonka ha bidiye mubale. Bikala bayidi kabayi bandamuna bimpe ku dikonka adi amba ne, « Telejayi bimpe ». Nunku, abale kabidi tshituha tshia nvese tshidi tshifila diandamuna ku dikonka adi.

#### **2. MAKONKA KUDI NIVEAU MUBANDILE (Secondaire)**

Makonka makuabo (ki ngoso to) alomba mandamuna adi ahatuka mu mayisha a Science ne études sociales (bu muntu). Biwikala ulongesha bana ba ku musoko badi kabayi ne ndongeshelu (Education) muimpe to, bu ba phaseurs elangana menji bua wewe kubela makonka adi makumbanangana ne niveau muhuekele adi makumbana niveau wabu.

Makonka a niveau muhuekele adi makumbama bua kuela mu niveau yonso.

#### **3. KUIMBA NA KUJA**

Misangu ya bungi, tudi tufunda misambu idi bayidi kabayi bamanye mua kuimba to.

Kuimba eku kudi kuleja action, anyi malu adi bayidi bayile bua kubambuluisha bua kukuatabo mayisha a a bimpe mene mene. Badi mua kuja action ne malu a a kabidi mu gestes. Muyishi udi mua kulongolola ton anyi rythme ne meyi a a atudi bafunda. Misambu ikale ne rythme muimpe.

Bikala muyishi kayi ukumbana bua kuenza nunku, akebe serviteur mukuabo udi ne tshihedi etshi (compositeur).

#### **4. DEVOIRS ANYI MIDIMU YA LUMINGU LUSHALE**

Kunyima kua dilesona dia kumpala, ku lumingu lonso, tudi bateke partie wa dilesona bua kwebeja mushindu udi bayidi benzele anyi banemeke mua kuenzela dilesona edi dishale. Pa nunku, bahete mushindu wa kuimba ne kuja bu mudibo banemeke mua kuenzela dilesona dia kale.

Ku lumingu lonso muyishi ebeja bayidi nunku, bua amanye mudi bayidi bende banemeka mua kuenzela mayisha a Nzambi.

Kunyima bayidi bajadike ne muyishe wetu udi musue bua tuetu tunvue, tuyile ne tu changer (tushintulule) nsombelu wetu (anyi bikadilu bietu) à partir wa mayisha anyi malesona atudi tuyila.



#### 5. **MANAYA BUA KUAMBULULA MALESONA ONSO**

Cartes bua kuambulula malesona anyi manaya. Mu pachet ya malesona makuabo, neumone cartes eyi. Biwikala kuyi muyimona udi mua kuenza wewe nkayebe cartes bua kuleja tshintu tshionso tshidi Nzambi mufuke mu dituku ne dituku tshikondo tshiakafukaye diulu ne buloba.

#### 6. **SUNGULA MUSHINDU UMUE WAKUENZELA CARTES EYI**

- Teka cartes eyi mu mulongo (ordre). Bayidi bambe dituku ku ne tshintu tshikafuka Nzambi mu dituku adi.
- Teka cartes eyi mu (desordre) mulongo to. Angata carte kamue kamue ne hesha muana ne muana (muyidi ne muyidi). Bayidi badi bangata cartes eyi bahite kumpala, baleje cartes eyi ne baiteka mu ordre (mulongo chronologique).
- Buikila ma cartes yonso ne leja anu carte kamue. Sungula muyidi umue bua kuamba dituku ne tshinyi tshiakenza Nzambi dituku adi.
- Teka tu cartes etu tonso ha mesa. Muyidi umue alue kututeka mu mulongo. Bayidi ba kuabo batangile ne yeye m'mututeka bimpe anyi.
- Hesha bayidi tu cartes kamue kamue. Baye kumpala kua bakuabo. Sungula muyidi umue asungula carte kadi kaleja tshintu tshiakenza Nzambi dituku disatu.

#### 7. **MUSAMBU WA KUAMBULULA (REVISION) DILESONA NE MANAYA**

Longesha bana musambu bu nunku :  
“O Nzambi wakafuka Tatu Adama mu dituku disambombo”

#### **MUSAMBU NGUEWEU**

O Nzambi wakafuka Tatu Adama  
Mu dituku disambombo  
Mu dituku dia muandamutekete  
Yeye wakikisha  
O O ololo o o ololo  
Mwana Davidi  
Mwana Munene

#### 8. **KUNYIMA, BIKALA BAYIDI BAKUMANYA MUA KIUMBA MUSAMBU EU, BANGA KUWIMBISHA MUSHINDU EU.**

O Nzambi (Sungula muana amba tshinyi tshiakafuka Nzambi dituku dia kumpala. Leja munu umue, kuleja muyidi ne yeye udi ne bua kuamba dituku dia kumudilu)

Mukanda wa Genese 1  
Ministères pour Chaque Enfant(MCE)

Muyidi imba ne : Munya  
Mu dituku dia kumudilu  
Mu dituku dia muandamutekete  
Yeye wakikisha  
O Nzambi wakatahulula mai (leja minu ibidi)  
Mu dituku dibidi  
Mu dituku dia muandamutekete  
Yeye wakikisha  
O Nzambi wakafuka bimenyi, midioko ne mitshi (leja minu isatu)  
Mu dituku disatu  
Mu dituku dia muandamutekete  
Yeye wakikisha  
Etc...



## DILESONA 1

### **TEKESE : GENESE 1 :1-8**

### **TSHIENA BUALU : NZAMBI WAKAFUKA BINTU BIONSO**

**KENDELEKA DIYISHA** : Kunyima kua dilesona edi, bayidi badi ne bua kumanya ne Nzambi ke udi mufuki wa bintu bionso ne bamuha butumbi (Kumutumbisha)

**NVESE WA KUYILA : GENESE 1 :1** : « Kale ku tshibangidilu Nzambi wakafuka diulu ne buloba ».

### **KULONGOLOLA KUMPALA**

Enza cartes anyi mabeji matoke 10 ne mabeji mafike 10. Bungi bua mabeji kabuena ne importance to (mushinga to. Ulongeshe bua kuleja bayidi mushindu wakatapulula Nzambi munya (mabeji matoke) ne butuku (mabeji mafike).

### **MBANGILU WA DILESONA**

Muyishi elela bayidi histoire eu anyi bayidi benza bu théâtre : Muana mukuabo dina diandi NTOKO uvua wela tatu 'andi makonka a a dituku dionso :

“Mushindu kayi, tatu” ? “Bua tshinyi, tatu” ? “Munyi nunku eu, tatu” ?

Dituku Dikuabo wakebeja tatu' andi ne :

“Tatu' ebe dina diende uvua nganyi” ?

“Dina dia tatu'anyi divua Palo”. Edi divua diandamuna dia Tatu, yeye ke uvua ka kuenu.

“Kadi dina dia Tatu'eunde biende” ?

“Dina dia Tatu'eunde biende divua Mati”

“Kadi dina dia tatu'we ende biende” ?

“Tshiena mumanye dina dia tatu'ende to, kadi ndi mumanye dina dia tatu'wetu wa kumpala divua Adama”

“Kadi Tatu Adama dina dia Tatu wandi divua ngang”

“Adama kavua ne Tatu wa habuloba to. Anu Nzambi yeye nkayende ke wakamufuka”.

Ntoko wakamba ne “Mmm, ne tatu wandi – Tatu wa Nzambi ?

Tatu'eunde wakaseka. Yeye wakamushinguluile ne “Nzambi kena ne Tatu to, kena muledibwe kudi muntu to. Nzambi udi wa tshieudelele, kena ne ntudajilu anyi ndekelu. Anu yeye ke mufuki wa bintu bionso.

Ntoko wakelangana menji bikole ne wakamba ne “Tatu, bidi muakuenzeka mushindu kayi munku” ?

Aa adi malu manene ne akukema !

## **BITUPA BINENE BIA DILESONA : 3**

### **TSHITUPA I**

#### **BALA GENESE 1 :1-2a**

1. Kale ku tshibangidilu, Nzambi wakafuka diulu ne buloba,
2. Buloba buakadi busunguluke, buakadi butuhu ; midima yakadihu ;

#### **I.1 MAKONKA**

Muyishi ela bayidi makonka aa :

##### **I.1.a. NIVEAU MUPUEKELE**

- Nganyi wakikalaku ku tshibangidilu kumpala kua bintu bionso ?(Nzambi)
- Nzambi wakafuka tshinyi ne tshinyi ku tshibangidilu ? (Diulu ne buloba)
- Buloba buakadi mushindu kayi ? (Busunguluke, butuhu).

##### **I.1.b. NIVEAU MUBANDILE**

- Diulu didi dinvuija tshinyi ?  
(Bintu bionso bidi mulu, bu diba, ngondo, mitoto ne bintu bikuabo, ne muaba udi Nzambi ne banjelo bende basomba. Bintu bikuabo bidi en dehors wa buloba).
- Mushindu kayi utudi tujingulula ne buloba, diulu, banjelo etc...  
kabivuaku tshindelela to ?  
(Bualu Nzambi nguakabifuka, bidi ne ntuadejilu wabi).
- Muaku eu “tshiendelele” udi unvuija tshinyi ?  
(Kena ne ntuadijelu anyi ndekelu to).
- Ndishilangana kayi didi hankatshi Nzambi ne bintu bikuabo ?
  1. Nzambi wakikalaku tshiendelela kadi bintu bikuabo biakikala ne ntuadejilu.
  2. Nzambi nguakafuka bintu bionso bikuabo,

##### **I.2. THEATRE : TSHINYI TSHIDI TSHIENZEKE ?**

Bayidi babuikile mesu abu. Muyishi amba ne “tshibangidilu, anu Nzambi nguvuaku, ku tshibangidilu Nzambi wakafuka diulu ne buloba, kadi buloba buakadi anu “midima”

Bayidi bela maboko mulu bamba ne, “Nzambi wakafuka buloba, kadi buakadi anu midima”

##### **I.3. KUIMBA NE KUJA**

Nzambi wakafuka diulu ne buloba. Kadi nganyi wakamufuka yeye ?  
Nansha muntu.

### **TSHITUHA II**

#### **BALA GENESE 1 :2b – 4a**

2b. Nyuma wa Nzambi wakadi unyunguluka ha mutu ha mai.

3. Nzambi wakamba ne, munya wikala, ne munya wakikala.
4. Nzambi wakamona munya ne m’muimpe.



## **II.1. MAKONKA**

Muyishi ela bayidi makonka aa :

### **II.1.a. NIVEAU MUHUEKELE**

- Nganyi wakadi unyunguluka ha mutu ha mai ? (Nyuma wa Nzambi).
- Nzambi wakamba tshinyi ? (Munya wikala)
- Tshinyi tshiakenzeka kunyima kua ordre eu ? (Munya wakikala).
- Munya eu wakadi muimpe anyi muibi ? (Wakadi muimpe)
- Nganyi wakamba ne uvua muimpe ? (Nzambi nguakamba).

### **II.1.b. NIVEAU MUBANDILE**

- Mushindu kayi utudi tumona ndekelu wa nvese eu muibidi uleja ne Nzambi udi umue, kadi muhite mu persone umue ? (Tudi tubala mu nvese wa kumpala ne mu nvese mubidi ne Nyuma wa Nzambi, mukanda wa Nzambi udi uleja ne bubidi buabu bakadi mu bufukibua (création).
- Mushindu kayi utudi tumanya ne buloba bajina buakadi bûle ne mayi ? (Nyuma wa Nzambi wakadi unyunguluka ha mutu ha mai)
- Meyi kayi a kumpala akamba Nzambi bua kubanga kufuka buloba ? (Munya wikala)
- Mbuena kuamba ne mukanda wa Nzambi udi wamba ne munya uvua diba anyi ? (Nansha kakesa, munya kavua diba to) Anu mu nvese 16, kunyima, tudi tubala ne Nzambi wakeuza diba.
- Nzambi wakafuka anyi kuenza munya wa kumpala mushindu kayi ? (Ne diyi diandi anyi ne commandement wandi).
- Nganyi wakamona munya wa kumpala ? (Nzambi nkayandi).
- Bubi kayi buakamona Nzambi mu bintu bionso bia kafukaye ? (Nansha bumue, yeye wakamba ne bivua bimpe).

## **II.2. THEATRE : TSHINYI TSHIDI TSHIENZEKE ?**

Teka bayidi mu tusumbu tubidi tutangilangane.

1. Kasumbu kakumpala kamba ; “Munya wikala” !
2. Kasumbu kibidi, bonso bakangula maboko ne bamba ne : “Munya wakikala”

Mulongeshi enza nunku misangu isatu.

## **II.3. KUIMBA NE KUJA**

Nzambi wakenza munya oye oye oye

### **TSHITUHA III**

#### **BALA GENESE 1 :4b – 5**

- 4b. Nzambi wakatahulula munya ne midima
5. Nzambi wakidika munya ne munya, wakidika midima ne butuku. Dinda ne dilolo biakadi dituku dia kumudilu.
- 6.

#### **III.1. MAKONKA**

Muyishi ela bayidi makonka aa :

##### **III.1.a. NIVEAU MUHUEKELE** (Primaire)

- Nzambi wakatahulula tshinyi ne tshinyi ? (Munya ne midima).
- Tshinyi tshiakumpala tshiakatahulula Nzambi ? (Munya ne butuku).
- Tshinyi tshiakenzeka dituku dia kumpala ? (Musangu umue munya ne butuku).

##### **III.1.b. NIVEAU MUBANDILE** (Secondaire)

- Kundekele kua dituku dia kumudilu Nzambi wakafuka tshinyi ? (Munya ne midima)
- Nzambi wakatahulula tshinyi ne tshinyi dituku dia kumpala (Munya ne midima).

#### **III.2. THEATRE : TSHINYI TSHIDI TSHIENZEKE ?**

Pesha bayidi bamue cartes anyi mabeji matoke “ ” bakuabo cartes anyi mabeji mafike. Pashishe muyishi amba ne “Tahulula munya ne midima”. Bayidi bonso badi ne cartes anyi mabeji matoke, baye muaba umue, ne bajule ma cartes anyi mabeji mulu ne bambene “Munya”

Kunyima bayidi bonso badi ne ma cartes anyi mabeji mafike, baye muaba umue, ne bajule ma cartes anyi mabeji mulu ne bambe ne, “Midima”.

Kundekelu bonso buabo, bena cartes anyi mabeji matoko ne mafike bamba musangu umue bajula ma cartes anyi mabeji mulu ne : “Dituku dia kumudilu”.

#### **III.3. KUIMBA NE KUJA**

“Munya ne midima biakadi dituku dia kumudilu”

### **TSHITUHA IV**

#### **BALA GENESE 1 :6 – 8**

7. Nzambi wakamba ne, mulu muikala hankashi ha mai, aha buloba ne mai a mu diulu.
8. Nzambi wakafuka mulu, wakatahulula mai aha buloba ne mai a mulu. Bualu buakenjibua
9. Nzambi wakidika mulu ne Diulu ; dilolo ne dinda biakadi dituku dibidi.



#### **IV.1. MAKONKA**

Muyishi ela bayidi makonka a a :

##### **IV.1.a. NIVEAU MUHUEKELE** (Primaire)

- Nganyi wakamba ? (Nzambi)
- Nzambi wakamba ne tshinyi tshienzeka ? (Mulu muikala hankatshi ha mai a ha buloba ne mai a mu diulu)
- Nzambi wakafuka tshinyi ? (Mulu)
- Ditahulula edi diakenzeka dituku kayi ? (Dituku dibidi).

##### **IV.1.b. NIVEAU MUBANDILE** (Secondaire)

- Buloba buakikala mushindu kayi mu dituku dibidi ? (Buakikala muinshi mua mai, kadi mai makuabo akikala muinshi, mulu mua buloba, makuabo mulu).
- Muaku eu “diulu” udi unvuija tshinyi ? (Muaba udi diba, ngondo ne mitobo bikuate anyi muaba udi Nzambi usomba. Mu mukanda wa Nzambi kabidi muaku eu “Diulu” udi ne ngunvuijilu ya mishindu mishilangane).  
Diulu didi diunvuija tshinyi mu passage eu ?

#### **IV.2. KUIMBA NE KUJA**

Bayidi bela bianza mulu ne bamba ne : “Mayi makuabo mulu”,

Bahuekesha bianza muinshi ne bamba ne : “Mai makuabo muinshi”.

Bunzulula maboko abu bikole ne bamba ne : “Muaba mukuabo mukantshi”

Baleja minu ibidi ne bamba ne : “dituku dibidi”

Mai mulu

Mai muinshi

Muaba hankatshi katshi

#### **IV.3. MIDIMU** (DEVOIRS)

Mu lumingu lujima bayidi bela Nzambi tuasakidila ne ba mutumbishe bua bintu ebi biakafukaye.

#### **IV.4. DIBIKILA** (INVITATION)

Biwikala kuena mumanye Nzambi, kadi udi musue kumumanya, ne biwikala mudilongolola bua kuitabuja Yesu bu mukalenge ne musungidi webe, ungambila kunyima kua mayisha aa, ne meme nenkuleja tshiudi ne bua kuenza mu muanda eu.

## DILESONA 2

### **TEKESE : GENESE 1 :9-19**

### **TSHIENA BUALU : NZAMBI UDI UFUKA BULOBA, MITSHI, NGONDO DIBA NE MITOTO (DITUKU 3 NE DINAYI)**

**KENDELE :** Kunyima kua dijisha edi, bayidi badi ne bua kumanya ne Nzambi ke udi mufuki wa bintu ebi bionso bua buimpe buetu ne bua butumbi bwandi. Bua bualu ebu, badi ne bua kumusakidila bua mabenesha aa onso.

**NVESE WA KUYILA :** “bua edi ndi didi Yehowa wakafuka diulu wamba, Nzambi mene wakafuka buloba ne wakabuenza, wakabujadika, kakabufuka bu tshintu tshiahatuhu, wakabufuka bua bantu bashikamahu ; Yeye mene udi wamba ne, meme ndi Yehowa ne kakuena mukuabo nansha”. Yeshaya 45 :18

### **KULONGOLOLA NVESE BUA BANA (Prescolaires)**

“Nzambi wakafuka buloba bua bantu bashikamehu”.

### **KUTANGULULA DILESONA DISHALE (REVISION)**

- Nzambi wakafuka bintu kayi dituku dia kumudilu ? (Diulu, buloba ne munya).
- Dituku dibidi Nzambi wakafuka tshinyi ? (Muaba hankatshi-kantshi ha mayi a mulu ne mai a hanshi).
- Ku mbangilu wa dituku disatu, ha buloba havua tshintu kayi ? (Nansha tshimue).
- Moyo kavua muanji kuikala to. Kadi bua tshinyi Nzambi wakafuka buloba ? (Bua bantu bashikamehu).

### **KUTANGULULA MIDIMU (DEVOIRS) YA LUMINGU LUSHALE**

Nganyi udi muvuluka bua kutumbisha Nzambi mu lumingu lushale bua malu akukema adiye muenze ? (Muyishi kayi kukanyina badi kabayi benze devoirs to, kadi a feliciter anyi ela badi benza kalumbandi. Muyishi avuluka bua kuenza nunku misangu ya bungi.

### **KULONGOLOLA KUMPALA**

Tuala musa wa avoca, anyi dingayi anyi tshimuma tshionso tshidi ne musa munene.

Tuala luesu lunene, lusenga ne mulangi wa mai. Ne ubienzela mu partie 2.1. KIUMBA NE KUJA.

### **MBANGILU WA DILESONA**

Mulu mudi planete ya bungi idibu mudi buloba, kadi muntu kena muakusombamu to. Mikuabo idi ne luya lua bungi ludi bu kahia kosha. Muntu kena muaku supporter to. Minga idi ne mashika mahete bungi adi muntu kayi muakusombamu to. Ne mumikuabo kamuena luhehele to, bualu muntu kena muakueyela to.

Bua tshinyi nunku ? Nzambi wakafuka planete, mitoto ne bintu bikuabo.

Kadi Nzambi wakafuka buloba bua bantu bashikamehu (bayidi bamba ne : Nzambi wakafuka buloba bua tuetu tushikamahu).

### **BITUHA BINENE BIA DILESONA : BITUHA BISATU**

#### **TSHITUHA I**

#### **BALA GENESE 1 :9-10**

10. Nzambi wakamba ne, mai adi muinshi mua diulu asangile kaba kamue, buloba bûme bumueneke, bualu ebu buakenjibua.
11. Nzambi wakidika buloba bûme ne, buloba. Mai masangile nunku yeye wakidika ne, mai manene. Nzambi wakabimona ne mbimpe.

### **I.1 MAKONKA**

Muyishi ela bayidi makonka aa :

#### **I.1.a. NIVEAU MUPUEKELE (Primaire)**

- Mai kayi akamba Nzambi ne asangile kaba kamue ? (Mai a muinshi mua diulu)
- Bua tshinyi Nzambi wakenza nunku ? (Bua buloba bûme bumueneke).
- Tshinyi tshiakenzeka hakafila Nzambi ordre eu ? (Bualu buakenzeka anu mushindu wakambaye).
- Nzambi wakidika buloba bûme dina kayi ? (Buloba).
- Mai masangile, Nzambi wakidika ne ntshinyi (Mai manene)

#### **I.1.b. NIVEAU MUBANDILE (Secondaire)**

- Nzambi wakamona mudimu wakenzeye mushindu kayi ? (Wakaûmona ne m'muimpe).
- Mudimu wakenza Nzambi dituku edi wakamueneka ne mushinga wa bungi bua bantu, nyama ne mishiha mushindu kayi ? (Buloba buvua buimpe bua bantu ne nyama ya bungi, kadi mai manene avua bua mishiha ne nyama mikuabo ishikamemu).

## **I.2. THEATRE : TSHINYI TSHIDI TSHIENZEKE ?**

Ela lusenga mu dilonga, ela kabidi mai ndambu mu dilonga edi. Mu kalasa muyidi akoka lusenga munkatshibua lumueneke bu ka mukuna ne mai aye kuluseke. Ebi bidi bileja mushindu wakakoka Nzambi buloba kaba kamue bua bobo kumueneke ha mutu ha mai a mai manene.

## **I.3. KUIMBA NE KUJA**

Buloba ! Mbobuebu (neja tshianza aha)  
Mai manene ! Ngo a a (leja tshianza kule). (Ngo a a).  
Nzambi nguaka bienza bionso ! O butumbi !

## **TSHITUHA II**

### **BALA GENESE 1 :11 – 13**

12. Nzambi wakamba ne, buloba bumeneshe bimenyi bionso, midioko idi yela ntete ne mitshi idi ikuama mamuma adi ne ntete yai, bu mudi mushindi wai. Bualu buakenjibua.
13. Buloba buaka menesha bimenyi, midioko idi yela ntete bu mudi mushindu wai ne mitshi idi ikuama mamuma adi ne ntete yai, bu mudi mushindu wai. Nzambi wakabimona ne mbimpe.
14. Dilolo ne dinda biakadi dituku disatu.

## **II.1. MAKONKA**

Muyishi ela bayidi makonka aa :

### **II.1.a. NIVEAU MUHUEKELE (Primaire)**

- Bintu kayi biamoyo bia kumpala biakamenesha Nzambi mu buloba ? (Bimenyi, midioko ne mitshi)
- Midioko ne mitshi kayi biudi mumanye ? (Muyishi unvue diandamuna dia muyidi ne muyidi yonso ne lutulu lua bungu).
- Midioko ne mitshi kayi iudi munange bikole ? ne bua tshinyi udi muinange ? (Muyishi ateje diandamuna dia bayidi).
- Nzambi wakenza (kufuka) midioko, bimenyi ne mitshi dituku kayi ? (Dituku disatu).

### **II.1.b. NIVEAU MUBANDILE (Secondaire)**

- Nzambi wakenza tshinyi bua bimenyi, midioko ne mitshi bilua ne bivulangane ? (Wakabienza mu mushindu wa ne biela ntete ne bimuma bua bilele bikuabo).
- Tshinyi tshitudi tumona mu bimuma bidi bilelela mitshi mikuabo ? (Ntete leja ntete iudi mutuale).
- Mishindu kayi ya mitshi, bimenyi ne midioko yakenza Nzambi ? (Mishindu mishilangane).

- Mushindu kayi utudi tumanya ne mitshi ya mushindu umue kayina muakukudimuka mitshi ya mushindu mukuabo to ?
- Bonso buayi idi ne ntete idi ilela anu bu mudi ntete ayi.
- Mu science botanique ukadi muyile mushindu udi mitshi utuambulusha mu nsombelu wetu wa bantu anyi ? (Mitshi ya bungi idi ituambuluisha bua kudia, kuibaka nzubu, kuenza buatu, mabaya, binu bia matamba etc... Ne mitshi idi ituhesha oxygène kudi nyama, mishiha ne bantu bua kueyela.
- Menji a Nzambi avua tshinyi bua kufuka buloba, mai manene, bimenyi, midioko ne mitshi ? (Bionso bivua bimpe).
- Udi welangana menji ne bua tshinyi bena Yuda (Juifs) badi babanga dituku diabo butuku ? (Bualu Nzambi wakenza butuku kumpala ne munya kunyima).

## **II.2. THEATRE : TSHINYI TSHIDI TSHIENZEKE ?**

Bayidi bakuna musa wa avocat, dingayi anyi mutshi mukuabo. Bayikilangana bobo nkayabu bua kumanya ne, musa wa avocat udi ulele mutshi kayi, nansha wa dingaya, nansha mutshi mukuabo ?

Bakuabo bamba ne avocat udi mua kulua tomate, anyi orange.

Ebeja bayidi bua tshinyi musa wa avocat udi ulela anu avocat ? (Bualu kukale Nzambi wakafuka mitshi anu buakulelaye mitshi ya mushindu wayi).

## **II.3. KUIMBA NE KUJA**

Groupe wakumpala : Nzambi wakafuka

Groupe muibidi : Mabote

Nzambi wakafuka : Bikaka

Nzambi wakafuka : biombe

(Bayidi batela bimuma bidibo basue kudia ne nubiele mu misambu)

Bayidi bonso : Nzambi wakafuka bimenyi, midioko ne mitshi mu dituku disatu.

## **TSHITUHA III**

### **BALA GENESE 1 :14 – 19**

15. Nzambi wakamba ne bintu bidi bikenka bikala mulu mua diulu bua kutahulula munya kudi butuku, bikala bua bimanyimu ne bikondo ne bua matuku ne bua bidimu ;
16. Bikala bu minda mulu mua diulu bua kutokeshayi ha buloba ; bualu buakenjibua,
17. Nzambi wakenza minda minene ibedi : muinda mutambe bunene bua kukokeshu mu munya ne muinda mukese bua kukokeshu butuku ; yeye wakenza mitoto kabidi
18. Nzambi wakabiteka mulu mua diulu bua kutokeshayi buloba.

19. Ne bua kukokeshayi mumunya ne butuku, ne buakutahulayi munya kudi midima ; Nzambi wakabimona ne mbimpe.
20. Dilolo ne dinda biakadi dituku dinayi.

### III.1. MAKONKA

Muyishi ela bayidi makonka aa :

#### III.1.a. NIVEAU MUHUEKELE (Primaire)

- Nzambi wakafuka bintu kayi mu dituku dinayi ? (Minda minene ibidi ne mitoto).
- Nzambi wakateka bintu kayi mulu mua diulu bua kutahulula munya kudi butuku ? (Bintu bidi bikenka).
- Bua tshinyi Nzambi wakabiteka mulu mua diulu ? (Bua kutokeshayi ha buloba).
- Mudimu kayi mukuabo wa bintu bidi bikenka mulu mua diulu ? (Bidi bua bimanyinu ne bikondo ne bua matuku ne bua bidimu).
- Nganyi wakafuka mitoto ? (Nzambi)

#### III.1.b. NIVEAU MUBANDILE (Secondaire)

- Udi welangana menji ne nvese eyi idi mikole bua kuyijingulula bua tshinyi ?
  1. Bualu tudi tumona ne mu dituku dia kumudilu, Nzambi wakafuka diulu, tudi tuelangana menji anu mu dituku adi ngondo, diba ne mitoto bivua muakuikalamu (diulu). Kadi mukanda wa Nzambi udi utuleja ne minda mimene ibidi ne mitoto wakabienza mu dituku dinayi).
  2. Bualu Nzambi wakafuka bimenyi, midioko ne mitshi mu dituku disatu, ne bimenyi, midioko ne mitshi bidi ne dijinga dia munya ne diba).
  3. Nzambi wakafuka munya mu dituku dia kumudilu).
- Mushindu kayi utudi mua kujingulula malu aa ? (muyishi unvue menji a muyidi ne muyidi yonso ne asakidile élément hikala bayidi kabayi bayamba to).
  1. Bidi muakuikala ne Genese1. Udi mu tshikoso (sommaire) ne kujingulula mu détails kudi mu chapita ne nvese idi ilonda.
  2. Katuena bamanya ne munya wakafuka Nzambi dituku dia kumudilu uvua munya kayi ?
  3. Bimenyi, midioko ne mitshi bivua mua kudiuda kakui diba.
  4. Bantu bakuabo, bayidi ba mukanda wa Nzambi badi bamba ne (badi belanganamenji ne) Nzambi wakafuka diba, ngondo ne mitoto mu dituku dia kumudilu bualu bidi mu parti wa diulu.
  5. Badi belangana menji ne ku tshibangidilu, buloba buakadi busunguluke, buakadi hatuhu. Kadi mu dituku dimayi Nzambi wakabumuenesha.

- Mushindu utudi tumanya ne mu dituku dinayi Nzambi wakabanga kuelanga menji bua bantu ? (Anu bantu m’badi ne bua kubala bikondo (saison), matuku ne bidimu mu calendrier ne ngondo. Anu bantu m’badi ne bua kumanya matuku a ma fête. Nzambi wakateka minda eyi minene ibidi ne mitoto bua malu aa.

### **III.2. THEATRE : TSHINYI TSHIDI TSHIENZEKE ?**

- Ne ma gestes bayidi mu kasumbu (groupe) kamu baleje njila wa diba mu munya
- Kasumbu (groupe) kakuabo kaleja njila wa ngondo mu butuku

### **III.3. KUIMBA NE KUJA**

Nzambi wakafuka diba bua kukenketsha mu munya  
Nzambi wakafuka ngondo kukenketsha mu butuku  
Nzambi wakafuka mitoto yonso, o butumbi

### **III.4. DEVOIRS ANYI MIDIMU**

Mu lumingu elu lonso bayidi batendelele Nzambi mu mitshima yabo bonso. Kabatendeledi bintu biakafuka Nzambi to. Baleje mushindu udi bantu batendelela bintu biakafuka Nzambi. Kabalondi tshikadidi atshi to.

### **III.5. INVITATION (DIBIKILA)**

Wewe udi mumanye Nzambi anyi ? Udi mumanye mwana wandi Yesu Kilisto bu mukalenge ne musungidi anyi ?

Biwikala kuena muanji kumumanya, ungingdile muaba eu kunyima kua diyisha edi, meme ne nkuleja mushindu ûdi ne bua kienza bua wewe kuheta moyo wa tshiendelele mu Yesu Kilisto.

## DILESONA 3

**TEKESE : GENESE 1 :20-25**

**TSHIENA BUALU : NZAMBI WAKAFUKA MISHIPA, NYUNYU NE NYAMA  
(DITUKU 5 NE 6)**

**KENDELE KA DIYISHA:** Kunyima kua diyisha edi, bayidi badi ne bua  
kujingulula ne kuikala ne disanka ne Nzambi ke  
udi mufuki wa nyama yonso, muena meji onso ne  
bamutendelela anu yeye nkayende.

### **NVESE WA KUYILA**

Enza revision wa Genèse 1 :1 ne Yeshayi 45 :18 lukasa lonso.

**Exode 20 :3 - 5 :** kuikadi ne Nzambi mikuabo ne meme luhamue. 4.  
Kudisongedi luhingu anyi tshinfuangikishi tshia tshintu  
tshia mudiulu anyi tshia tshintu tshia hanshi ha buloba  
anyi tshia tshintu tshia mu mayi adi muishi mua  
buloba. 5. Kubinaminyi, kubitendeledi ; bua meme  
Yehowa Nzambi webe, ndi bianyi Nzambi wa mukau,  
ntu ngatumina bana ba tshihungu tshisatu anyi  
tshinayi, badi n’anyi lukuna mibi ya ba tatu ‘abu.

Enza kabidi revision wa dilesona dia I ne II

Bana bonso bamba munda munda :

Dituku dia kumpala – Munya

Dituku dibidi – Mayi a mulu ne panshi, muaba pankatshi kanshi

Dituku disatu – Diba, ngondo ne mutoto

Dituku dinayi – Mitshi ne mabeji

Pashishe, pesha groupe umue dituku ne bamba bifukibua ne babileja  
de façon rythmique.

Enza kabidi revision mu midimu (Devoirs) mifila lumingu lushale. Mu  
lumingu lushale nganyi udi mutendelela anu Nzambi, tshintu tshikuabo to ?  
(Tuaku bayidi badi benza nunku mpanda) (Félicitation, Excellent, bana ba  
lungenyi).

Nudi muakuikala bamona bantu bakuabo batendelela bintu bikuabo  
biakafuka Nzambi anyi ? Bintu kayi ?

### **MBANGILU WA DILESONA**



Muyishi aleja bindidimbi bia mpingu anyi ayikilangana ne bayidi ha mpingu idi imueneka mu milieu yabu. Ebi bidi mpingu idi bantu batendelela ne bayilomba bua yeye ibambuluishe.

Kadi meme ndi musue kunukonka : mu mpingu eyi, lupingu kayi ludi ludienza lolo nkayalu ? (Nansha lumue ; bantu mbadi bayenza yonso). Mikuabo idi bu nyama, kadi kayena bunyamba yakafuka Nzambi to.



## **BITUHA BINENE BIA DILESONA : BITUHA 2**

### **TSHITUHA I**

#### **BALA GENESE 1 :20 – 23**

21. Nzambi wakamba ne, mai avudisha bifukibua bia bungi bidi ne moyo, ne nyunyu unyunge mulu.
22. Nzambi wakafuka bintu binene bia mu mai ne bintu bionso bidi ne moyo bia mu mai bu mudi mishindu yabo ; ne nyunyu yonso bu mudi mushindu wai Nzambi wakabimona ne m’mbimpe.
23. Nzambi wakabisankisha ne, nulelangane, nulue bia bungi nûshe mai manene tente, nyunyu ikumbane ha buloba.
24. Dilolo ne dinda biakadi dituku ditanu.

### **I.1 MAKONKA**

Muyishi ela bayidi makonka aa :

#### **I.1.a. NIVEAU MUPUEKELE (Primaire)**

- Nzambi wakafuka nyama ya mushindu kayi mu dituku 5? (Mishipa mu mayi ne nyunyu mulu).
- Tshinyi tshidi tshileja mu nvese eu mishipa mu mayi ne nyunyu mulu kayivua mushindu umue tô ? (Yonso mu mushindu wayi).
- Tuamba ne mishipa yonso ivua anu mikese ? (To, ne minene uvua koku).
- Mudituku kayi diakafuka Nzambi mishipa mu mayi ne nyunyu mulu ? (Dituku ditanu).
- Nzambi wakabisankisha bua bienza tshinyi ? (Bivilangane biuja buloba tente).

#### **I.1.b. NIVEAU MUBANDILE (Secondaire)**

- Mushindu kayi wakamona Nzambi bintu biakafukaye dituku ditanu ? (Bivua bimpe, nvese 21).
- Ba scientistes badi batapulula nyama mu mushindu umue. Badi babikila espèce anyi famille. Meyi kayi mu nvese eu adi aleja ne Nzambi wakabifuka nanku ? (Yonso mu mushindu wayi).

### **I.2. THEATRE : TSHINYI TSHIDI TSHIENZEKE ?**

Bayidi benza gestes bu badi bakosa mayi (nager) bu mishipa mu mayi ne bimba musambu ne : “Nzambi wakafuka mushipa mu mai” benza kabidi

gestes bu badi babuka mulu ne bimba musambu eu ne : “Nzambi wakafuka nyunyu mulu”.

### **I.3. MUSAMBU NE MAJA**

Nzambi wakafuka nyama, tuasakidila  
Nzambi wakafuka nyunyu, tuasakidila  
Nzambi wakafuka mishipa, tuasakidila  
Nzambi wakabisanka, tuasakidila  
Bua biobio kulelangana ne kuyuja buloba tente  
Tuasakidila tuasakidila wa mu diulu.

## **TSHITUHA II**

### **BALA GENESE 1 :24 – 25**

25. Nzambi wakamba ne buloba buvwishe bifukibua bidi ne moyo bu mudi mishindu yabi, ya bimuna ne bintu bidibidikoka hanshi, ne nyama yonso ya ha buloba bu mudi mishindu yai ; bualu buakenjibua.
26. Nzambi wakenza nyama ya ha buloba bu mudi mishindu yai, ne bimuna bu mudi mushindu watshi. Nzambi wakabimona ne mbimpe.

### **II.1. MAKONKA**

Muyishi ela bayidi makonka aa :

#### **II.1.a. NIVEAU MUHUEKELE (Primaire)**

- Nzambi wakafuka tshinyi ( ) mu dituku disambombo ? Nyama ya mu tshisuku ne ya mu mpata.
- Tuamba ne Nzambi wakafuka nyama mushindu wa ne yoyi neyandamuka nyama mikuabo anyi ? (Nansha kakese, yoyi ivua anu ilela nyama ya mushindu bu yoyi : kapumbu anu kapumbu, nkashama ilele anu nkashama).
- Nganyi udi muakutela nyama wa tshisuku udiye mumanye ? Kadi wa mpata ? Nyama munene ? Mukese ?

#### **II.1.b. NIVEAU MUBANDILE (Secondaire)**

- Nzambi wakafuka nyama mushindu kayi ?
- Nzambi wakamona nyama yonso yakafukaye mushindu kayi ? (Yonso yakadi bimpe).

### **II.2. THEATRE : TSHINYI TSHIDI TSHIENZEKE ?**

Bayidi benza geste ne bela mbila bubadi nyama ya mishindu mishilangane bu : 1. Ngo ngo ngo ngo ; 2. ûh ûh ûh ûh ûh ûh, kûa, kûa, kûa, kûa, kûa etc... Bê bêh, bêh, bêh, bêh, bêh !

Bayidi bakuabo bateta bua kumanya nyama udi udila nanku. Bikalabu bamba bimpe nyama au, bonso buabu benza geste bu nyama au udi wamba ne : “Nzambi wakafuka (dina dia nyama au : par ex. MUKOKO).



### **II.3. MUSAMBU NE MAJA**

Nzambi wakafuka nyama  
Nzolo : klek klek klek kokoriko  
Mbua : wuf wuf wuf wuf  
Kapumbu : û û û û û û û  
(Londa bua kutela mena a nyama mikuabo udi mumanye ne mushindu kayi udiye udila ne yenda)  
Tuasakidila bua nyama eyi ?

### **II.4. DEVOIRS ANYI MIDIMU**

Mu lumingu elu tendelela Nzambi bua bantu badi batendelela mpingu mu ditunga dienu anyi miaba mikuabo. Tendelela ne Nzambi akudimuna mitshima ne bamutumbisha anu yeye nkayenda, bualu yeye ke mufuku wabu.

### **II.5. INVITATION (DIBIKILA)**

Misangu mikuabo kuena utendelela mpingu to.  
Kadi udi mumanye mufuki webe bu mulunda anyi bu mukalenga ?  
Udi muakumanya Nzambi, biwikala muitabuja muan’andi Yesu Kilisto bu mukelenge ne musungidi webe.  
Kujanguluki bua wewe kumuitabuja dituku dialelo to. Biwikala musue kumuitabuja lelu, luaku kunyima kua diyisha edi ne wamba ne ndi musue kuitabuja Yesu lelu.  
Meme ne nkuleja tshiudi ne bua kuenza.

## DILESONA 4

**TEKESE : GENESE 1 :26 – 31**

**TSHIENA BUALU : NZAMBI UDI UFUKA BANKAMBUA BETU BAKUMPALA  
(BADIAMBEDI)**

**KENDELE KADIYISHA:** Kunyima kua diyisha edi bayidi badi ne bua kujingulula ne muntu yonso udi ne mushinga kumpala kuetu bonso. Nzambi wakatufuka mu tshinfuanyi tshandi.

Pabualu ebu tudi ne bua kuenzela muntu yonso bimpe, nansha yeye muikala nganyi, nansha yeye muenze tshinyi.

**NVESE WA KUYILA : GENESE 1 :27**

27. “Nzambi wakafuka muntu ne tshifuanyikishi tshiandi, wakamufuka ne tshifuanyikushi tshia Nzambi, wakabafuka balume ne bakashi”.

### REVISION

- a. Ebeja bayidi tshinyi tshivua Nzambi mufuke matuko onso atanu mashale. Enzela foto bua kuleja tshivua tshenzeka ne dituku. Pashihe bayidi bamba nvese ivuabo bayile. Bayambe kumpala kua bayidi bakuabo. Pikalabo bamba bimpe bisheme, udi muaku bapesha don (si c'est possible) bikalabi bikengela nanku anyi “Félicitation”, ou “Champion” ou bien “Nzambi akutua mpanda” ou encore “mukalenge akubenesha” etc... lelu ne tumone tshinyi tshiakenza Nzambi dituku disambombo.
- b. Ebeja bayidi ne, nganyi wa munkatshi muenu udi muenze mudimu (devoir wakulombela bantu ba muditunga diabo badi batendelela mpingu ? merci, ok, mudimu muimpe ! Tungunuka nunku bua bobo batendelela Nzambi mulelela.

### KULONGOLOLA KUMPALA

Longola foto ya nyama ya mishindu mishilangane ne foto ya bantu ba mishindu mishilangane. Ne ikuambuluishe mu katupa ka kuimba ne kuja (4.1)

## **MBANGILU WA DILESONA**

Enza théâtre udi uleja muana upita mu njila (phaseur) manyanu, bayidi bakuabo bamuseka, bela mate panshi, bamubihisha. Muana mukuabo muikale muena kuitabuja umona tshidibo benza ne ntshibi ne ubambila ne : tshinudi nuenza n’ntshibi, Nzambi kena ne disanka bua ngenzeli eu to. Kanuena bamanye ne muana eu udi muntu anyi ?

Ebeja bayidi : Mukanda wa Nzambi udi utuleja tshinyi ? Mushindu kayi utudi mua kuikala ne bantu badi bu mushindu wa muana eu ? Tudi ne bua kuseka anyi kubipisha anyi kuela mate panshi bua muntu mukuabo wa manyanu anyi ? Anyi bualu yeye udi muhele anyi ? Anyi bualu yeye udi tshilemende anyi ? Anyi bualu udi mutata kane anyi ?

Lelu tudi tumona mu mukanda wa Nzambi bua tshinyi bidi bikengela kuleja buimpe (kanemu) kudi bantu bonso.

## **BITUHA BINENE BIA DILESONA : BITUHA 4**

### **TSHITUHA I**

#### **BALA GENESE 1 :26 – 27**

27. Nzambi wakamba ne tuenze muntu ne tshifua nyikishi tshietu mufuanangana n’etu, balue bakokeshi ba minyinyi ya mumai manene ne ba nyunyu ya mulu, ne ba bimuna, ne ba ha buloba bonso, neba tshintu tshionso tshidi tshidikoka panshi.
28. Nzambi wakafuka muntu ne tshifuanyikishi tshiandi, wakamufuka ne tshifuanyikishi tshia Nzambi, wakabafuka balume ne bakashi.

### **I.1 MAKONKA**

Muyishi ela bayidi makonka aa :

#### **I.1.a. NIVEAU MUPUEKELE (Primaire)**

- Kunyima kua Nzambi mumane kufuka nyama, tshinyi tshiakafukayi ? (Wakafuka bantu)
- Nzambi wakafuka bantu ne tshi fwanyi kishi tsha nganyi ? (Tshiandi yeye nkayende)
- Nyama kayi wakafukaye mufuanangana n’andi ? (Nansha umue).
- Nzambi wakabapesha bukokeshi pa mutu pa binganyi ? (Pa mutu pa nyama ne nyunyu)
- Leja mishindu ibidi ya bantu bakafuka Nzambi (mulume ne mukashi)
- Nzambi wakafuka anu mulume mu tshifuanyikishi tshandi anyi, mulume ne mukaji bonso mu tshifuanyikishi tshiandi ? (Bubidi buabu).

#### **I.1.b. NIVEAU MUBANDILE (Secondaire)**

- Bantu m’bashilangana ne nyama ku tshinyi ? (Muyishi indile ne ateleja menji a muyidi ne muyidi).

- Nzambi udi anu umuehele kadi mu nvese 26 Nzambi wakateka ku bungi “bo (bantu) ne bikala bu tuetu (tuetu bua tshinyi wakateka ku bungi ? mbuena kuamba munyi ? bidi bisua kuleja ne kutshibangidilu busatu bunsatu buvwaku kadi Nzambi udianu umupele kadi mu ba personnn mbupite pa umue. Mu bumue abu busatu budimukabidi (pluralité dans l’unicité).
- Bikala mulunda webe u’kuambila ne Nzambi wakafuka balume mu tshinfuanyikishi tshandi. Kadi muntu mukaji to. Diandamuna kayi diudi muakumupesha ? (Nzambi wakafuka mulume ne mukashi mu tshinfuanyikishi tshandi, bu mudi nvese 27 utuleja).
- Tshambilu etshi ne Nzambi wakafuka bantu mu tshinfuanyikishi tshandi tshidi tshiunvuija tshinyi ? (Tuete tudi ne moyo udi kauyi ufua to, tudi mua kuyikila n’enda ne kumutendelela, tudi ne nyuma. Tuetu tudi bifukibue ne yeye udi mufuki etc..)
- Bikala bantu bonso bikala ne tshifuanyikishi tshia Nzambi tudi ne bua kuikala n’abu mushindu kayi ? (Mu kanemu, dinanga ne buimpe).

### **I.2. THEATRE : TSHINYI TSHIDI TSHIENZEKE ?**

Leja foto ya bungi ne leja umue ku umue. Bikala foto uleja nyama, bayidi bamba bonso : “Nyama” bikala foto uleja bantu, bayidi bamba bonso : “Muntu tshinfuanyi tsha Nzambi”. Foto ayi idi ne bua kuleja bantu ba mishindu mishilangane.

### **I.3. MUSAMBU NE MAJA**

Nzambi wakafuka mulume. Yeye wakafuka mukaji kabidi Nzambi wakatufuka bonso buetu.

## **TSHITUHA II**

### **BALA GENESE 1 :28**

29. Nzambi wakabasankisha, wakabambila ne, nulelangane, nukumbane ba bungi, nûshe buloba tente ; nubukokeshe ; nuikale ne bukokeshi ku mutu kua minyinyi ya mu mai, ne nyungu ya mulu, ne tshintu tshionso tshidi ne moyo tshidi tshindakana ha buloba.

### **II.1. MAKONKA**

Muyishi ela bayidi makonka aa :

#### **II.1.a. NIVEAU MUHUEKELE (Primaire)**

- Nzambi wakenzela bantu tshinyi ? (Wakabasankisha).
- Nzambi wakabambila tshinyi ? (Nulelangane, nûje buloba tente)
- Bua tshinyi Nzambi wakabambila ne nulelangane, nûje buloba tente ? (Bua buloba bujima buikale bûle tente ne bantu ne bua ku bukokesha)

- Nzambi wakabapesha bukokeshi pa mutu pa tshinyi ? (Bukokeshi ha buloba bujima, ha mutu ha minyinyi ya mu mai, ne nyunyu ya mulu ne tshintu tshionso tshidi ne moyo tshidi tshindakana ha buloba.

### **II.1.b. NIVEAU MUBANDILE** (Secondaire)

- Bikala buloba buikala bule tente ne bantu, tshinyi tshidi ne bua kuenzaka bua kuuja buloba ne kubukokesha ? (Badi ne bua kutangalaka bua kûja buloba bujima).
- Tshinyi tshidi tshileja ne bantu badi pa mutu pa nyama ? (Tudi ne bukokeshi pa mutu payi; misangu mikuabo bayidi badi ! muakuamba ne bualu Nzambi wakafuka bantu mu tshinfuanyi tshandi.
- Tudi ne bukokeshi pa mutu pa nyama mu mushindu wa kayiyi ijika mu buloba bujima anyi ? (Ee, bualu Nzambi udi musue bua tuetu kuikala ne bukokeshi pa mutu payi mu mushindu muimpe ne bu ba responsable bua kayiyi ijika to. Bualu neyambuluishe bana betu ne bana ba bana betu).
- Mushindu kayi muimpe utudi muakukokesha buloba ne nyama ? (Muyishi atelega (unvue) meji (Point de vue) a bayidi : Badi muakuamba ne “Nzambi atupeshe lungenyi ne menji, anyi tukeba bantu bakuabo badi muakutuleja.

### **II.2. THEATRE : TSHINYI TSHIDI TSHIENZEKE ?**

- A. Groupe wa kumpala wa bayidi baleja disanka bualu bakulela muana. Ebeja bayidi ne tshitupa kayi tshia nvese tshidi tshileja muanda eu (nulelangane nûje buloba tente).
- B. Groupe muibidi aleja théâtre udi uleja bantu bondapa nyama. Ebeja bayidi bakuabo ne tshitupa kayi tsha nvese tshidi tshileja muanda eu (nuikala ne bukokeshi ha mutu ha nyama yonso).

### **II.3. MUSAMBU NE MAJA**

Nzambi wakabasankisha  
Wakabambila ne nulelangane nûja buloba tente  
Nuikala ne bukokeshi pa nyama yonso.

### **TSHITUHA III**

#### **BALA GENESE 1 :29 – 30**

30. Nzambi wakamba ne, monai, nakunuha midioko yonso ya ha buloba, idi yela tente, ne mitshi yonso idi ikuama mamuma adi ne tente munda bua kuikalabi bia kudia bienu.
31. Nakufila midioko yonso bu bia kudia kudi nyama yonso ya ha buloba ne nyunyu ya mulu ne tshintu tshionso tshidi tshidikoka hanshi, tshionso tshidi ne moyo ; bualu buakenjibua.

### III.1. MAKONKA

Muyishi ela bayidi makonka aa :

#### III.1.a. NIVEAU MUHUEKELE (Primaire)

- Biakudia kayi biakapesha Nzambi bantu ku tshibangidilu ? (Midioko yonso ya ha buloba idi yela tente, mitshi yonso idi ikuama mamama adi ne tente munda).
- Nganyi wakapesha bankambua beto bia kudia ebi ? (Nzambi)
- Bia kudia kayi bia kapesha Nzambi nyama ku tshibangidilu ? (Midoko yonso)
- Ku tshibangidilu nyama ivua idiangana yoyi nkayayi anyi ? (To).

#### III.1.b. NIVEAU MUBANDILE (Secondaire)

- Bua tshinyi Nzambi kakapesha bantu bukokeshi bua kudia nyama tshikondo atshi ? Bayidi belangana menji. (Misangu mikuabo bidi mua kuikala bualu lufu luakalua anu kunyima kua bantu bamane kuenza bibi. Kumpala kua malu aa lufu kaluvuaku to, nansha mu bantu, nansha mu nyama.
- Misangu mikuabo mu cours wa sciences zoologiques ukadi muyishibue mudi nyama idia nyama mikuabo (Carnivores) anyi nyama idia mabeji ne mitshi (herbivores). Ku tshibangidilu Nzambi wakafuka nyama bua kuikalaye carnivores anyi herbivores ? (Bonso buabu bavua badia anu mabeji).
- Ba scientistes bakuabo badi bamba ne nyama mikuabo itu anu idia misunyi ya nyama mikuabo bualu menu abu adi menza nanku. Badi belangana menji munyi ? (Mukanda wa Nzambi udi uleja ne ku tshibangidilu nyama ivua idia anu mabeji. Anu menu abu akabaleja bua kudia misunyi, kabiena bileja ne Nzambi wakabienza nanku to. Bidi muakuikala ne Nzambi mumanyi wa ntuadijilu ne ndekelu uvua mumanye ne kunyima kua bubi bumane kubwela mu buloba, nyama ne idiangane yoyi nkayayi. Ke bualu kayi wakabapesha menu a nanku ku tshibangidilu nansha bobo kabayi baenzela nanku.

### III.2. THEATRE : TSHINYI TSHIDI TSHIENZEKE ?

Bayidi benza geste idi ileja ne badi bapola ne badia bimuna bia mishindu mishilangane ne disanta.

Bikalala kudi mushindu, pesha bayidi bakuabo bitupa bia malala ne babidie.

### III.3. KUIMBA NE KUJA

Malala a bungi  
Mitshi ya bungi  
Mabeji a bungi

Tudia bimpe Mm m !  
Tuasakidila Nzambi  
Wewe wakatupesha bia kudia !



## **TSHITUHA IV**

### **BALA GENESE 1 :31**

32. Nzambi wakamona bintu bionso biakenzayi ne biakadi bimpe be ! Dilolo ne dinda biakadi dituku disambombo.

#### **IV.1. MAKONKA**

Muyishi ela bayidi makonka aa :

##### **IV.1.a. NIVEAU MUHUEKELE** (Primaire)

- Nzambi wakamona bintu bionso biakafukaye mushindu kayi ? (Wakabimona bimpe mene mene).
- Nzambi wakamona bantu (Mulume ne mukaji) mushindu kayi ? (Bobo kabidi bakadi bimpe mene mene).

##### **IV.1.b. NIVEAU MUBANDILE** (Secondaire)

- Dishilangana kayi didi pankatshi pa bintu biakafuka Nzambi kumpala ne bantu bakafuka Nzambi kunyima. (Kumpala wakenza bintu wakamba ne bivua bimpe ne kunyima wakafuka bantu wakamba ne bivua bimpe mene mene).

#### **IV.2. THEATRE : TSHINYI TSHIDI TSHIENZEKE ?**

Enza théâtre nunku : leja bayidi foto ibidi :

\*Wa bantu \* Ne wa nyama

Padiba batangila foto wa nyama bamba ne “Bidi bimpe”

Padiba batangila foto wa bantu bamba ne “Bidi bimpe”

#### **IV.3. MUSAMBU NE MAJA**

Nzambi wakatuenzela buloba ! Buloba buimpe Aleluya !

#### **IV.4. DEVOIRS ANYI MIDIMU**

Udi koku mumanye muntu udi bantu bakuabo babipisha (kumuseka, kupenda etc...) Badi benza bu kena tshifuanyikishi tshia Nzambi to. Muntu au n'nganyi ? (Muyishi indila mandamuna a bayidi).

Bua tshinyi nudi numona ne kabena benza bimpe (muyishi ateleja tshidi bayidi bamba. Pashishe wamba ne misangu mikuabo kabena bamanye ne kabena bajinjulula ne yeye biende udi tshifuanyikishi tshia Nzambi to).

Wewe biebe udi ne muntu mukuabo ûdi muenzele bibi nanku anyi ? (Muyishi ateleje diandamuna dia muyidi ne muyidi anyi belangana meji pa mandamuna au. Mushindu kayi udi uchanger ngikadilu webe au, anu mu limungu elu.

Bikala mushindu muikalaka bikila muana umue adienza bu bantu abu. Bayidi bakuabo benza gestes ya mushindu udibo bikala ne muana au.

Muana udi mukuenzela bibi  
Muana udi ne bulema (Tshilemende) ku mukolo  
Muana muimpe  
Muana mutakakane  
Muana usama  
Muana udi kayi usomba kunzubu to (phaseur)  
Muana wa tshitoka toka  
Muana wa manyanu, ununka mupuya  
Muyishi akumbaje malu makuabo adi amueneka mu muaba udiye  
usanganyibua.

#### **IV.5. INVITATION (DIBIKILA)**

Nzambi wakafuka muntu mu tshifuanyikishi tshiandi. Nzambi udi mukunange. Yeye udi musue wikala mulunda wandi, wikala mu buobumue n'andi.

Udi mudilongolola bua kuitabuja Yesu Kilisto bu mukelenge ne musungidi webe lelu anyi ?

Biwikala mudilongolola, luaku usomba apa kunyima kua diyisha edi. Amba ne : “Ndi musue kuitabuja Yesu” meme ne nkuambuluishe.

## DILESONA 5

**TEKESE : GENESE 2 :1 – 3**

**TSHIENA BUALU : NZAMBI WAKASANKISHA DITUKU DIAKUIKISHA**

**KENDELE KADIYISHA:** Kunyima kua diyisha (dilesona) edi, bayidi badi ne bua kujingulula ne Nzambi wakateka dituku dimue kulumingu bua kuikisha ne kuvuluka mua katufukaye. Tuetu kabidi tuikale ne dituku dimue bua tuetu kumutendelela ne kuikisha.

**NVESE WA KUYILA : GENESE 2:3**

3. Nzambi wakavudishila dituku dia muanda mutekete disanka, wakadijidila bualu bua yeye wakikisha dituku diadia ku mudimu wandi wonso wakufuka ne kuenza

### REVISION

- ❖ Tangila anyi enza revision générale wa bufikibua bituadijile dilesona 1 tō ne dilesona 4. Ambulula matuku ne bifukibua. Enzela foto ya dilesona 4 ne sakidila foto ya nyama ne bantu.
- ❖ Ebeja bayidi devoirs anyi midimu mifile mu lumingu lushale. Badi muakuikala ba changer nsombelu wabu bua kuenzela bantu badi kabayi bu bobo anyi? (bilemenda, bapale...) Nganyi udi mua kutuambila muakenzekabi? Tuasakidilayi bua ngezeli au. Nutungumuke bua kuenza kabidi nanku.

### MBANGILU WA DILESONA

Enza théâtre wa bana babidi : umue uya mu nzubu wa Nzambi ne mukuabo uya mu budimi. Muena kuya mu budimi udi “aseka udi uya mu nzubu wa Nzambi ne wamba” “Bantu badi baya mu nzubu wa Nzambi badi bena lulengu”.

Muana wa nzubu wa Nzambi akudimuna ne “Nzambi wakenza dituku dimue mu lumingu bua kumutendelela ne kuikisha.

**BITUHA BINENE BIA DILESONA : BITUHA 2**

**TSHITUHA I**

## **BALA GENESE 2 :1 – 2**

1. Diulu ne buloba ne bintu bionso biakashikishi bua, buonso buabi.
2. Mudituku dia muanda mutekete Nzambi wakadi mumane kushikisha mudimu wandi wakenzayi ; yeye wakikisha dituku dia muanda mutekete kumudimu wonso wakenzayi.

### **I.1 MAKONKA**

Muyishi ela bayidi makonka aa :

#### **I.1.a. NIVEAU MUPUEKELE (Primaire)**

- Tshinyi tshakenza Nzambi mu dituku dia muanda mutekete ? (Wakikisha).
- Bua tshinyi wakikisha ? (Bualu wa kushikisha mudimu wandi onso wakenzaye).

#### **I.1.b. NIVEAU MUBANDILE (Secondaire)**

- Menji a a a mbingu akabanga mushindu kayi ? (Akabange mu tshikondo tshiakafuka Nzambi buloba, wakenza bionso mu matuku muanda mutekete).
- Bikala muntu ukuambila ne kuikisha dituku dimue ku lumingu bidi bileja bufuba, ne wamba tshinyi ? (Nzambi wakatupesha matuku 6 bua tuetu kuenza midimu yetu, kadi dituku dimue ku lumingu bua tuetu kuikisha ne kumutendelela).

### **I.2. THEATRE : TSHINYI TSHIDI TSHIENZEKE ?**

Bala minu : 1 2 3 4 5 6 7 : kuikisha pashishe bayidi benza nanku.

Groupe I : 1 2 3 4 5 6 7

Groupe II : Mudimu, Mudimu, Mudimu, Mudimu, Mudimu, Mudimu, kuikisha Benza ne geste idi ileja mudimu, kunyima gestes ya kuikisha (kusomba)

### **I.3. MUSAMBU NE MAJA**

O Nzambi wakafuka tatu Adama ! Mu dituku disambombo  
Mu dituku dia muanda mutekete ! Yeye wakikisha  
O WALI WALI WO, WALI WALI WO WALI WALI WO  
Oh Nzambi wakenza maman Eva.

## **TSHITUHA II**

### **BALA GENESE 2 :3**

3. Nzambi wakavudishila dituku dia muanda mutekete disanka, wakadijidila ; bualu bua yeye wakikisha dituku diadia ku mudimu wandi wonso wa kufuka ne kuenza.

## **II.1. MAKONKA**

Muyishi ela bayidi makonka a a :

### **II.1.a. NIVEAU MUHUEKELE (Primaire)**

- Nzambi wakasankisha dituku kayi ? (Dia muanda mutekete)
- Bua tshinyi ? (Bualu dituku adi yeye wakikisha)
- Mukanda wa Nzambi udi utuambila ne Nzambi wakasankisha dituku dikuabo anyi ? (To)
- Udi welangana menji kayi bua dituku edi dia kuikisha ? (Didi dituku special (pa buadi) ne didi ne mushinga ku mesu kua Nzambi).

### **II.1.b. NIVEAU MUBANDILE (Secondaire)**

- Nzambi wakasankisha dituku dia 7, tshinyi tshikuabo tshakenzayi bua dituku adi ? (Wakadijidila dituku diandi).
- Tshinyi tshitudi mua kuenza lelu bua kuleja ne didi dituku dia Nzambi (Kutendelela, kubala M.N. kumuvuluka).
- Bantu bakuabo badi bamba ne kuikisha kudi kubi, bantu badi bikisha dituku dijima badi bena lulengu. Tshinyi tshidi M.N. wamba bua wewe kuleja bantu abu ? kabena beleja ne kuikisha kudi kubi, bualu Nzambi wakatupesha dituku adi, ne yeye nkayandi wakikisha dituku adi. Nzambi kena mua kuenza bualu bubu to.

## **II.2. THEATRE : TSHINYI TSHIDI TSHIENZEKE ?**

Bayidi benza théâtre eu nunku. Bana basambombo bikala benza mudimu. Umue udi muikishe ne utendelela.

Umue mukuabo ikala Nzambi.

Nzambi atangila bana basambombo, umue ku umue amba ne “Mudimu muimpe, mudimu muimpe etc. 6 fois”.

Nzambi atangile kabidi udi muikishe amba ne : “Dikisha dimpe ! Na kasankisha dituku edi ne nakadivuija dianyini”.

## **II.3. MUSAMBU NE MAJA**

Mu dituku dia muanda mutekete yeye wakikisha

## **II.4. DEVOIRS ANYI MIDIMU**

Dituku dimue kulumingu utu uvuluka Nzambi webe ne wewe kumutendelela anyi ? Utu ubuela mu masangisha a mudituku adi ne bena kuitabuja bakuabo anyi? Bua nuenu kumutendelela anyi ?

Buikala kutu wenza nunku, mbimpe ubanga lumingu elu.

## **II.5. INVITATION (DIBIKILA)**

Nzambi udi muimpe buetu tuetu. Wakatupesha dituku dia kuikisha mu lumingu. Wakatupesha muana wandi umuehele bua kutusungila ku bubu

buetu. Biwikala kuena muanji kuitabuja Yesu Kilisto mu moyo webe to. Lelu ndituku dimpe bua wewe kumuitabuja mu moyo webe, Ela tshanza mulu.

Kunyima kua dilesona edi ungindile muaba eu (1) nungindila muaba eu (2, 3, 4) ➔ Muyishi aleja muaba.

**MATERIELS SUPPLEMENTAIRES BUA BANA BA NIVEAU SECONDAIRE  
BIKALA DIKONKA DIA NE DITUKU DILELE DIA KUTENDELELA  
(DISAMBOMBO ANYI DILUMINGU)**

- ❖ Dituku kayi par semaine divua bena kuitabuja kakale batendelela (Bienzedi 20 : 7 ; Ikolinto 16 :2)
- ❖ Mu disangisha adi bavua bavuluka malu kayi manene akenzeka ? (Matayi 28 :1 ; Mako 6 :2 ; Luka 24 :1 ; Yone 20 :1)
- ❖ Mukanda wa Nzambi udi utuleja ne bena kuitabuja baba juger bakuabo bua malu kayi ? (Kolosayi 2 :16) Mushindu wa kunemeka dituku dia fete ne dia kuikisha.
- ❖ Bena kuitabuja bakuabo badi bamba ne bana ba Nzambi batendelela dituku dia kumpala, bu muakenza Eglise wakumpala.  
Bakuabo badi bamba ne badi banemeka anu dituku dia bu muakadi bantu ba Nzambi benza mu dipungila dikulu kulu.  
Nvесе eyi idi ileja ne mu dipungila dipia dipia Nzambi wakapesha bena kuitabuja budishikaminyi anyi mushindu wa kuenza nunku.  
Nansha tuetu batendelela mu dituku 7 anyi 1, tudi tulonda mukenji wa kutendelela ne kuikisha.

## DILESONA 6

**TEKESE : GENESE 2 :4 – 7**

**TSHIENA BUALU : NZAMBI WAKAFUKA ADAMA [DETAIL].**

**KENDELE KADIYISHA:** Kunyima kua diyisha edi, bayidi badi ne bua kujingulula ne kumanya ne mbipitshile buimpe ne tuetu bantu tudi bifukibua bia pa buapi (spécial), ki bu nyama tō.

**NVESE WA KUYILA : GENESE 2 :7**

7. Yehowa Nzambi wakafuka mulume ne difuenkenya dia biloba, wakela muhuya wa moyo mu diulu diandi ; ne mulume wakalua ne muoyo.

### REVISION

- ❖ 1. Kutangula malesona mashale kunyima :
  - Tshinyi tshitudi bayile bua bidi bitangila kufukibua kua bankambua betu ba kumpala ? muyishi atelega menji (point de vue) a muyidi ne muyidi. Badi muakuandamuna bu nunku :
- ❖ Nzambi wakafuka mulume ne mukaji.
- ❖ Wakabafuka dituku disambombo
- ❖ Bantu bakikala bifukibua bia ndekelu biakafuka Nzambi
- ❖ Nzambi wakabafuka ne tshifuanyishi tshiandi
- ❖ Nzambi wakamba bavua bimpe mene mene
- ❖ 2. Ebeja bayidi bikalabo bakenza midimu (devoirs) uvua mubapeshe mu lumingu lushale.

Udi mulue lelu mu kutendelela, udi mumanye dituku edi didi pabuadi (spécial) ne didi dia Nzambi anyi ?

Ok, félicitation !

Nganyi udi ne disanka bua kumanya ne Nzambi wakatupesha dituku edi bua tuetu kuikisha ne kumutendelela ?

Meme bianyi ndi ne disanka dia bungu mene mene.

### MBANGILU WA DILESONA

Dishilangana kayi didipankatshi pa bantu ne nyama ? Udi welangana menji munyi ? (Muyishi indila katupa bua bayidi bafile menji anyi mandamuna ku dikonka edi). Tukadi bamona mu Genese 1 dishilangana dimue. Nzambi wakafuka bantu mu tshinfuanyishi tshandi kadi nyama mu

tshinfuanyishi tshandi tō. Mu Genese 2 ne tumona dishilangana dikuabo dinene.

## **BITUHA BINENE BIA DILESONA : BITUHA 3**

### **TSHITUHA I**

#### **BALA GENESE 2 :4**

Mushindu eu wakafuka Nzambi diulu ne buloba ...

4. Eku nkulondolola kua malu a diulu ne a buloba hakafukibuabi. Mu dituku diakenza Yehowa Nzambi buloba ne diulu.

### **I.1. MAKONKA**

Muyishi ela bayidi makonka aa :

#### **I.1.a. NIVEAU MUPUEKELE** (Primaire)

- Tshitupa etshi tshitudi babale, tshidi tshituambila tshinyi ? (Kulondolola kua malu a diula ne buloba).
- Tshidi tshileja tshinyi bua diulu ne buloba ? (Mushindu wakabifukaye).
- Duilu ne buloba biakabanga mushindu kayi ? (Nzambi nguaka bienza (kubifuka) ).
- Nganyi wakafuka diulu ne buloba ? (Nzambi nguakabifuka).

#### **I.1.b. NIVEAU MUBANDILE** (Secondaire)

- Tuakubala mu shapita 1, mushindu wakafuka Nzambi bintu bionso, pashishe mu shapita 2, tudi tubala malu a a kabidi. Bua tshinyi kuambulula misangu ibidi ? (Muyishi atelega menji a bayidi). Dikonka edi didi ne mushinga wa bungi.  
Bualu bantu bakuabo (antibiblique) badi bamba ne shapita 1 ne shapita 2 idi bu histoires ibidi idi kayiyi ipetangana to (contradictoire : pas de concordance). Kadi mu dipungila dikulu kulu, tudi tumona principe idi mibanga n’etu, tudi tuyimona kabidi kunyima misangu ya bungi mu mikanda ya histoire (livres historiques).  
Ambila bayidi bayile shapita 1 ne 2 mu sens litteraire anyi mushindu wa kufunda).
- Bikalabu kabayi ba mona style au to bajinguluilayi, pashishe balomba ne badi muakuleja mushindu udiye umueneka mu shapita eyi ibidi. Kumpala mufundi udi uleja histoire mu sens munene – malu manene (bu grandes lignes). Kunyima, neabange kuleja mu details idi mipite buimpe ne yeye nealeja malu makuabo adi bu details.  
Ebeja bayidi bikala badi muakumona malu a a.



- Shapita muibidi kena mayisha makuabo to, kadi udi détails ya malu adi ne mushinga mupite (important) mushindu wakafuka Nzambi muntu mu dituku disambombo



### **I.2. THEATRE : TSHINYI TSHIDI TSHIENZEKE ?**

Enza misangu ya bungi ne gestes bidi bienzeka mu malu a a :  
Nzambi wakafuka buloba (Ela tshijengu ne maboko (ronde) aleja buloba bujima). Ne yeye wakafuka diulu (Nyungusha minu mulu)  
Yehowa Nzambi wakafuka bionso (Enza cercle munene ne maboko)

### **I.3. MUSAMBU NE MAJA**

Yehowa Nzambi wakafuka buloba (Tuta makasa) ne diulu kabidi leja bianza bionso bibidi mulu  
Mukanda wandi udi wamba nanku.

## **TSHITUHA II**

### **TANGILA GENESE 2 :5 – 6**

Ishâ, nvese 5 udi mule, imana kakese kunyima kua kakoselu (virgule) bua kujingulula idée (menji).

Meyi makuabo négative adi mu nvese eu. Insister ( ) pa négatif eyi bua baleja mushindu uvua buloba ku tshibangidilu.

5. Midioko ya mu madimi kayakanza kudiunda ha buloba ne mashinde kâkanza kutoloka ; bualu bua Yehowa Nzambi kakanza kulokeshya mvula ha buloba ; ne kakuadi muntu bua kuihilaye buloba ;
6. Kadi dibungi diakabanda ha buloba, ne tshitelele tshiakadi ha buloba buonso.

## **II.1 MAKONKA**

Muyishi ela bayidi makonka aa :

### **II.1.a. NIVEAU MUPUEKELE (Primaire)**

- Tela mena a bintu bisatu bivua kabiyika kunyima kua Nzambi mumane kufuka diulu ne buloba ? (Mashinde, nvula ne muntu).
- Bituikala tuyukila tshibangidilu, tudi tuelangana menji bua dituku kayi ? (Kumpala kua dituku disatu, bualu Nzambi wakafuka mabeji dituku disatu).
- Ku tshibangidilu mayi avua apatuku penyi ne avua enza munyi ? (Avua apatuka muinshi mua buloba ne avua amuangalaka mulu).
- Dishilangana kayi didi pankatshi padi buloba bu angata mayi lelu ne muvuabu ku tshibangidilu ? (Lelu, Nzambi udi utulokeshila nvula, kadi tshikondo atshi kabivua nanku to).

### **II.1.b. NIVEAU MUBANDILE (Secondaire)**

- Ukadi mubale mikanda mikuabo pa muaba udi mufundi mufanda malu, kunyima, mulue kufundulula kabidi malu a a : (Udi mushindu umue udi bafundi bakuabo bafunda).
- Udi mua kuleja mushindu uvua mufundi wa mukanda wa Genese muambe malu avua menzeke, kunyima ne yeye kuambulula kabidi anyi ? (Mufundi, mumane kuamba malu manene akenzeka mu dituku dia 7 mu tshikondo tshakafuka Nzambi diulu ne buloba. Apa mu shapita 2, udi upingana kabidi mu dituku adi. Udi upingana kabidi mu dituku dibidi, kumpala Nzambi mumane kufuka midioko).
- Udi welangana menji munyi, udi wamba misangu ibidi bua tshinyi ? (Bua kuleja ma details makuabo).
- Bena science bakuabo badi bajadika ne malu onso a pabuloba akenzaka mushindu umue katsha ku ntudijilu to ne lelu. Badi babikila menji aa ne : “UNIFORMITARIANISME”, badi bitabuja ne malu onso adi uniforme anyi mushindu umue. Mushindu kayi udi nvese eyi yamba ne malu onso kaena mushindu umue to katsha ku tshibangidilu ? (Ku tshibangidilu nvula kayivua mianji kuloka to kadi lelu nvula idi iloka).

## II.2. THEATRE : TSHINYI TSHIDI TSHIENZEKE ?

Ku tshibangidilu

“Mashinde kaavuaku to” (Muyidi aleja mashinde ne aimanshe)

“Nvula kayivuako to” (Muyidi mukuabo angata mayi ne aa tangalaja mulu)

“Muntu kavuaku to” kubundulula buloba kabuvuaku to (bayidi bonso benza bu badi babundulula buloba ne bamba ne TO TO TO).

## II.3. MUSAMBU NE MAJA

Nzambi wakafuka buloba, kadi ntshinyi tshivua katshuyiku ?

O muntu,

## TSHITUHA III

### BALA GENESE 3 :7

7. Yehowa Nzambi wakafuka mulume ne dinfuankenya dia buloba, wakela muhuya wa moyo mu diulu diandi ; ne mulume wakalua ne muoyo

## III.1. MAKONKA

Muyishi ela bayidi makonka aa :

### III.1.a. NIVEAU MUHUEKELE (Primaire)

- Nzambi wakafuka nganyi ? (Muntu)
- Nzambi wakafuka muntu ne tshinyi ? (Dinfuenkenya dia buloba)
- Mushindu kayi wakabanga muntu kuikala ne moyo ? (Nzambi wakamue la muhuya wa moyo diulu diandi).

- Tuamba ne mukanda wa Nzambi udi utuleja ne Nzambi wakafuka nyama mushindu eu anyi? (To).

### **III.1.b. NIVEAU MUBANDILE (Secondaire)**

- Dishilangana kayi didi pankatshi pa Nzambi ne muntu ? (Nzambi nguakafuka muntu ne bintu bionso, Nzambi kena ne ntuadjilulu anyi nshikidilu, yeye udi wakashidi. Kadi tuetu bantu tudi ne ntuadjilulu ne ndekelu).
- Mibidi yetu ya bantu ya kafukibua ne tshinyi ? (Difuenkenya dia buloba).
- Tuetu katuena tumueneka ne tudi difuenkenya dia buloba. Mushindu kayi mukuabo udi utuleja ne bualu ebu mbuabulelela ? (Mibidi yetu idi ipingana mu difuenkenya dia buloba kunyima kua lufu luetu).
- Dishilangana kayi diudi umona pakantshi pa difuka dia muntu ne nyama ? (Anu muntu, Nzambi wakamuela muhuja wa muoyo, anu muntu Nzambi wakamufuka mu tshifuanyikishi tshandi).

### **III.2. THEATRE : TSHINYI TSHIDI TSHIENZEKE ?**

Bayidi bonso dia tshimue benza gestes bu badi benza muntu ne difuenkenya dia buloba panshi ; pashishe benza gestes bu badi bela mupuya wa moyo mu diulu diandi.

Kunyima benza gestes bu badi muntu udi Nzambi mufuke. Baja ne batumbisha Nzambi bualu yeye udi mubapesha buloba buimpe.

### **III.3. MUSAMBU NE MAJA**

Nzambi wakela mupuya mu diulu dia muntu.

(Bayidi bela muhuya) Fu ! fu ! fu !

Muhuya wa moyo (bayidi bela muhuya kabidi) fu ! fu ! fu !

Muntu wakalua muoyo (bayidi baja maja ne disanka).

### **III.4. DEVOIRS ANYI MIDIMU**

Misangu mikuabo, katuena tunemeka bantu bakuabo. Pamue tudi tumona ne badi batatakane, biluwa, bafuba, bapele, manyanu anyi kabena ne mushinga to. Kadi bobo biabu bakafukibua mu tshinfuanyi tsha Nzambi. Ke bualu kayi muntu yonso udi ne mushinga ne lupepele lua moyo luakabuela munda muandi.

Lomba Nzambi bua akuleja mushindu wa wewe kuikala wangata bantu bonso ne mushinga. Misangu mikuabo udi muakulomba dibuikidila kudi muntu ûdi muenzele bibi.

Ulomba dikuatshisha kudi Nzambi bua ubanga lumingu elu bua kuenzela bantu bonso ne kanemu ne kubangata ne mushinga.

### **III.5. INVITATION (DIBIKILA)**

Nzambi udi munange bantu bakafukaye. Ne wewe kabidi.

Yesu Kilisto muan'andi umuepele mulela, wakalua panshi pa buloba, wakafua pa mutshi mutshamakane, wakabika kulufu pakalaleye matuku asatu.

Bakamushipa bua mibi yetu. Yeye ke udi muakukusungila ne kukupesha moyo wa tshiendelela.

Udi witabuja lelu bua wewe kumuitabuja bu mukalenge ne musungidi webe anyi ? Biwikala musue, meme ndi ne bua kukuleja mushindu kayi udi ne bua kuenza.

Kunyima kua dilesona edi ungingidile apa bua meme nkuambuluishe [Muyishi aleja muyidi udi muitabuje muaba udiye ne bua kusomba].



## **DILESONA 7**

**TEKESE : GENESE 2 :8 – 15**

**TSHIENA BUALU : NZAMBI UDI UTEKA ADAMA MU BUDIMI NE UDI UMUPESHA MUDIMU**

**KENDELE KA DIYISHA:** Kunyima kua diyisha edi, bayidi badi ne bua kumanya ne mudimu udi disanka diakatupesha Nzambi, ne wakatupeshayi kumpala kua bubu kabuyi buanji kuikalaku to. Mu menji a Nzambi mudimu udi bua buimpe buetu ke bualu kayi tuwenze ne disanka.

**NVESE WA KUYILA : GENESE 2 :15**

15. Yehowa Nzambi wakangata mulume, wakamuteka mu budimi bua Edene bua kubuihilaye ne bua kubulama.

**REVISION NE TRANSITION WA DILESONA DISHALA**

1. Muyishi enza revision wa matuku 7 a bufukibua (création). Mu dilesona dishale, tuvua bamone muvua Nzambi mufuke muntu ne dinfuenkenya dia buloba. Lelu ne tumone tshinyi tshakenzeka pashishe.
2. Mu lumingu lushale, tuakadi ba nupesha mudimu (devoirs) bua nuenu kuenza : nutete bua kuikala ne kanemu kudi bantu bonso bualu tuetu bonso tudi bafukibue mu tshinfuanyikishi tshia Nzambi. Nganyi udi muteta kuenza mu lumingu lushale? Muntu uvua nganyi? Wa mushindu kayi? Tuasakidilayi wa bungi bua nuenu bonso badi benza tshinuvua bayila mu Ecodim.

**MBANGILU WA DILESONA**

Enza théâtre eu : bayidi babidi bayikila bualu bua mudimu, umue wa mubobu ubenga mudimu, wamba ne : mudimu udi mukole, udi mubi, udi wabundu, kena ne mushinga to etc...

Mukuaba wamba ne mudimu m’muimpe, udi utuyisha malu a bungi, udi utupesha budishikaminyi, udi utukuatshisha mu malu a bungi.

Muyidi udi kayi musue mudimu, udi musue kuluangana nvita, udi wenza mudimu ne lulengu, kena uwenza bimpe tō. Kena uwenza ne disanka to.

Muyidi mukuabo, udi musue mudimu, udi wimba misambu diba didiye wenza mudimu, udi uleja disanka, udi uwenza lukasa lukasa, udi wenza mudimu bimpe ne udi ujikija to ne kundekelu kwau.

Diba didi bayidi bakuabo batangila mudi bayidi aba babidi benza mudimu, bebeja ne : Bidi bimpe anyi bibi ? Nudi nuelangana menji kayi ? Nudi numona munyi ? Bua tshinyi bidi bimpe (anyi bibi) ? Bambile ne : lelu tudi tumona tshinyi tshidi mukanda wa Nzambi utuambila bua bidi bitangila mudimu.

Netumone mushindu kayi wakabanga mudimu.

## **BITUHA BINENE BIA DILESONA : BITUHA 3**

### **TSHITUHA I**

#### **BALA GENESE 2 :8 – 9**

8. Yehowa Nzambi wakakuna bintu mu budimi ku esete, mu Edene ; wakatekamu mulume wakafukaye.
9. Yehowa Nzambi wakamenesha mitshi yonso idi mimpe ku mesu ne idi mimpe bua kudia mu buloba, mutshi wa muoyo kabidi wakadi munkantshi mua budimi, ne mutshi wa lungenyi lua kujingulula malu mimpe ne malu mabi.

### **I.1. MAKONKA**

Muyishi ela bayidi makonka a a :

#### **I.1.a. NIVEAU MUPUEKELE (Primaire)**

- Nganyi wakenza budimi ? (Yehowa Nzambi)
- Yehowa Nzambi wakenza tshinyi ? (Budimi)
- Yehowa Nzambi wakenza budimi muaba kayi ? (Mu buloba bua Edene, ku luseke lua Esete)
- Yehowa Nzambi wakateka nganyi mu budimi ? (Mulume)
- Yehowa Nzambi wakakuna mitshi ya mushindu kayi mubudimi abu ? (Mitshi yonso idi mimpe ku mesu ne idi mimpe bua kudia ; mutshi wa moyo ne mutshi wa lungenyi lua kujingulula malu mimpe ne malu mabi.
- Tela dina dia mutshi umue spécial wakadi munkatshi mua budimi. (Mutshi wa lungenyi lua kujingulula malu mimpe ne malu mabi.

#### **I.1.b. NIVEAU MUBANDILE (Secondaire)**

- Malu kayi adi ne bua kuenzeka kumpala kua kuenza budimi ? (Uvua ne bua kufuka muntu).
- Dishilangana kayi didi hankatshi ha difuka (dienza) dia mitshi mudituku disatu ne dienza budimi bua yadene mu dituku disambombo ? (Mitshi vuaku bua buloba bujima, kadi budimi bua Edene, buvua budimi spécial bua bantu basombemu.

- Dishilanga kayi didi pankatshi pa mutshi wakujujulula malu mimpe ne malu mabi ne mitshi mikuabo ? (Nzambi wakapesha mutshi eu dina adi kadi mitshi mikuabo kakayipesha mena to).

### **I.2. THEATRE : TSHINYI TSHIDI TSHIENZEKE ?**

- Bayidi batangile mitshi ne bamba ne “Idi mimpe be”.
- Benza gestes bu badi badia bimuma, bamba ne : “Muenya le”.

### **I.3. MUSAMBU NE MAJA**

- Nzambi. . . . Budimi mu mitshi mimpe  
Nzambi. . . . Budimi mu bimuma bia muenya  
Nzambi. . . . Budimi bua muntu wakafukaye.

## **TSHITUHA II**

### **TANGILA GENESE 2 :10 – 14**

Muyishi amanye bungi bua misulu idi mitapuluke mu (musulu wa Edena musulu wa kumpala, muibidi, muisatu ne muinayi. Bayidi bamanye muakuyibala bimpe, nunku umanye mua kukosa nvese mu tutupa.

Muana umue abala tshambilu tshidi tshitangila musulu umue).

10. Musulu wa mai wakaluhuka mu Edene bua kumiamina midioko mai ; wakahanduluka maboko anyi.
11. Dina dia diboko dia kumuditu didi Pishona ; didi dinyunguluka buloba bonso bua Hawila, kudi or ;
12. Or wa mu buloba abu udi muimpe, ne mabue a mushinga mukole a bdelluim ne a onyx adiku.
13. Dina dia diboko bidibi didi Gihona, didi dinyunguluka buloba buonso bua Atiopia.
14. Dina dia diboko disatu didi Hidekela, didi dinyunguluka ku esete kua buloba bua Ashû. Dina dia diboko dinayi didi Pelata.

## **II.1 MAKONKA**

Muyishi ela bayidi makonka aa :

### **II.1.a. NIVEAU MUPUEKELE (Primaire)**

- Misulu bungi munyi ivua mu budimi bua Yadena ? (Umue tshanana)
- Tela mena a misulu inayi ivua mitapuluka ku musulu eu (Pishona, Gihona, Idekela ne Pelata).
- Diambuluisha kayi divua ne musulu eu ? (Kumiamina midioko mai).

### **II.1.b. NIVEAU MUBANDILE (Secondaire)**

- Musulu wa Pishona ivua unyunguluka musoko kayi ? (Musoko wa Hawila)
- Mabua kayi a mushinga avua asanganyibua mu musoko wa Hawila ? (Wolo muimpe, mananasi a bedluma ne dibue dia onyx).

- Tela dina dia musulu muibidi. (Pishona)
- Uvua unyunguluka ditunga kayi ? (Ditunga dia Atiopa)
- Tela dina dia musulu muisatu. (Idekela)
- Musulu wa Idekela vua upita ku Esete ku ditunga kayi ? (Ditunga dia Ashû).
- Tela dina dia musulu muinayi. (Pelata)
- Elanganayi menji kakese. Misulu mikuabo tukadi bunvua mena ayi. Tela mena anudi bamanye. (Muyishi apeshe tshikondo kudi bayidi batela mena a misulu ikadibo bunvue, surtout mu cours wa Histoire : Tigre et Ephrate.
- Nudi mua kuvuluka malu manene adi manzeka histoire adi muaku changer mishindu ya buloba ne musulu idiku anyi ? (Mayi a Noé. Misangu mikuabo, kunyima kua mayi mamane kuma mu tshikondo tsha Nowa, bantu bakapesha mena a misulu akavuabo bamanye bimpe kumpala kua mayi au).

## II.2. THEATRE : TSHINYI TSHIDI TSHIENZEKE ?

Teka bayidi mu mulongo umue. Pashishe batapulula mu milongo inayi :  
rythmique

1. Musulu wa kupala : dina      Bamba dina
2. Musulu muibidi : dina      Bamba dina
3. Musulu muisatu : dina      Bamba dina
4. Musulu muinayi : dina      Bamba dina

## II.3. MUSAMBU NE MAJA

Musulu wakabanga mu Yadene  
Kufila mayi mu budimi  
Mm, Mmm                      Mm m m m m !

## TSHITUHA III

### BALA GENESE 2 :15

15. Yehowa Nzambi wakangata mulume, wakamuteka mu budimi bua Edene bua kubuihileye ne buakubulama.

## III.1. MAKONKA

Muyishi ela bayidi makonka aa :

### III.1.a. NIVEAU MUHUEKELE (Primaire)

- Nganyi wakateka mulune mu budimi bua Yadena ? (Yehowa)
- Nzambi wakateka mulune kunyi ? (Mu budimi bua Edena)
- Tela midimu ibidi yakapesha Nzambi muntu mu budimu bua Edena. (Kuipila ne kulama).



### **III.1.b. NIVEAU MUBANDILE (Secondaire)**

- Budimi bua Edena buvua bûle tente ne mitshi mimpe. Kadi Nzambi kakateka muntu mu budimi ebu anu bua kutangila buimpe bua mitshi to. Kadi bua bualu kayi bua katekelaye muntu eu mu budimi ? (Kubuiipila ne kulama bimpe).
- Eu udi musangu wa kumpala udi Yehowa Nzambi wakula malu a mudimu. Nganyi wakapesha muntu mudimu ? (Yehowa Nzambi).
- Nzambi wakapesha mulune mudimu kumpala anyi kunyima kua bubi bumana kumweneka mu bantu ? (Kumpala).
- Buetu tuetu lelu, bidi bisua kuleja tshinyi ? (Mudimu ke tshintu tshibi to. Mudimu m'tshintu tshimpe, mudimu ki ndinyoka to).
- Mudimu kayi wa kumpala wakapesha Nzambi muntu ? (Mudimu wa budimi).
- Tshinyi tshiudi muakuambila muntu udi ukuambila ne mudimu wa budimi udi mudimu mubi, wa bukoya, kena mudimu wa bantu bashidimuke to ? (Udi mudimu muimpe bualu Nzambi nguakaupesha muntu).
- Udi welangana menji munyi bua muntu eu misangu ya bungi kena musue mudimu wa budimi ? (Menji ende kaena mimpe to, bualu udi ubenga mudimu wakapesha Nzambi bantu).

### **III.2. THEATRE : TSHINYI TSHIDI TSHIENZEKE ?**

Teka mitshi (jeunes plantes) mimpe bu idi kayiyi mianji kukola to.

Bikila muyidi umue umuambile ne : “Mudimu webe nguakutangila ne kulongolola kuipila bua mitshi eyi ikola bimpe.

### **III.3. MUSAMBU NE MAJA**

Nzambi wakatupesha mudimu wa kumpala  
Mudimu muimpe mu budimi bua Edena  
Tuasakidila Nzambi bua mudimu !

### **III.4. DEVOIRS ANYI MIDIMU**

Mu lumingu elu enza mudimu udi baledi bebe anyi muyishi wa kalasa ukupesha ne moyo muimpe. Kuikadi ne kanyinganyinga to. Ebi bidi bua disanka diebe.

### **III.5. INVITATION (DIBIKILA)**

Ku tshibangidilu bankambua betu bakalombodibua bimpe kudi Nzambi mu budimi bua Edene (buobumue ne Nzambi). Buobumue ebue buakatapuluka ne Nzambi pakenzabu bibi. Yesu Kilisto wakafua ne wakabika ku lufu bua kututuangaja ne Nzambi. Biwikala kuena muanji ku muitabuja, lelu ke dituku dia kusungidibua kuebe.

Luaku uyikilangana n’anyi kunyima kua dilesona edi, meme nengikila ne disanka bua kukuambuluisha.

## **DILESONA 8**

**TEKESE : GENESE 2 :16 – 24**

**TSHIENA BUALU : NZAMBI UDI UTETA BANKAMBUA BETU**

**KENDELE KA DIYISHA:** Kunyima kua dilesona edi, bayidi badi ne bua kujingulula mushindu kayi wakateta Nzambi bankambua betu ne bua tshinyi wakabateta. Nunku bayidi badi ne bua kubanga kutumikila Nzambi ne diyi diandi mu dinanga diabu bobu nkayabu kabayi benzeja ku bukole to.

**NVESE WA KUYILA : GENESE 2:16 – 17**

Dilesona edi kadiena bu makuabo malesona to. Nvесе ibidi eyi idi bu base ya dilesona edi, idi kabidi nvесе ya kuyila.

16. Yehowa Nzambi wakamuelela mukenji ne : “Udi muakudia mamuma a mitshi yonso ya mu budimi bu mudi musue.
17. Kadi mamuma a mutshi wa lungenyi lua kujingulula malu mimpe ne malu mabi kuadi nansha. Bualu bua mu dituku diudi wadia ne ufue bulelela.

### **REVISION**

#### **1. DILESONA DISHALE**

- A. Mitshi ivua mu budimi bua Edene ivua mushindu kayi ? (Mimpe ku mesu ne mamuma a muenya).
- B. Tela dina dia mutshi umue uvua mu budimi. (Mutshi wa kujingulula malu mimpe ne malu mabi).

#### **2. DEVOIRS (MIDIMU)**

Mu lumingu lushale, tuvua bayile ne mudimu udi dipa dimpe divua Nzambi mutupesha. Tuvua banulomba bua kuenza mudimu weu bimpe kanuyi ne kanyinganyinga to.

Banganyi badi muakutuambila mushindu uvuabo bateta buaku wenza ? Bayidi baleja tshivuabo benza, ne muyishi a feliciter (abatua mena) badi benza ne badi kabayi benza aba encourager bua bobo kuenza kabidi mu lumingu kumpala.

## **MBANGILU WA DILESONA**

Nganyi ukadi mumona poupée ? Bana ba bungi m'basue kunaya ne poupée. (Muyishi aleja poupée, bikalaye n'au).

Meme ndi munange poupée eu, ne meme ndi muakuelangana menji ne poupée eu udi munange bianyi. Kadi bushuwa poupée kena muakunanga to, bualu kena ne mutshima ne menji to.

Nzambi kakatufuka tuetu bantu bu poupée to, katuyi ne menji, katuyi ne mutshima, katuyi ne mushindu wakuangata dipangadika bua kuenza bualu kampanda.

Yeye wakatufuka mu mushindu wa tuetu kusungula ne kutumikila anyi kubenga bu mudi disua dietu.

Udi muakuelela poupée mukenji anyi ? (To) Yeye kena muakusungula bua kutumikila mukenji kadi Nzambi wakelela muntu wa kumpala mukenji, tatu wetu bonso.

Teleja unvua tshinyi tshivua tshienzeka mu muyuki eu.

## **BITUHA BINENE BIA DILESONA : BITUHA 2**

### **TSHITUHA I**

#### **BALA GENESE 2 :16**

16. Yehowa Nzambi wakamuelela mukenji ne ; udi mua kudia mamuma a mitshi yonso ya mu budimi bu mûdi musue.

### **I.1 MAKONKA**

Muyishi ela bayidi makonka aa :

#### **I.1.a. NIVEAU MUPUEKELE (Primaire)**

- Nganyi wakelela muntu mukenji ? (Nzambi)
- Nzambi wakelela nganyi mukenji ? (Muntu)
- Biakudia kayi biakapesha Nzambi muntu mu budimu ? (Mamuma a mitshi yonso ya mu budimi).
- Mbuena kamba ne muntu uvua ulala ne nzala anyi uvua ne bia kudia bikumbana ? (Kavua ulala ne nzala to. Uvua ne mamuma a bungi a kudia).

#### **I.1.b. NIVEAU MUBANDILE (Secondaire)**

- Misangu ya bungi tudi tuakula bikole bua tshitupa tshia ndekelu tshia mukenji wakelela Nzambi muntu. Tudi tuakula bikole bua tshitupa tshakakandikaye muntu bua kuenza bualu bumue. Elangana menji bimpe. Bua tshinyi Nzambi wakabanga ne tshitupa positif ? Bua tshinyi Nzambi wakabanga ne tshivuabo ne bua kuenza ?  
(Muyishi atelega menji a bayidi : Adi muakuikala dinanga ne luse ne buimpe bia Nzambi. Adi muakuikala kuleja ne mukenji wandi kavua

mukole to, bualu yeye wakapesha muntu mamuma mimpe a bungi, kadi wakabelela mukenji anu bua dimuma dimue tshianana).

- Bantu ba bungi badi belangana menji ne Nzambi wakabenga malu onso adi afila disanka. Nvese kayi udi uleja bualu ebu ? (Nzambi wakabapesha bia bungi, kadi wakabimina bikese).



## **I.2. THEATRE : TSHINYI TSHIDI TSHIENZEKE ?**

Bayidi benze gestes idi ileja mushindu wakambila Nzambi muntu bualu bua mitshi ya mu budimi.

## **I.3. MUSAMBU NE MAJA**

Nzambi wakambila muntu : udi mua kudia mamuma a mitshi yonso idi mu budimi.

Tuasakidila Nzambi. Wewe udi muimpe.

## **TSHITUHA II**

### **BALA GENESE 2 :17**

17. Kadi mamuma a mutshi wa lungenyi lua kujingulula malu mimpe ne malu mabi kuadi nansha ; bualu bua mudituku diudi wadia wewe neufue bulelela.

## **II.1. MAKONKA**

Muyishi ela bayidi makonka aa :

### **II.1.a. NIVEAU MUHUEKELE (Primaire)**

- Mutshi kayi wakelela Nzambi mukenji ? (Mutshi wakujingulula malu mimpe ne malu mabi, wa munkatshi mua budimi).
- Mukenji kayi wakelela Nzambi muntu ? (Mamuma a mutshi wa lungenyi lua kujingulula malu mimpe ne malu mabi).
- Mu menji a Nzambi, tshinyi tshivua muakuluila muntu biadiaye mamuma a mutshi au ? (Yeye nafue bulelela)
- Udi umona ne mukenji wakelela Nzambi muntu uvua mukole anyi ? (Nansha kakese, bualu Nzambi wakapesha muntu mamuma a bungi makuabo bua kudia).

### **II.1.b. NIVEAU MUBANDILE (Secondaire)**

- Elangana menji bimpe. Bua tshinyi Nzambi wakateta muntu mushindu eu ? (Muyishi unvue menji a bayidi, udi wenza muebe monso bua bayidi bajingulula ne bivua bua kumanya ne udi muakutumikila. Bivua mushindu wa kuleja ne bikalaye muakutumikila, udi mukuleja Nzambi disua diandi).

- Bikala muntu utumikila anyi kayi musue kutumikila, bidi bileja tshinyi ? (Muyishi atelege menji a Nzambi, pashishe amba nunku).
- Bikala muntu utumikila, bidi bisua kuleja ne yeye udi munange mufuki wandi, bidi bisua kuleja ne yeye udi unemeka diyi dia Nzambi ne yeye uvua ulonda tshivua Nzambi wandi mumuambile. Kadi bikalaye kayi mutumikile, bidi bisua kuleja ne yeye kavua munange Nzambi to, ne yeye kavua unemeka to anyi kavua ulonda diyi dia Nzambi to. Bivua bileja ne bu yeye mulonda, uvua ulonda anu menji endi yeye kadi ki nga Nzambi to. Ne bimueneka bu ne menji ende adi mapite a Nzambi Edi divua diteta dinene.

## **II.2. THEATRE : TSHINYI TSHIDI TSHIENZEKE ?**

Bayidi babidi benza théâtre baleja mushindu uvua Nzambi uteta muntu.

Muyidi umue enza bu Nzambi ne mukuabo bu muntu.

## **II.3. MUSAMBU NE MAJA**

Mamuma a mutshi umue kuadi nansha, mutshi umue  
O muntu, ee umue diyi edi n'dia Nzambi. Nzambi ee

## **II.4. DEVOIRS ANYI MIDIMU**

Lomba dikua tshisha dia Nzambi mu milombo yebe. Mu lumingu elu, ubange kumutumikila ku diyi diandi. Tshitupa kayi tsha dilesona edi tshiudi umutumikila mpindieu ?

Udi witabuja bua wewe kubanga kumutumikila mu lumingu elu anyi ?

## **II.5. INVITATION (DIBIKILA)**

Nzambi udi ukeba disua ne buobumue biebe. Biwikala udi mu dilongolola bua kumuitabuja dituku dia lelu, luaku kunyima kua Ecodim bua meme kukuleja tshiudi ne bua kuenza.

## **DILESONA 9**

**TEKESE : GENESE 2 :18 – 25**

**TSHIENA BUALU : NZAMBI UDI WENZA DI BAKA**

**KENDELE KADIYISHA :** Kunyima kua dilesona edi, bayidi badi ne bua kujingulula ne Nzambi wakafuka mulume bua mukaji umue ne mukaji bua mulume umue ne wakabateka mudibaka dijilame.  
Bayidi banemeka buntu bukaji ne buntu bulume buabu ne dibaka diabu.

**NVESE WA KUYILA :**

“Yehowa Nzambi wakamba ne, kambimpe bua mulume ashale nkayandi nansha, nemmufukile mukuatshishi bu mudiye”.

### **1. REVISION NE TRANSITION WA DILESONA DISHALE**

- Bayidi bamba nvese wa kuyila wa mu dilesona IV mu Genese 1 :27
- Mu lumingu lushale, tshinyi tshidi tshikukuatu bua wewe kubenga kutumikila diyi dia Nzambi ? Nganyi udi muakutuleja mushindu udiye mutumikile Nzambi mu lumingu lushale ?

**TSHIA KUENZA KUMPALA KUA DIYISHA**

- Muyishi akebe ka mutshi anyi kafuba kale kadi kaleja mufuba wa lubale lua mulume.

**MBANGILU WA DILESONA**

Bayidi benza théâtre eu bu mulume wambila muana wa bakaji ne ndi musue kukusela. Benda munjila kaba kamue bu badi ne disanka dia bungu. Ambila bayidi ne Nzambi wakatupesha diha edi dimpe bua mulume ne mukaji kuselanganabu. Lelu tudi tumona mushindu wakapesha Nzambi bantu dibaka ne bua tshinyi wakabaheshadi.

**BITUHA BINENE BIA DILESONA : BITUHA 6**

**TSHITUHA I**

**BALA GENESE 2 :18** (Eu udi nvese uvua bayidi bayile mu lumingu lushale) Yehowa Nzambi wakamba ne, kambimpe bua mulume ashale nkayandi nansha, nemmufukile mukuatshishi bu mudiye.

### **I.1 MAKONKA**

Muyishi ela bayidi makonka aa :

#### **I.1.a. NIVEAU MUPUEKELE** (Primaire)

- Yehowa Nzambi wakamba tshinyi bua mulume ? (Kambimpe bua mulume ashale nkayende nansha).
- Yehowa Nzambi wakamba ne, nengezele mulume tshinyi ? (Nemmufukile mukuatshishi bu mudiye).
- Mushindu kayi wakakuatshisha mulume ? (Yeye kakashala kabidi nkayandi nansha, wakikala ne mukuatshishi wandi).

#### **I.1.b. NIVEAU MUBANDILE** (Secondaire)

- Mushindu kayi utudi tumona mukaji bu mudi mulume ? (Yeye udi muntu, mufukibua mu tshinfuanyi tsha Nzambi bu mutudi tubala mu Genese 1 :27 leja carte ne amba nvese eu kabidi).
- Mushindu kayi utudi tumanya ne mbimpe mulume asela mukaji. (Yehowa Nzambi wakamba ne kambimpe bua mulume ashala nkayandi nansha).

### **I.2. THEATRE : TSHINYI TSHIDI TSHIENZEKE ?**

Bayidi benza théâtre eu ne : muyidi umue ikala bu Nzambi, mukuabu bu Adama.

Adama ikala bu udi ne kanyinganyinga (dibungama). Nzambi atangila Adama bimpe ne amba meji a Genese 2 :18

### **I.3. KUIMBA NE KUJA**

- Yehowa Nzambi wakamba
- Kambimpe bua mulume
- Ashale nkayandi nansha
- Ne mmufukile mukuatshishi muduye, disanka.

### **TSHITUHA II**

#### **BALA GENESE 2 :19 – 20**

19. Yehowa Nzambi wakafuka nyama yonso ya mu madimi ne nyunyu yonso ya mulu ne buloba ; wakalua n'ai kudi mulume bua kutangila bu muakadi ye mua kuyikidika ; dina dionso dia kidekaye tshifukibua tshionso diakadi dina diatshi.

20. Mulume wakidika bimuna bionso ne nyunyu yonso ya mu diulu ne bimuna bionso bia mu madimi mena abi ; kadi mulume kakadi ne mukuatshishi wa bu mudiye nansha.

## II.1. MAKONKA

Muyishi ela bayidi makonka aa :

### II.1.a. NIVEAU MUHUEKELE (Primaire)

- Yehowa Nzambi wakalua ne tshinyi kudi mulume ne bua yeye enza tshinyi ? (Nyama yonso ya mu madimi ne nyunyu yonso ya mulu ne buloba, bua yeye kutangila ne kuyidika mena).
- Mu nyama yonso ne nyunyu yonso bakuatshishi bungi munyi bakikalangana bu yeye ? (Nansha umue)

### II.1.b. NIVEAU MUBANDILE (Secondaire)

- Mu nvese wa 18, Nzambi ukavua mulaye mulume ne memmufukile mukuatshishi bu mudiye ; bua tshinyi udi ulua ne nyama, nyunyu kumpala kua mukuatshishi bu mukavuaye mulaya ? (Muyishi atelega ne unvue menji a muyidi ne muyidi, mukanda wa Nzambi kena utuleja to bua tshinyi Yehowa Nzambi wakenza nanku.  
Kadi kubumue wakadi musue bua Adama yeye nkayenda amanye ne mu nyama ne mu nyunyu mukuatshishi wanyi kenamu to.  
Misangu mikuabo Nzambi wakadi musue bua ne Adama ajingulula ne kudi dishilangana pankantshipa nyama, nyunyu ne bantu.  
Misangu mikuabo kabidi, Nzambi wakadi musue bua Adama ikale ne lutulu bua kumuenzela.
- Bantu bakuabo lelu badi bamba ne tuelu bantu tudi maha, ne bakuabo badi bamba ne kumpala tuakikala maha, tuakala bantu kunyima Nzambi wakenza maha, bualu wakafuka nyama yonso.  
Bua tshinyi Nzambi kakalua ne maha kudi Adama bua kuikalau mukuatshishi wandi ? (Maha adi anu nyama. Nzambi kaka afuka mu tshinfuanyi tshandi nansha, ke bualu kayi kaakadi makuatshishi mujalame a Adama to).
- Mushindu kayi utudi tumanya ne maha kaena mua kuchanger to kuluau bantu. (Mukanda wa Nzambi udi utuleja ne Nzambi wakafuka nyama ne nyunyu ne wakafuka kabidi bantu).
- Elangana menji mushindu wakidika Adama nyama ne nyunyu mena. Science udi upesha nyama ne nyunyu mena mu tshibungi ne bikunyibua kabidi.



Tudi tubikila science au ne “Taxonomie”. Bidi lutatu lua bungi bua kujingulula.

Dina dionso didi ne buakuikala anu bua nyama umue, didi dileja anu mushindu wa nyama au didi dishilangana ne nyama mikuabo.

Adama wakidika nyama ne nyunyu mena anu mudituku dimue.

Bidi bileja lungenyi lua muntu wakafuka Nzambi kumpala.

(Yeye uvua kapable bua kuenza mudimu udi ba scientiste benza matuku a bungi lelu).

## **II.2. THEATRE : TSHINYI TSHIDI TSHIENZEKE ?**

Bayidi benza théâtre eu ne : Muyidi umue ikala bu Nzambi alue ne nyama ne nyunyu kudi Adama.

Muyidi mukuabo Adama. Bayidi bakuabo badi batangila benza bu badi nyama ya mushindu ne mushindu. Adama idika nyama eyi yonso mena ai. Hashishe Nzambi atangile nyama yonso bimpe

Akebe mukuatshishi wa mulume.

## **II.3. KUIMBA NE KUJA**

Nzambi wakatangila nyama yonso

Nganyi udi muakuikala mukuatshishi muimpe wa Adama.

Nansha umue, nansha umue.

## **TSHITUHA III**

### **BALA GENESE 2 :21 – 22**

21. Yehowa Nzambi wakaladika mulume tulu tukole, ne yeye wakalala tulu, wakangata lubale luandi lumue, wakabuikila misunyi kabidi ;

22. ne lubale luakangata Yehowa Nzambi kudi mulume, yeye wakenza n’alu mukashi, wakalua n’andi kudi mulume.

## **III.1. MAKONKA**

Muyishi ela bayidi makonka aa :

### **III.1.a. NIVEAU MUHUEKELE (Primaire)**

- Tela malu 5 akenza Nzambi mu nvese eu.
  1. Yeye wakaladika mulume tulu tukole ne yeye wakalala tulu.
  2. Wakangata lubale luandi lumue
  3. Wakabuikila musunyi kabidi
  4. Ne lubale luakangataye kudi mulume yeye wakenza n’alu mukashi.
  5. Wakalua n’andi kudi mulume.

### **III.1.b. NIVEAU MUBANDILE (Secondaire)**

- Yehowa Nzambi wakafuka mulume ne tshinyi ? (Ne difuenkenya dia buloba Genese 2 :7)

- Yehowa Nzambi wakenza mukashi ne tshinyi ? (Ne lubale luakangataye kudi mulume) Genese 2 :22
- Mbuena kuamba ne Adama uvua ne lubale lumue muinshi mua nomba wa ya mukashi anyi ? (Katuenta bamanye to, kadi Nzambi wakangata lumue bua kuenza mukashi). Katuenta bamanye bungi buvuaye n'au kutshibangidilu to.
- Mbuena kuamba ne lelu balume badi bahangile lubale lumue anyi ? (Nansha kakese).  
Anu kuchanger génétique (na bagenes ya muntu) kudi bana.  
Exemple : tshilejelu :  
Nansha meme mukosa munu wanyi lelu, tshiena muakulela muana mukoseka munu to.
- Nudi nuelangana menji ne Yehowa Nzambi wa kenza mukashi nanku bua tshinyi ? (Mukanda wa Nzambi kena utuambila bualu to, kadi misangu mikuabo bivua bienzeka nanku bua mulume anyi mukashi ajadike ne bajingulula ne eu udi ne dijinga ne mukuabo.
- Bua tshinyi Yehowa Nzambi wakalua ne mukaji kudi mulume ? (Bua kuleja ne yeye wakenza mukashi bua mulume).

### **III.2. THEATRE : TSHINYI TSHIDI TSHIENZEKE ?**

Bayidi benza piece eu ne : Muyidi umue enza bu Nzambi, muibidi bu Adama, muisatu bu mukashi.

Muyishi aleja histoire muvuaye muenzeke anu mu ma geste kayi wakula to. Enzela ka mutshi anyi mufuba bu lubale lua Adama [Enza bu kamama].

### **III.3. KUIMBA NE KUJA**

Mukashi i i i Yehowa Nzambi  
Wakamuenza ne lubale  
Ne lubale lua mulume e e e.

### **TSHITUHA IV**

#### **BALA GENESE 2 :23**

23. Mulume wakamba ne, Eu udi mufuba wa mifuba yanyi, ne musunyi wa misunyi yanyi ; ne ba muidike ne Mukashi, bualu bua bakamuangata kudi mulume.

### **IV.1. MAKONKA**

Muyishi ela bayidi makonka aa :

#### **IV.1.a. NIVEAU MUHUEKELE (Primaire)**

- Mulume wakamba tshinyi hakamonayi mukashi ? (Eu udi mufuba wa mifuba yanyi, musunyi wa misunyi yanyi; ne bamuidike ne mukashi bualu bua bakumuangata kudi mulume.
- Bua tshinyi wakamubikila ne mukashi ? (bualu bakumuangata kudi mulume)

#### **IV.1.b. NIVEAU MUBANDILE** (Secondaire)

- Dishilangana kayi divua hankatshi ha mukaji ne mulume ? Nansha dimue, bualu mukaji wakahatuka kudi mulume.
- Nzambi wakafuka bakaji bungi munyi bua mulume ? (Umue hatuhu)
- Bualu ebu budi buleja tshinyi mu menji a Nzambi bua dibaka ? (Mulume umue bua mukaji umue).
- Bua tshinyi Nzambi kakafuka mulume bua kuikala mukuatshishi wa mulme mukuabo. (Bualu kabakuikala ne mushindu wakulela) Kujingulula ndambu malu a homosexuel ne heterosexual.
- Bualu kayi buakenza mulume kudi mukaji ne kudi nyama ? (Kuidika dina ; kudi mukaji ne kudi nyama).
- Mulume wakunvua tshinyi hakamonaye mukaji ? (Muyishi ateleja mandamuna kudi bayidi ne asakidila makuabo mandamuna adi mafua nangane bu. Disanka, ditalala ; wakatua tshikemu).
- Meyi kayi akahatula mulume mukana muandi adi aleja ne mukaji uvua mushindu umue (muomumue n'ende ?  
“Eu udi mufuba wa mifuba yandi ne musunyi wa misunyi yanyi”.

#### **IV.2. THEATRE : TSHINYI TSHIDI TSHIENZEKE ?**

Bayidi benze gestes idi ileja bikemu ne disanka ne meyi akakula mulume hakamonaye mukaji musangu wakumpala.

#### **IV.3. MUSAMBU NE MAJA**

Eu wakahatuka O – o la la !  
Mu mifuba yanyi O – o la la !  
Mu misunyi yanyi O – o la la !  
Bimpe be be be be be be be !

#### **TSHITUHA V**

##### **BALA GENESE 2 :24**

24. Bua bualu ebu, mulume neashiye tatwandi ne mamu'andi, nealamate mukaji wandi ; bubidi buabu nebikale mubidi umue.

#### **V.1. MAKONKA**

Muyishi ela bayidi makonka aa :

#### **V.1.a. NIVEAU MUHUEKELE** (Primaire)

- Menji a Nzambi avua tshinyi bua mulume ne mukaji ? (Ne bashiye baledi babu, nebalamatangane, ne bikale mubidi umue).
- Mulume neashiye baledi bandi bua tshinyi ? (Bua kulamata kudi mukaji wandi, ne kuenzabo famille wabu).

#### **V.1.b. NIVEAU MUBANDILE** (Secondaire)

- Mu nvese eu tshinyi tshidi tshileja ne Nzambi udi uyukila bualu bua dibaka ? (Mulume neashiye tatu'andi ne mamu'andi nealamate mukaji wandi ; bubidi.....)
- Dibaka ntshinyi ? (Kusomba kua muaba umue kua mulume ne mukaji wandi, bubidi buabu bikala mubidi umue.
- Mulume wa kumpala ne mukaji wa kumpala bonso kabakadi ne baledi nansha. Bua tshinyi Nzambi udi wamba ne mulume neashiye tatu'wandi ne mumu'andi, nealamate kudi mukaji wandi. (Bu muakabanga Nzambi dibaka tshikondo atshi, wakabambila nanku, ne bua tuetu bonso kabidi).

#### **V.2. THEATRE : TSHINYI TSHIDI TSHIENZEKE ?**

Bayidi benza théâtre udi uleja mushindu wa mulume ne mukaji ne meku abu ne balunda babo bikala ne disanka bua dibaka ne diku dipia dipia dibanga.

#### **V.3. MUSAMBU NE MAJA**

(Jingulula meyi a a bu nsongalume ulaye baledi bandi dituku dia dibaka diandi).

Nuashala bimpe, baledi banangibue  
Tuasakidila bua bionso binudi bangezole  
Moyo mukajanyi muimpe, wa dinanga wanyi  
Lelu tusomba muaba umue, tuikale mubidi umue.  
O\_o O\_o-O ! Disanka dinene

#### **TSHITUHA VI**

##### **BALA GENESE 2 :25**

Bubidi buabu, mulume ne mukaji, bakadi butaka, kabakadi ne bundu.

#### **VI.1. MAKONKA**

Muyishi ela bayidi makonka aa :

##### **VI.1.a. NIVEAU MUHUEKELE** (Primaire)

- Bilamba kayi bivua mulume ne mukaji baluate tshikondo atshi ? (Nansha tshimue, bavua butaka)
- Bavua badiunvua bundu bua butaka anyi ? (Nansha kakese).
- Tshikondo atshi bantu bakuabo bakadiku bua bobo kumona butaka buabu anyi ? (Nansha umue ; anu bobo nkayabo)

### **VI.1.b. NIVEAU MUBANDILE (Secondaire)**

- Mbuena kuamba ne nvese eu udi utuleja ne tuetu bantu katuena dijinga ne bilamba anyi ? (To,)
- Mu tshikondo atshi bobo kabakadi ne dijinga dia bilamba to. Bua tshinyi tuetu mpindieu tudi dijinga ne bilamba ? (Muyishi unvue mandamuna mashilangana a bayidi bandi).

Dishilanga hankatshi hetu ne bobo didi mu malu a a abidi :

1. Bantu bakuabo kabakadiku to bua kubatangila (Kubamona) ; kadi lelu bantu bakuabo ba bungi badiku.
2. Mibi kayivua mianji kuenzeka tshikondo atshi to. Kadi lelu mibi ikadi mu buloba bujima bantu bonso bakadi ne menji akuenza anu malu mabi.

### **VI.2. THEATRE : TSHINYI TSHIDI TSHIENZEKE ?**

Bayidi bonso benze geste ne bajike mpala yabu ne bianza. Paudi wakula ; “Kabavua ne bundu to”. Bonso bu mushe bianza mu mpala yabu.

### **VI.3. MUSAMBU NE MAJA**

Mulume ne mukaji kabakadi ne bundu to.

### **VI.4. DEVOIRS ANYI MIDIMU**

Unemeke buntu bulume ne buntu bukaji buebe to ne hawasedibue ne hawasela. Unemeka dibaka diebe.

### **VI.5. INVITATION (DIBIKILA)**

Yesu Kilisto udi ne bukole bua kukuhesha bua wewe kunemeka buntu bulume ne buntu bukaji buebe ne kubuela mu dibaka dijilame. Udi musue kuimuitabuja bua kukulombola kumalu a a anyi ? Udi umuitabuja bu mukalengene musungidi webe lelu eu anyi ?

Biwikila witabuja, ungindila aha, meme nenkuleja tshiudi ne bua kuenza.

## DILESONA 10

**TEKESE : GENESE 3 :1 – 5**

**TSHIENA BUALU : NYOKA UDI USHIMA MUKASHI**

**KENDELE KADIYISHA :** Kunyima kua dilesona edi, bayidi badi ne bua kujingulula ne satana udi tatu wa dishima. Kunyima babanga kumoma mateyi ne mishindu mikuabo idiye wenzela bua kukulula bantu ne bamanye mushindu udibo muakumuehuka.

**NVESE WA KUYILA : YONE 8 :44**

Nuenu nudi bana ba diabolo, tatu wenu, nudi basue kuenza bu mudi nkuka ya tatu wenu. Ku tshibangidilu yeye wakadi mushihanganyi, katu wimana mu bualu bulelela, bua yeye kena ne bualu bulelela munda muandi. Hambaye diyi dia mashimi, udi wamba malu andi mene ; bua yeye udi muena mashimi, ne udi tatu wenu.

### REVISION

- A. Nzambi wakenza mukashi ne tshinyi ? (Ne lubale lua mulume)
- B. Menji a Nzambi avua ne mulume ikale ne bakashi bungi munyi ? (Umue tshianana).

### MAKONKA BUA DEVOIRS

Nganyi udi munemeka dibaka mu lumingu lushale ?  
Muyishi amanye kudi bayidi mushindu udibo baneme ka dibaka.  
Muyishi ela badi banemeka nunku kalumbandi (féliciter)

### MBANGILU WA DILESONA

Longolola théâtre nunku : Satana amueneka bu tshilengu lengu (monstre) muluate masque ku mutu.

Akuata tshintu tshibi (bu tshimuma, tshiula ...) tshibole ne atshibuikile ne tshilamba tshimpe hamutu anyi dibeji dimpe ne fleur (tshilongo).

Amba ne ndi munutuadila tshintu tshimpe, tshia mushinga mukole.

Akangula tshilamba atshi anyi dibeji ne tshilongo atshi.

Hadi bayidi bamona, bamba ne “Wakutushima, muena mashimiye ye ye !

## **REVISION NE TRANSITION WA DILESONA DISHALA**

Lelu tudi tumona histoire wa mfumu wa mashimi ; histoire eu udi usanganyibua mu mukanda wa Genese.

## **BITUHA BINENE BIA DILESONA : BITUHA 3**

### **TSHITUHA I**

#### **BALA GENESE 3 :1**

Nyoka wakatamba nyama yonso yakafuka Yehowa Nzambi budimu. Nyoka wakankoka mukashi ne, Nzambi wakamba ne, kanudi mamuma a mitshi yonso idi mu budimi, anyi ?

### **I.1 MAKONKA**

Muyishi ela bayidi makonka aa :

#### **I.1.a. NIVEAU MUPUEKELE (Primaire)**

- Munkatshi mua nyama yonso yakafuka Yehowa Nzambi, nyama kayi wakatamba mikuabo budimi ? (Nyoka).
- Mushindu kayi utudi mua kumanya ne nyoka au kavua bu nyoka mikuabo ya lelu to ? (Nyoka au uvua wakula ne wakadinga mukeshi).
- Nyoka wakakonka nganyi ? (Mukashi)
- Nyoka wakakonka mukashi tshinyi ? (Nzambi wakamba ne, kanudi mamuma a mitshi yonso idi mu budimi anyi ?
- Nganyi wakafuka nyoka au ? (Nzambi, bualu yeye n’guakafuka nyama ne bintu bionso).
- Dikonka dia nyoka diakateka tshinyi mu mutshima mua mukashi ? (Diakateka dielalangana dia menji mu mutshima).

## **TANGILA BUAKABULUIBUA 12 :9 BUA KULEJA BAYIDI TSHIVUA TSHIUNVUIJA NYOKA**

Dragon munene wakedibua hanshi, nyoka au wakale, yeye udi muidikibue ne, Diabolo ne Satana, mudingi wa ba ha buloba bonso, wakedibua hanshi ha buloba, ne banjelo bandi bakedibua n’andi hanshi.

Mpindieu, muyishi ela bayidi makonka a a

Nganyi uvua mudiandamuna mu nyoka bua kushima mukaji ? (Satana)

#### **I.1.b. NIVEAU MUBANDILE (Secondaire)**

- Mushindu (Tshinyi tshidi tshituleja ne Nzambi kakafuka anu buloba to, anu bintu bitudi tumona to. Kadi wakafuka misuka (nyuma) mikuabo bu banjelo ?

(Anu mu buakabuluibua tudi tubala ne Satana wakedibua hanshi ne banjelo bandi).

Nzambi wakafuka Satana ne banjelo bonso bimpe bua bobo kumutumbisha. Kadi Satana kakasua kuikala mu muaba wakamuteka Nzambi. Yeye wakatombokela Nzambi (rebellion) ne banjelo bakuabo bakamulonda.

Satana wakalua muena lukuna wa Nzambi, ne banjelo bakuabo. (Yeshaya 14 :12 – 17 ; Yehezekele 28 :3 – 10)

## **TSHITUHA I**

### **BALA KOLOSAI 1 :16 BUA KULEJA NE NZAMBI WAKAFUKA MISUKA ANYI BANJELO BONSO, BINTU BITUDI KATUYI TUMONA TO NE BITUDI TUMONA**

Bualu bua munda muandi muakafukibua bintu bionso bia mu diulu ne bia ha buloba, ne bintu bidi bimuenebua, ne bintu bidi kabiyi bimuenebua, ne bidi nkuasa ya butumbi anyi makelenge anyi manfumu anyi makokeshi ; bintu bionso biakafukibua kubukole buandi ne bua bualu buandi.

#### **I.1. MAKONKA**

Muyishi ela bayidi makonka a a :

##### **I.1.a. NIVEAU YONSO**

- Nganyi wakafuka bintu bionso bidi bimuenebua (Tatu Nzambi)
- Nganyi wakafuka banjelo ? (Tatu Nzambi)
- Nganyi wakafuka bintu bionso bidi kabiyi bimuenebua (Tatu Nzambi)
- Tudi mu mukanda wa Genese. Elanganayi menji bimpe, bua tshinyi mu bufukibua katuenua bamone muaba udi Nzambi mufuke Satana anyi banjelo ?

(Muyishi unvue menji a bayidi ku dinkonka edi.

Misangu mikuabo mu mukanda wa Genese Nzambi uvua musue kuleja anu mushindu wakafukaye buloba butudi tumona ne tulenga ne tudiata.

Kunyima Nzambi uvua musue kuenzala bambi bende bakuabo (Prophetes) bua bobo kuleja bifukibua bikuabo bidi kabiyi bimueneka – banjelo ne dimanasha dia bakuabo ha buloba).

- Nudi nuelangana menji ne dikonka dia Satana kudi mukashi divua bua kumanya mushindu uvua Nzambi muela mukenji anyi divua ne kendele kakuabo ? (To, bidi bimueneka ne tshikondo tshivua Nzambi welela bantu mukenji eu Satana uvua munvue. Kadi uvua musue kukuna munda mua mukaji maminu mabi bua kayi witabuja diyi dia Nzambi to).
- Udi welangana menji ne bualu bubu bua kumpala buakenza mukashi mbualu kayi ? (Yeye wakateleja diyi dia Satana ; nfumu wa dishima ; kadi musue kuleja mukashi ne Nzambi ke udi mushime).



- Udi muakuvuluka nvese mikuabo ya mukanda wa Nzambi idi ileja ne Satana udi tatu wa mashimi.  
(Yone 8 :44 ; 2Kolinto 11 :14 ; Buakabuluibua 12 :9. Sungula muyidi umue bua abale nvese umue ne umue.
- Satana wakakudimuna diyi dia Nzambi. Tangila kabidi ndekelu wa Genese 3 :1 ne leja tshinyi tshidiye mukudimuna.  
(Nzambi wakamba ne badi mua kudia mamuma a mitshi yonso idi mu budimi, Satana udi wamba yeye ne Nzambi wakubenga bua mamuma a mitshi yonso.

### **I.2. THEATRE : TSHINYI TSHIDI TSHIENZEKE ?**

Bayidi benze théâtre eu nunku : muana umue ikala Eva, mukuabo ikala nyoka. Nyoka ebeja mukaji (Eva) ne :

Nzambi wakamba ne kamudi mamuma a mitshi yonso idi mu budimi anyi ? Mukaji atelege, enza bu udi wela menji bua dikonka dia Nyoka, pashishe enza nunku Mm m m m mu m.

### **I.3. MUSAMBU NE MAJA**

Nyoka udi musue  
Bua wewe kubenga  
Kuitabuja diyi dia Nzambi  
Ah Mamu wetu e e e  
Bua tshinyi udi musue  
Kuitabuja dishima a a ?

### **TSHITUHA II**

#### **BALA GENESE 3 :2 – 3**

2. Mukaji wakambila nyoka ne, tudi mua kudia mamuma a mitshi yonso idi mu budimi.
3. Kadi mamu a mutshi udi munkatshi mua budimi. Nzambi wakamba ne, kanuadi, kanualengi, bua kanufu.

### **II.1. MAKONKA**

Muyishi ela bayidi makonka a a :

#### **II.1.a. NIVEAU MUHUEKELE (Primaire)**

- Nganyi wakandamuna ku dikonka dia nyoka ? (Mukashi).
- Wakandamuna munyi ?  
“Tudi mua kudia mamuma a mitshi yonso idi mu budimi. Kadi mamuma a mutshi udi munkatshi mua budimi, kanuadi, kanualengi bua kanufi”.
- Mu diandamuna dia mukaji tshintu kayi tshakasakidilaye ? “Kanualengi”.

- Nzambi wakelela mulume mukenji eu kumpala kayi muanze kuenza mukaji to. Kadi bidi bimuenka ne mulume wakambila mukaji kabidi. Mushindu kayi utudi tumanya ne mukaji uvua mumanye. (Bualu mukaji ke wakandamuna Satana).

### **II.1.b. NIVEAU MUBANDILE (Secondaire)**

- Mu mukanda wa Nzambi, mudi nvese mikuabo idi utukandika bua kunshintulula meji andi. Katuena mua kusangisha anyi kumusha to. Udi muakuimanya anyi ? (Dutelenome 4 :2 ; Buakabuluibua 22 :18 ; (Misambu) Nsumuinu 30 :5 – 6)
- Mu muanda eu mukaji wa kenza bimpa anyi ? (Nansha kakese).

### **II.2. THEATRE : TSHINYI TSHIDI TSHIENZEKE ?**

Tahulula kalasa kebe mu bisumbu binene bididi ne muyidi umue : bayidi bakaji, bayidi balume ne muyidi umue bu Satana.

Bayidi bakaji bambila mitshi ya mu budimi “Tudi mua kudia mamuma a mitshi yonso ya mu budimi”. Kunyima bakuna mutshi mukuabo munkatshi mua budimi ne bamba ne “Bua mamuma a mutshi eu, katuena muakuadia nansha kualenga”.

Baye kule bu badi batshina mutshi eu.

Bayidi balume bamba ne “Mama wetu udi musangishe diyi dikuabo” “katualengi to”

Muyidi bu Satana (nyoka) amba ne “Sakidila, sangisha meyi a bungi e e e.

### **II.3. KUIMBA NE KUJA**

Ah Mamuetu e e e

Udi ukuluka a a a

Udi unaya ne diyi dia Nzambi

### **TSHITUHA III**

#### **BALA GENESE 3 :4 – 5**

4. Nyoka wakambila mukashi ne kanuena nufua bulelela ;
5. bualu bua Nzambi udi mumanye ne, Hanuadia mamuma au, mesu enu neabuluke, nenuikale bu Nzambi, nenumanye malu mimpe ne malu mabi.

### **III.1. MAKONKA**

Muyishi ela bayidi makonka a a :

#### **III.1.a. NIVEAU MUHUEKELE (Primaire)**

- Amba diandamuna dia nyoka kudi mukashi ? (Kanuena nufua bulelela).
- Satana wakamba tshinyi bua dibengisha bantu bua kudia mamuma a mutshi wa munkatshi mua budimi ? (Satana wakamba ne, hanuadia

mamuma au, mesu enu neabuluke, nenuikale bu Nzambi, nenumanye malu mimpe ne malu mabi.

- Malu avua nyoka wambila mukaji avua a bulelela anyi ? (Nansha kakese)
- Satana wakamba ne Nzambi uvua muamba malu a mashimi. Kadi pakutangila nganyi uvua muambe mashimi ? (Yeye muine Satana).
- Bua tshinyi mukaji wakitabuja diyi dia Satana ? (Bualu Satana wakamuambila ne nenuikale bu Nzambi).

### **III.1.b. NIVEAU MUBANDILE** (Secondaire)

- Elanganaye menji bimpe. Bua tshinyi Satana udi upeta dikima dia kubikila Nzambi muena dishima ?

Muyishi unvue mandamuna mashilangane a bayidi.

Mandamuna makuabo adi bu : Satana wakamona ne mukaji ukadi déjà ne doute ku diyi dia Nzambi ne yeye udi muena lukuna wa Nzambi ne udi musue kuiba butumbi buandi.

- Kipatshile ka Satana kudi mukashi kavua kakumumona mukuluke mu bubi.

Udi welangana menji ne satana uvua mua kukudimuna lungenyi lua mukashi bua kumanya Nzambi wakamufuka anyi?

Muyishi unvue menji a bayidi bandi.

Bidi bimueneka ne Satana uvua musue bua mukaji amanye ne Nzambi kena musue buimpe buabo to.

- Tela malu manene asatu akenzela Satana bua kulenduisha mukaji :  
1. Mesu neabuluke, 2. Nenuikale bu Nzambi, 3. Nenumanye malu mimpe ne malu mabi.

- Mushindu kayi udi Satana wenzela malu a a asatu lelu ?

Muyishi unvue menji a bayidi.

Mu muyuki eu malu manene a a abuelamu.

Kumpala Satana udi wamba ne udi ufila lungenyi mu musokoko mudi bantu bakuabo kabayi bamanya.

Pashishe : Satana udi wamba ne bantu badi balua ba Nzambi.

Religion mikuabo idi iyisha nunku ; bu Eglise des Saints de derniers jours :

Troisièmement : Tudi mua kujingulula malu makuabo mimpe adi bantu bakuabo kabayi bamanye.

Bu bantu bakuabo badi bayisha nunku. Bu Nouvel Age ne Religion ya Mpeve padibu mu trause ne menji abu kayika to. (Dedoublement)

Menji a a onso Satana, keudi wafila kudi bantu.

### **III.2. THEATRE : TSHINYI TSHIDI TSHIENZEKE ?**

Bayidi benza théâtre udi uleja mushindu uvua Satana mushime Eve.

### **III.3. KUIMBA NE KUJA**

Nganyi ke mashimi  
Satana udi ne mashimi  
Kupita bantu bonso  
Satana : mashimi mashimi !



### **III.4. DEVOIRS ANYI MIDIMU**

Mu lumingu elu, muyidi yonso adiebeje ne menji anyi adi makanangane ne diyi dia Nzambi anyi ?

Pikalau kayi makanangane ne diyi dia Nzambi, kayena à Nzambi to, adi a dishima dia Satana.

### **III.5. INVITATION (DIBIKILA)**

Misangu mikuabu ukadi mukuluka mu mateyi a Satana.

Anu Yesu Kilisto ke udi ne capacite kakukupatula mu mateyi au biwikala wakumuitabuja bu mukelenge ne musungidi webe lelu eu.

Biwikala udi musue kukudimuna mutshima webe mpindieu ne wewe kumulonda, ungingile muaba eu, meme nenkuleje tshiudi ne bua kuenza.

## **DILESONA 11**

**TEKESE : GENESE 3 :6 – 11**

**TSHIENA BUALU : BUHIDIA BUA BANKAMBUA BETU**

**KENDELE KADIYISHA:** Kunyima kua Dilesona edi, bayidi badi ne bua kumanya mushindu wakabuela bubi mu bantu ne bubi buakalela lufu anu bua buhidia (Kubenga kutumikila). Bamanye mushindu udibo mua kutumikila ne bobo kupeta moyo wa tshiendelela mu Yesu Kilisto.

**NVESE WA KUYILA : LOMO 5 :12 & LOMO 6 :23**

Lomo 5 :12 : Nunku, bu muakalua bubi ha buloba bualu bua muntu umue, ne bu muakalua lufu bua bubi ebu, nunku lufu luakafika kudi bantu bonso bakenza malu mabi.

Lomo 6 :23 : Bualu bua difutu dia bubi ndufu, kadi diha dia luse dia Nzambi m'moyo wa tshiendelela mu Kilisto Yesu mukalenga wetu.

### **REVISION**

Nganyi wakalua ne malu a mashimi kudi mukashi ? (Nyoka)

**DEVOIRS** (Midimu mu lumingu lushale)

Katshia mu lumingu lushale, nganyi udi muenza malu adi makanangana ne diyi dia Nzambi ; menji adi kaayi mafite bua kubenga kuitabuja diyi dia Nzambi menji a mashimi ?

(Muyishi ateleje bayidi mudibo bandamuna ne ela kalumbandi (féliciter) kudi aba badi benze bimpe

**MBANGILU WA DILESONA**

Ela histoire eu (Lusumuinu elu). Mamu mukuabo uvua muye ne bana bende muitu. Mu tshisuku atshi muvua dijimba dile. Pavua bana batangila buimpe bua ditu muana mukuabo uvua yeye unaya bikole menemene ku muelelu (pa buipi) ne dijimba edi.

Muledi mumane kumanya njiu ivua mu dijimba (lufu), wakambila muana ne “Umuka hamuaba au” wa njiu.

Kutumikila kuakadi ne mushinga wa bungi bua muana eu kayi kupetangana na njiu eyi ya lufu mu dijimba. Kadi bikalaye muhidié diyi dia muledi, lufu ludi lumuindile mu dijimba.

### **TRANSITION WA DILESONA**

Mu mukanda wa Genese, tubala histoire eu wa baledi (bankambua) betu bavua ne njiu minene. Njiu eyi ivua buhidia (Kubenga kunemeka)

Bu muana eu, pa buipi ne dijimba, bankambua betu kabajingulula njiu eyi to ne kabakamanya ne njiu eyi idi muakubafikisha kulufu to.

Bualu buakenzeka mushindu eu.

### **BITUHA BINENE BIA DILESONA : BITUHA 3**

#### **TSHITUHA I**

#### **BALA GENESE 3 :6**

6. hakamona mukashi ne mutshi au udi muimpe bua kudia, ne udi muimpe ku mesu, ne udi mua kuha muntu lungenyi, yeye wakangata dimuma wakadia, wakahesha mulume wandi kabidi, ne yeye wakadia.

#### **I.1. MAKONKA**

Muyishi ela bayidi makonka aa :

##### **I.1.a. NIVEAU MUPUEKELE (Primaire)**

- Mukashi wakamona mutshi wakadi muimpe bua tshinyi ? (Bua kudia)
- Yeye wakamona kabidi ne mutshi wakadi muimpe bua tshinyi ? (Bua kumona kumesu)
- Yeye wakamona tshiakasatu ne mutshi wakadi muimpe bua tshinyi ? (Udi muakuha muntu lungenyi)
- Yeye wakaheta menji a a kudi nganyi ? (Kudi nyoka – Satana).
- Pashishe yeye wakenza tshinyi ? (Yeye wakangata dimuma wakadia).
- Yeye wakahesha nganyi kabidi ? (Yeye wakahesha mulume wandi).
- Mulume wakenza tshinyi ne dimuma diakamupesha mukashi (Yeye wakadia kabidi).
- Tshikondo tshakadi nyoka uyukila ne mukashi, mulume wakadi kunyi ? (Bidi bimueneka ne bakadi kaba kamue kula to)
- Udi muakuvuluka mukenji wa Nzambi bua bualu bua mamuma au anyi ? (Genese 2 :17) : Kuadi nansha.

**I.1.b. NIVEAU MUBANDILE** (Secondaire)

- Organe de sens kayi uvua Satana muenzele (utiliser) bua kukulula mukashi ? (Kumona kutangila)
- Mushindu kayi wakenzela Satana organe eu bua kukoka mukashi ? (Wakabanga ne sens wakumona bualu mukenji wa Nzambikawakadi bua kumona to. Kavua muamba ne “Kumonyi mutshi au to” kadi yeye wakabanga kumona buimpe bua mutshi au bikole, wakubanga kuelangana menji bua kudia nansha Nzambi muwela mukenji).
- Elangana menji bimpe :  
Biwikala utangila tangila tshimuma tshiudi kuyi muanji kudia, meumanye ne tshidi tshimpe anyi tshibi bua kudia anyi ? (Nansha kakese) Mamuma makuabo adi amueneka.
- Ku mesu mimpe, kadi mikale anyi buanji anyi, bululu anyi makuabo adi ashipa bantu (Poison) anyi aleula.
- Hakamona mukashi ne mutshi eu wakadi muimpe bua kudia, menji a a avua a bulelela anyi avua menji andi yeye nkayandi ? (Aa avua menji andi ne a satana)
- Mbuena kuamba ne mukaji uvua mumanye ne menji anyi adi a bulelela anyi ?
- Nganyi uvua muntu wa kumpala bua kufila menji a ne tshimuma etshi tshidi tshimpe buakufila lungenyi ? (Satana).
- Mukashi wakitaba menji a Satana bu a bulelela anyi a mashimi (A bulelela).
- Mushindu kayi udi Satana wenzela organe de sens eu wa kumona bua kutukulula lelu (Kutelenduisha). (Muyishi unvue menji a bayidi : Mandamuna adi a mishindu mishilangana bu :
  - Kuelangana menji mabi patudi tutangila bakaji ba bantu, bana ba bakaji bimpe ku mesu.
  - Kuluata bilamba bidi bileja mubidi (Caleçon)
  - Kutangila foto anyi video idi ileja muakulalanga (relations sexuelles)
  - Kutangila T.L wa manaya a bundu ne malu makuabo adi aleja mua kualakana bintu bia bantu etc...Ebeja bayidi mushindu kayi udi malu a a onso abakoka bua kuenza malu mabi.
- Mushindu kayi udi Satana muakuenzela menji a a ne “nenuikalebu Nzambi” bua yeye kutukoka bua tuetu kubenga kumutumikila ? (Muyishi a encourager bana (bayidi) bua kuakulabo) menji a a adi amueneka misangu ya bungi mu tusumbu sumbu (sectes)
- Munemu mu Afrique (surtout mu Congo wa mungalate) mushindu kayi udi satana wenzela menji a a (culture africaine) ➡ Muyishi alombole Discussion (diyuki) bimpe.

- Tangila Nzambi wakamba ne dituku di wadia mamuma a a bualu ne buenjibue, ne Satana wakamba ne dituku adi malu neinjibue.  
Tshinyi tshakamba Nzambi ne tshinyi tshakamba Satana ?  
Nzambi wakamba ne neufue, kadi Satana wakamba ne kuena ufua to.
- Tshikondo kayi tshiakahidiabo diyi dia Nzambi ? Anu hakadiabo mamuma a a a.
- Bua tshinyi bualu ebu budi mibi ?  
Bualu ebu budi mibi bualu bakabenga kutumikila Nzambi.

### **I.2. THEATRE : TSHINYI TSHIDI TSHIENZEKE ?**

Bana babakaji bonso batangila mamuma a mukenji, batangulula misangu ya bungi bu badi belangana menji.

Pashishe bangata badie ne bapeshe bana ba balume.

Bana ba balume bangate ne badia biabu.

Kunyima bonso buabu bamba ne “Eyi ! Tuakuenza bibi”.

### **I.3. MUSAMBU NE MAJA**

Tahulula bayidi mu bisumbu bisatu :

- Bayidi balume
- Bayidi bakaji
- Bayidi balume

#### **MUSAMBU**

- Muyidi wakumpala (2) bimba ne “Diaku mamuma a mitshi mikuabo, kadi mamuma a a kudi to kudi to !  
A munkasthi mua budimu : kudi to kudi to !  
A masheme, a lungenyi kudi to kudi to !
- Bayidi balume ne bakaji baja bela mutshi mu tshijengu (cercle mukuata mutshi kudi muana umue). Baja batangila batangulula mutshi awuBadie ne baheshe bana ba balume ne bobo biabu badie mamuma.
  1. Groupe wakumpala udi eu représenter Nzambi ikale ne dibungama bua bualu abu.
  2. Bana (bayidi bonso bimba musambu eu ne : Eyi ! Eyi ! mibi e e ! Eyi mibi e e ! Eyi mibi e e !

#### **TSHITUHA II**

##### **TANGILA GENESE 3 :7 – 8**

7. Mesu a bubidi buabu akubuluka, bakamanya ne tudi butaka, bakatela mabeshi a nfigi, bakadienzela mbondia.
8. Bakunvua diyi dia Yehowa Nzambi wendakana mu budimi dilolo ; mulume ne mukashi bakasokoma munkatshi mua mitshi ya mu budimi ku mesu kua Yehowa Nzambi.



## II.1 MAKONKA

Muyishi ela bayidi makonka aa :

### II.1.a. NIVEAU MUPUEKELE (Primaire)

- Kunyima kua kudia mamuma, bualu kayi buakenzeka kumpala ? (Mesu abu akabuluka)
- Kunyima kua mesu abu mamane kubuluka bakadimona mushindu kayi ? (Ne tudi butaka)
- Kumpala kabavua bamanye ne tudi butaka ? Bavua belangana menji munyi ? (Ne bavua ne bilamba). Kadi kunyima bamane kuenza bibi bakadimona mushindu mukuabo, ba kunvua bundu.
- Bakunvua bundu bua butaka buabu, kadi kunyima bakenza tshinyi ? Bakatela mabeshi a nfigi, bakadienzela mbondia. bakunwa diyi dia nganyi wendakana mu budimi ? (Nzambi)
- Bakenza tshinyi ? (Mulume ne mukashi bakasokoma munkatshi mua mitshi ya mu budimi ku mesu kua Yehowa Nzambi.
- Bavua batshina nganyi ? (Nzambi).
- Kumpala bavua ne disanka bua kusemena habuihi ne Nzambi. Bua tshinyi musangu eu kabena basue kumumona anyi abamone ne kusemena ha buihi n'ende ? (Bakujingulula ne tuakuhidia diyi diandi, pa nanku bankunvua bundu ku mesu kuende.

### II.1.b. NIVEAU MUBANDILE (Secondaire)

- Bankambua betu bakelengana menji ne hadiabo mamuma a a mikenji ne bikale bimpe, kadi tshinyi tshakabaluii ? (Bundu, ditahuluka hankatshi habu ne Nzambi. Kabavua ne disanka kabidi bua kusemena ha buihi ne Nzambi to).
- Bakasungula njila mubi bua kudiabu mamuma a a, ne bakasungula kabidi njila mukuabo mubi munyi ? Eyo, bakasungula njila mukuabo bualu kabakitabuja mibi yabo to, kadi bakasokoma mu mitshi ya mu bubimi bua Nzambi kayi kubamona to).
- Elangana menji. Lungenyi elu ludi luimpe anyi ? (Nansha kakese, Nzambi udi mumanye malu onso ne udi umona bionso ne miaba yonso ne yeye ke wakafuka mitshi ayi onso.

## II.2. THEATRE : TSHINYI TSHIDI TSHIENZEKE ?

Enza théâtre mushindu eu : bayidi bonso benza bu badi ne tshimuma mu bianza bamba ne “Tshimuma etshi n'tshia tshijila”. Kunyima batshidie ne benza bu badi ne bowa kunyima kua kutshidia.

Benze bu badi bunvua muntu ulua ne banyeme, basokome munshi mua mitshi anyi muinshi mua bibasa biabo.

### II.3. MUSAMBU NE MAJA

Kusokoma a a ... kusokoma a a  
O bundu ! O bundu  
Na kuenza bibi bibi Obundu  
Na kuenza bibi bibi Obundu

### TSHITUHA III

#### BALA GENESE 3 :9 – 11

9. Yehowa Nzambi wakabikila mulume, wakamukonka ne, wewe udi kudi kunyi ?
10. Yeye wakamba ne, nakunvua di diebe mu budimi, na kutshina, bualu bua nakadi butaka ; nakusokoma.
11. Yeye wakamuambila ne, wakakuambila ne udi butaka nganyi ? wakudia mamuma a mutshi unaka kuambila na, kudi anyi ?

### III.1. MAKONKA

Muyishi ela bayidi makonka aa :

#### III.1.a. NIVEAU MUHUEKELE (Primaire)

- Mutshikondo tshakadi mulume ne mukashi basokome nganyi wakababikila ? (Yehowa Nzambi)
- Dikonka kayi diakela Nzambi mulume ? (Wewe udi kudi kunyi ?)
- Udi welangana menji ne Nzambi wakebeja nunku bua tshinyi ? Mbulelela ne wakadi musue kumanya muaba uvuabo anyi ? (Nansha kakese, yeye udi mumanye malu onso ne miaba yonso. Uvua webeja nanku bua muntu elangana menji bimpe ne ajadike malu a a).
- Diandamuna dia mulume divua munyi (Nakunvua di diebe mu budimi, nakushina, bualu bua nakadi butaka, na kusokoma.
- Kumpala muntu avua ne bundu bua butaka buandi anyi ? (Nansha bukese, kumpala mulume ne mukashi kabakadi ne bundu to nansha bowa to.
- Tshinyi tshidi tshienza bua kuikalabu ne bundu ? (Bualu bakubenga kutumikila diyi dia Nzambi).
- Kunyima, Nzambi wakabela makonka manene abidi. Makonka kayi ?
  1. Wakakuambila ne udi butaka nganyi ?
  2. Wakudia mamuma a mutshi unakakuambila ne kudi anyi ?

#### III.1.b. NIVEAU MUBANDILE (Secondaire)

- Bidi bimueka ne mulume wakamanya ne diyi adi ndia Nzambi anyi ? (Eyo, wakamanya)
- Bidi bisua kunvuija tshinyi ? (Bidi biunvuija ne Nzambi uvua wendakana, uyukilangana n'abu mutshikondo atshi)

- Udi welangana menji kayi padi Nzambi webeja bantu ne nuakudia mamuma a mukenji, mitshima yabo ne menji abo avua munyi ? (bakamona ne Nzambi wakumanya dihanga diabo, bavua ne bundu.



### **III.2. THEATRE : TSHINYI TSHIDI TSHIENZEKE ?**

Tapulula bayidi bebe mu tusumbu tubidi

1. Nzambi
2. Mulume

Nzambi ukeba bantu ; ne diandamuna dia mulume.

### **III.3. MUSAMBU NE MAJA**

Bayidi bimbe mu bituha bibidi :

- Nzambi imba ne mulume imba :
  - ❖ Nzambi : muntu udi kudi kunyi ! udi kudi kunyi ?
  - ❖ Muntu : Ndi musokome ! ndi musokome !
  - ❖ Nzambi : wakudia mamuma anyi ! wakudia mamuma anyi !
  - ❖ Muntu : Bowa ! bowa ! bundu ! bundu !

### **III.4. DEVOIRS ANYI MIDIMU**

Udi muakumanya mena a balunda bebe bakuabo badi kabayi banji kuitabuya Yesu Kilisto bu mukelenge ne musungidi wabo anyi ? Bituadijile lelu, udi muakubanga kubayisha bualu buende anyi bua bobo kukudimuna mitshima yabo ne kuitabujabo Yesu Kilisto bu mukalenge wabu anyi ?

### **III.5. INVITATION (DIBIKILA)**

Mukanda wa Nzambi udi wamba ne bantu bonso bakenza mibi, bakubenga kutumikila diyi diandi. Ne wewe kabidi. Kadi njila wakusungidibue udi anu umue : Yesu Kilisto. Ke udi njila utudi mua kupeta moyo wa tshiendelele.

Biwikala kuenza muanji kumumanya, kadi dituku dia lelu udi musue kumuakidila mu moyo webe, ngindila muaba eu, mene ne nkuleje tshiudi ne bua kuenza bua wewe kupeta moyo wa tshiendelele (Muyishi aleje muaba mujadika udi bo muakupetangana kunyima kua diyisha dia mu Ecodim).

## **DILESONA 12**

**TEKESE : GENESE 3 :12 – 19**

**TSHIENA BUALU : BUBI BUA BANKAMBUA BETU NE MULAU WA NZAMBI**

**KENDELE KADIYISHA :** Kunyima kua dilesona edi bayidi badi ne bua kujingulula malu manene a kanyinganyinga adi ne bua kuenzeka kunyima kua buhidia bua kubenga kutumikila diyi dia Nzambi. Pa nanku badi ne bua kutumikila diyi dia Nzambi ne » kuitabuja Yesu Kilisto bu mukalenge ne musungidi wabo.

**NVESE WA KUYILA : NSUMUINU 28 : 13**

“Udi usokoka matomboka andi kena wikala ne diakalengele, kadi udi walekela, neafidibue luse”.

### **REVISION**

1. Malu kayi mabi akenza baledi betu mu budimi bua Edene ? (Bakatumikila diyi dia nyoka (Satana) bobo kubenga diyi dia Nzambi)
2. Kunyima kua kubenga kutumikila diyi dia Nzambi, bakunvua tshinyi mu mitshima yabo ? (Bakunvua bundu kumesu kua Nzambi).

**DEVOIRS** (Midimu mu lumingu lushale)

Nuvuluka ne lumingu lushale tuvua banupesha devoirs (Mudimu) bua mu mitendelelu yenu nulombe bua bantu babidi bakudimuna mitshima yabo ne bitabuje Yesu Kilisto.

1. Nganyi wa munkatshi muenu udi muenze nunku mu lumingu elu lujima ? (Muyishi akebe mushindu wakunvua diandamuna dia muyidi ne muyidi ne encourager (féliciter) ela kalumbadi kudi aba badi bateta bua kuenza nunku.

2. Mu lumingu lushale, nganyi wa munkatshi muenu udiku muyukile ne umue wa munkatshi muabu bua bidi bitangila Yesu Kilisto ?
3. Mu lumingu elu lujima, Nzambi m'mukuambuluisha bua wewe kuhesha nansha umue wa munkatshi muabo tshintu kampanda anyi ?
4. Nzambi m'mukupesha diba dia wewe kudienza mulunda wabo anyi ?
5. Nganyi udiku muakutuleja mushindu uvuabio
6. Tungunuka ne kutendelela bua bantu aba bua bitabuja Yesu

### **MBANGILU WA DILESONA**

Bayidi benza théâtre udi uleja muana ubenga kutumikila Tatu wandi ne ukeba mashimi adiye ne bua kuamba bua kusokoka bubi buandi.

Yeye udi ne bowa bua ne Tatu kayi kumanya bua kayi kumahesha dinyoka.

### **TRANSITION WA DILESONA**

Bu muana wa théâtre (muena buhidia, bankambua betu bakabenga kutumikila diyi dia Nzambi.

Tukadi babale malu mabi akenzeka kunyima kua buhidia buabu. Malu kayi ? (Bavua ne bundu, bakasokoma ku mesu kua Nzambi, buobumue ne Nzambi buakakoseka ne malu makuabo akalonda kabidi.

Malu kayi kabidi ? Nzambi wakabalesha dinyoka anyi ? Tubala malu a a mu mukanda wa Nzambi mu Genese 3 :12

### **BITUHA BINENE BIA DILESONA : BITUHA 2**

#### **TSHITUHA I**

#### **BALA GENESE 3 :12 - 13**

12. Mulume wakamba ne, mukashi uwakumpa bua kuikala n'andi, wakumpa dimuma dia mutshi nakudia.
13. Yehowa Nzambi wakambila mukashi ne, bualu ebu buwakuenza budi tshinyi ? mukaji wakamba ne, Nyoka wakundinga, nakudia.

### **I.1. MAKONKA**

Muyishi ela bayidi makonka aa :

#### **I.1.a. NIVEAU MUPUEKELE (Primaire)**

- Mulume wakapesha nganyi tshilema tshia mibi yenda ? (Mukashi), nvese munene : Mukashi wakumpa bua kuikala n'anyi, wakumpa dimuma dia mutshi, na kudia.
- Mukashi wakapesha nganyi tshilema tshia mibi yenda ? (Nyoka, Nyoka wakundinga nakudia)
- Nganyi wakitabuja mibi yandi ne kulomba dibuikidila kudi Nzambi ? (Nansha muntu).

- Mbia bulelela ne tuetu bietu lelu bua tuetu kuitabuja mapanga etu ne kuateka pa mutu ha bakuabo anyi ? (E e tuetu bietu tudi tuangata faute (bilema) bia mahanga etu tuetu ku ateka pa mutu ha bakuabo.

### **I.1.b. NIVEAU MUBANDILE (Secondaire)**

- Malu a a Nzambi wakakonka nganyi ? (Mulume ne mukashi)
- Nzambi wakabenga kukonka nganyi ? (Nyoka)
- Udi welangana menji ne wakabenga kukonka nyoka bua tshinyi ? (Misangu mikuabo, bualu Satana uvua ukudimuka nyoka, ne satana udi muena mashimi ne tatu wa mashimi).
- Butekete (faiblesse) kayi buakaleja bantu aba (Adama ne Eva) ? (Misangu ya bungu tuetu bantu bidi bualu bukole bua tuetu kuitabuja bubu buetu, kadi bidi butekete bua tuetu komekela bantu bakuabo bilema (faute) bia bubu buetu).
- Bualu buimpe buvua buenzeke mbua ne (muji) (source) wa bubu uvua mumueneke. Uvua tshinyi ? (Satana)
- Bantu bavua bakeba kudibingisha (ba excuse), kadi bavua bamba tshinyi, bivua bia bulelela anyi ? (Ee, bulelela mukashi wakaha mulume dimuma, ne bulelela nyoka wakadinga mukashi).
- Bulelela buakadibo bamba ebu bua kumusha responsabilité wabu mu bubu ebu anyi ? (Culpabilité wabu) (Nansha kakese, dinyoka didi dilonda muntu yonso bilondeshile mushindu udiye muenze ; mushindu utuamona mu bidi bilonda).

### **I.2. THEATRE : TSHINYI TSHIDI TSHIENZEKE ?**

Théâtre wa bana banayi : 1. Nzambi 2. Mulume 3. Mukashi 4. Nyoka

\* Nzambi ela makonka : 1. Wakudia mamuma a mutshi unakukuambila ne kudi anyi ?

2. Bualu ebu buwakuenza budi tshinyi ?

Mulume omeka bualu kudi mukashi, mukashi omeka bualu kudi nyoka. Kadi nyoka omba anu “s s s s s s”.

### **I.3. KUIMBA NE KUJA**

Mulume “Tshilema tshianyi to” tshia mukaji

Mukashi “Tshilema tshianyi to” tshia nyoka

Tshianyi to tshianyi to tshiandi yeye

Dikenga dikenga dikenga a a a

### **TSHITUHA II**

#### **TANGILA GENESE 3 :14**

14. Yehowa Nzambi wakambila nyoka ne, bualu bua wewe wakuenza nunku, ndi nkuela mulau, mulau webe ne utambe wa nyama yonso ya mu

madimi ; wewe neukoka difu diebe hanshi, neudie difuenkenya dia buloba matuku ebe yonso.

## II.1 MAKONKA

Muyishi ela bayidi makonka aa :

### II.1.a. NIVEAU MUPUEKELE (Primaire)

- Nganyi udi wakula mu nvese eu ? (Yehowa Nzambi)
- Udi wambila nganyi ? (Nyoka Satana)
- Bua tshinyi Nzambi udi wela nyoka mulau ? (bualu wakashima mukaji).
- Nzambi wakenza tshinyi ne nyoka ? (Wakamuela mulau)
- Mbuena kuamba ne mulau wakela Nzambi nyoka wakadi mushindu umue ne wa nyama mikuabo anyi ? (Nansha kakese, wa nyoka wakahita wa nyama yonso mikuabo bukole).
- Mushindu kayi wakakudimuna Nzambi kuenda kua nyoka ? (Neukoka difu diebe hanshi)
- Nyoka udi ne bua kudia tshinyi ? (Neudie dinfuekenya dia buloba ; Bidi bileja ne Nzambi wakatshimuna, Satama wakahanga).

### II.1.b. NIVEAU MUBANDILE (Secondaire)

- Ela menji mu tshiambilu etshi : “Mulau webe neutambe wa nyama yonso ya mu madimi”. Mbuena kuamba ne Nzambi wakela nyama mikuabo mulau bua bubu bua kenza nyoka anyi ?  
(Tangila Lomo 8 :22 : “Bualu bua tudi bamanye ne, bifukibua bionso bidi bitua mikemu hohamue ne bidi bidinyenga hohamue to ne katakata”.  
Nzambi wakela bifukibua bionso mulau bua bubu ebu.
- Nyoka, neudie dinfuekenya dia buloba “Eu mushindu wakuakula. Tshiambilu etshi tshidi tshisua kuamba tshinyi ?  
Tangila Misambu 72 :9 : “Badi bashikamemu tshihela nebinyike mitu yabo kumpala kuandi, ne badi n’andi lukuna ne balake biabu dinfuenkenya dia buloba”  
(Bidi bileja ne muntu udi mutshimune, bobo bakuhanga, bakuhueka, bundu buakubakuata).
- Bidi bileja tshinyi bua position wa bulelela wa Satana ? (Yeye kena mutshimuna to, wakuhanga, wakukuatshika bundu).

## II.2. THEATRE : TSHINYI TSHIDI TSHIENZEKE ?

Suika mikolo ya dibeja (papier) ku mutshi. Muana umue ayikuata muimane bu nyoka.

Muana mukuabo enza bu Nzambi, amba ne “wewe ne ukoke difu diebe hanshi”. Nyoka akuluke. Muana mukuabo (muisatu) umusha mikolo ya nyoka. Bayidi bakuabo bayileja bamba ne “Nzambi wakatshimune e e !”

Yaku kudia dinfuekenya dia buloba kashidi ne kashidi



### **II.3. KUIMBA NE KUJA**

Nyoka wakuedibua mulau  
Yaku yaku yaku yaku  
Kudikoka hanshi  
Diaku dinfuenkenya dia buloba

### **III.4. DEVOIRS ANYI MIDIMU**

Bua bubu bua bankambua betu, malu mabi, makenga ne biyole biaka mueneka. Bankambua betu bakasua kudibingisha, kadi Nzambi kakitabuja nansha kakese malu a a mabi

Nansha wewe muitabuja Yesu Kilisto mu mutshima webe, misangu mikuabo Nzambi neakuleja malu mabi ebe audi wenza. Kuindidi to bua malu ebe mabi au amueneke ku mesu kua bantu.

Itabuja mibi yabe ayi katataka. Lomba akubuikidila mapanga a a ne lomba dikuatshisha diandi.

Nzambi kena utubuikila mahanga etu bua raison (excuses) yetu to. Yeye udi muena luse lujalame bua kutubuikidila mapanga etu hatudi tuitabuja ne tualekela.

### **III.5. INVITATION (DIBIKILA)**

Kadi wewe, misangu mikuabo kuena muanji kuitabuja Yesu Kilisto bu mukalenge ne musungidi webe.

Tuetu bonso buetu tudi benji ba malu mabi ne tudi ne dihila ku mesu kua Nzambi bu mudi Polo wambila bena Lomo mu 3 :23

Wewe biebe udi muenze bibi. Yesu wakalua ha buloba, wakafua ha mutshi mutshiamakana bua kufuta dibanza dia bubu buebe.

Yeye wakabika ku lufu, ne udi ne moyo katataka

Yeye udi musombe ku diboko dia balume dia Tatu wandi, yeye neakuitabe biwikala wakumubikila mu dina diandi.

Udi umuitabuja bu mukalenge ne musungidi webe katataka anyi ?

Biwikala musue kumubikila, kumuitabuja lelu, meme nengikale ne disanka bua kutendelela n'ebe hohamue kunyima kua diyisha edi.

(Muyishi aleja muyidi muaba udibo ne bua kupetangana kunyima kua mayisha).



## DILESONA 13

**TEKESE : GENESE 3 :15**

**TSHIENA BUALU : MULAYI WA MUSUNGIDI (NZAMBI UDI ULAYA MUSUNGIDI)**

**MEYI KUDI MUYISHI**

**Genese 3 :15** Udi nvese udi ne mushinga mukole bilondeshile meyi adi momu. Nansha yeye muikala anu nvese umue, kadi ne tutete bua tuetu ku uyila bitekete bitekete ne kuutahulula mu bituha binene...

Kunyima ne tuye kumpala bua tuetu kuyila nvese eyi 20 ne 21, pashishe netuhingane mu nvese 16 mu lumingu ludi lulua mu Dilesona 14

**KENDELE KADIYISHA :** - Kunyima kua dilesona edi, bayidi ne bamanya ne ku kale kale Nzambi wakalaya ne musungidi nealue, nealedibue anu kudi mukashi, kudi mulume to.

Nzambi wakakumbaja mulayi eu mu Yesu Kilsto. Yeye wakedibue kudi mukashi wakatshidi kamama ne Yehowa Nzambi wakadi Tatu wandi.

- Pa nanku, bayidi badi kabayi banji kumumanya, ne ba muitabuje bu mukalenge ne musungidi wabo. Aba bakadi ba mumanye ne balombe mu milombo yabo bua balunda babo badi kabayi banze kumumanya basungidibue biabu.

**NVESE WA KUYILA : GALATI 4 :4**

“Kadi hakakumbana tshikondo, Nzambi wakatuma muana wandi, muledibue kudi mukashi, muledibue munshi mua mukenji”.



### **KULONGOLA KUMPALA**

Keba foto isatu : Mulume, mukashi ne nyoka anyi zola binfuanyi bisatu. Neyikuambuluisha bua kuenza revision

### **REVISION**

Leja foto eyi isatu kudi bayidi ne ela dikonka edi ne :  
Dinyoka kayi diakaheta muntu yonso mu busatu buabi kunyima kua malu mabi akenzabo ?

Buloba buakedibua mulau kudi Nzambi, mulume nenze mudimu ne tshisululu ne dikenga.

Mukashi nealele ne didinyenga, mulume neikala ne bukokeshi ha mutu handi ne nyoka neakoke difu diandi hanshi ne neadie dinfuenkenya dia buloba.

### **MAKONKA BUA DEVOIRS**

Mu lumingu lushale tuakulomba kudi bayidi bonso bua muyidi yonso kuitabuja ne kulekela malu mabi ende bua kuehuka ku dinyoka didi mua kulonda.

Bualu ebu buakuenzeka mushindu kayi ? Nudi dijinga ne milombu mikole bua muenu kuikala bahie mu mianda eyi anyi ?

(Muyishi ateke bana bandi bonso badi basue kulekela malu mabi mu milombo).

### **MBANGILU WA DILESONA**

Mu bikondo bia kale Nza mbi wakalaya ne musungidi nealue. Udi musue kumanya tshikondo tshia mielaya eyi anyi ? Udi musue kumanya bulelelela ne ntshinyi mene tshiakalayaye anyi ?

### **REVISION NE TRANSITION WA DILESONA DISHALA**

Lelu tudi basue kuyila mushindu wakalaya Nzambi ne musungidi nealue. Eu udi mulayi wa mushinga mukole. Teleja bimpe.

### **BITUHA BINENE BIA DILESONA : BITUHA 5**

#### **TSHITUHA I**

#### **BALA GENESE 3 :15a**

15a. Nenteke lukuna hankatshi hebe ne mukashi,

### **I.1 MAKONKA**

Muyishi ela bayidi makonka aa :

### **I.1. NIVEAU YONSO**

- Nganyi udi wakula mu nvese eu ? (Nzambi)
- Nzambi udi wamba ne neateke tshinyi hankatshi ha nyoka ne mukashi ? (Neateke lukuna).
- Nzambi udi wambila nganyi ? (Nyoka)

### **I.2. THEATRE : TSHINYI TSHIDI TSHIENZEKE ?**

Muyishi ateka bana mu groupe (bisumbu bibidi), mbuena kuamba ne groupe umue wa bakashi mukuabo bu nyoka.

Muyishi enza bu udi ubelela ndundu munene (ballon) amba ne : “nenteke lukuna hankatshi henu”. Bana benza geste ya ku mesu, mpala ne mishiku bu badi bakinangane. Kadi kabaluanganyi nvita to. Benza bu kabena bitabuja meyi adi muyishi mubambile to.

Benza anu bu muvua Satana mukima Yesu.

### **I.3. KUIMBA NE KUJA**

We nyoka (leja diboko dia bakashi)

We mukashi (leja diboko dia balume)

Nudi bena lukuna (Enza geste bu badi baluangana)

## **TSHITUHA II**

### **BALA GENESE 3 :15b**

15b. Ne hankatshi ha bana bebe ne bana bandi...

### **II.1. MAKONKA**

Muyishi ela bayidi makonka a a :

### **II.1. NIVEAU YONSO**

- Nzambi udi wamba ne neateke lukuna hankatshi ha banganyi ne banganyi kabidi ? (Hankatshi ha bana ba nyoka ne bana ba mukashi). Mu Français muaku eu “bana” udi “tunkanumuina” (desendance). Muaku eu udi ne mushinga mukole mu diakula. Wewe ne meme, tudi tunkanumuina tua mukashi ne mulume. Moyo wetu wakabanga tshikondo tshia diminu dia mukashi ne mulume dihetangana. Pa nunku tuetu bonso tudi ne tatu ne mamu. Bidi nanku anyi ? (E e e)
- Mbuena kuamba ne mu histoire yonso, muntu uvua muledibue uvua anu muana wa mukaji, muledibue kudi mulume to ? Muntu au uvua anu kankanunuina ka mukaji ? (Eyowa, bituikala tuitabuja mukanda wa Nzambi, Yesu Kilisto wakaledibua kudi mukaji, maman malia utshivua kamama kayi mumanye mulume nansha umue).  
Mukanda wa Nzambi udi wenzela muaku (verbe) kayi bua kuleja bualu bunene hankatshi ha nyoka ne mukashi ? (Lukuna ; muaku eu udi uleja bualu bunene ne bukole buikala hankatshi ha nyoka ne mukaji).

## **II.2. THEATRE : TSHINYI TSHIDI TSHIENZEKE ?**

Teka muana anyi muyidi umue ikale Yesu ; mukuabo bu muana wa Satana (Nyoka)

Yesu imane mukangula maboko ne dinanga dionso. Kadi bana ba satana beleja lukuna lukole ne Yesu.

## **II.3. KUIMBA NE KUJA**

Bana ba Satana

Badi bena lukuna ne Yesu

Lukuna luabo ndwa tshiendeleda

## **TSHITUHA III**

### **BALA GENESE 3 :15c**

15c. Muana wa mukashi neakukume ku mutu kuebe... Mu Français, yeye neakukume ku mutu kuebe... Mu nvese eu kankanunuina (semence) = descendance aka kakena ka bana bonso ba mukashi to. Kadi anu bua muana umue muledibue kudi mukashi.

Kadi kamba bua musungindi wikala mutumibue wa Nzambi ; Yesu muledibue kudi mukashi kudi mulume to.

## **III.1. MAKONKA**

Muyishi ela bayidi makonka a a :

### **III.1. NIVEAU YONSO**

- Nganyi udi wakula mu nvese eu ne udi wambila nganyi ? [Nzambi ke udi udi wambila nyoka (Satana)].
- Kakankanumuina ka mukaji ne kenzele nyoka satana tshinyi ? (Nekamukume ku mutu kuandi).
- Nzambi udi wamba ne nganyi wakuma Satana nyoka ku mutu kuandi ? (Yesu Masiya).
- Diba kayi diudi welangana menji ne Yesu wakadiata Nyoka Satana ku mutu kuandi ? (Diba diakafuaye ne diakabikaye ku lufu)
- Bikala muntu mudiate nyoka ku mutu, yeye neafue anyi ? (E e udi ufwu)
- Bidi bileja ne bikala Yesu mulue, nenze tshinyi ne Satana ? (Yeye neajikije bukole buende).

## **III.2. THEATRE : TSHINYI TSHIDI TSHIENZEKE ?**

Bayidi bonso benza bu badi ba Yesu. Benze gestes bu badi badiata Satana nyoka mu makasa abo. Badiate bikole ne bela mbila bamba ne : “Yesu wakafua bua bualu buetu ! yeye wakabika ku lufu”.

## **III.3. MUSAMBU NE MAJA**

TELEJA Satana (leja munu)

Yesu neakudiate !  
Nakudiate nakudiate nakudiate ku mutu kuebe  
Yeye neajikije bukole buebe  
Kalonda kebe kadi kudi kunyi  
Yeye neatshimune tshimune tshimune



#### **TSHITUHA IV**

##### **BALA GENESE 3 :15d**

15d. “Ne wewe neumusume ku tshikankanyi tshiandi...”

#### **IV.1. MAKONKA**

Muyishi ela bayidi makonka a a :

##### **IV.1.a. NIVEAU MUPUEKELE** (Primaire)

- Nganyi udi wakula mu nvese eu ne udi wambila nganyi ? (Nzambi, ne udi wambila Satana nyoka).
- Tshinyi tshidi Satana wenze bua Yesu ? (Yeye neamusume kutshikankanja tshiandi).
- Bikala muntu mukudiate ku mukole, nebikusame bikole anyi ? Mbuena kuamba ne Yesu ku mutshi mutshiamakane wakadila ? (Eyowa).
- Bikala muntu mukudiata ku dikasa, neufwe anyi ? (To, nebisame kadi kabiena muakunfikisha kulufu to).

##### **IV.1.b. NIVEAU MUBANDILE** (Secondaire)

- Balulula nvese wa 15. Mu nvese eu ne umone ne anu ne tunkabunuine tua mukaji mudi anu muntu umue.
- Nvese kayi udi ulaja bua musungindi ? (Yeye nealedibue anu mu tunkanumuina tua mukaji, Satana neamukengesha. Kadi Satana kakumu tshimuna to, Yesu neamutshimuna).

#### **IV.2. THEATRE : TSHINYI TSHIDI TSHIENZEKE ?**

Bayidi bonso benza bu badi ba Nzambi bu badi bambila nyoka Satana bua Yesu ; benza geste ne bianza bamba tshiambilu ne tshiambilu kunyima kuebe).

“Wewe Satana neudiate Mesia ku dikasa, ku mutu to”  
Wewe neumukengesha, kadi kua kumu kumbana to  
Yeye (neakutshimuna) a a a

#### **IV.3. MUSAMBU NE MAJA**

Satana neadiate Yesu kudikasa ayi ayi  
Kadi Yesu neamutshimuna.

### **MPINDIEU ELA BAYIDI BEBE MAKONKA A A BUA NVESE EU MUJIMA**

- Mushindu kayi udi nvese eu ulaya dilua dia musungidi anyi Mesia ?
- Tshinyi tshidi munkatshi mua mulayi eu munene ? (Musungidi neikala anu mu kankanunuina ka mukashi).
- Kadi bu tuetu bikala anu ne mukanda wa genese nkayau, mushindu kayi utuvua ne bua kumanya ne Yesu neatshimune Satana ? (Bualu yeye neadiate Satana ku mutu).
- Bamane kubala nvese eu, mushindu kayi utuvua ne bua kumanya ne Yesu ne Satana bavua mu mukanda wa Nzambi ? (Nebikale bena lukuna).
- Nganyi udi mua kunvujia nvese eu mu meyi andi yeye nkayandi.
- Bua tshinyi nvese eu wakadi lumu luimpe lua bankambua betu ne ndelanganyi yabo yonso ?
- Bua tshinyi lumu luimpe elu ludi buetu tuetu lelu ?

#### **V.4. DEVOIRS ANYI MIDIMU**

Mu budimi bua Edene, Nzambi wakalaya ne neatume musungidi ne musungidi au nealedibue kudi mukashi, kudi mulume to. Nzambi wakakumbaja mulayi eu hakatumaye Yesu Kilisto, muan'andi umuehele hanshi ha buloba.

Biwikala mumanyie Yesu Kilisto bu mukalenge ne musungidi webe, udi muakuteka bantu bakuabo mu milombo yebe bua bobo bamumanyabiabu bu musungidi wabo anyi ?

Mpindieu, mu milombo yebe tela mena a balunda anyi bamanyangana bakuabo badi kabayi banze kukudimuna mitshima yabo nansha. Lomba bua basungidibue biabo, tungunuka ne kubashiya mu bianza bia Nzambi. (Muyishi ashiye mu milomba aba bonso badi kabayi banze kuitabuja Yesu Kilisto bu mukalenge ne musungidi wabo mu miaba yonso idibo basanganyi bua).

#### **V.5. INVITATION (DIBIKILA)**

Mu Yone 6 :37b Yesu udi wamba ne “tshiena ngihata walua kundi” wewe nkayebe luaku kudi Yesu Kilisto. Umuitabuja mu mutshima webe lelu bua wewe kusungidibue.

Biwikala muitabuja Yesu Kilisto bua wewe ku muakidila mu mutshima webe lelu ne ungingidile kunyima kua dilesona edi.

(Muyishi aleja muyidi eu muaba udibo ne bua kuhetangana kunyima kua dilesona dia Ecodim).

## **DILESONA 14**

**TEKESE : GENESE 3 :16 – 20**

**TSHIENA BUALU : BUBI BUAKANYANGA BULOBA BUJIMA**

**KENDELE KA DIYISHA :** Kunyima kua dilesona edi bayidi ne bajadike ne mibi idi ikoka makenga a bungi mu nsombelu yetu. Mibi ya bankambua betu yakanyanga buloba bujima. Pa nanku, kabedianganyi menji ne Nzambi ke udi mututuadila malu a a ; kadi bajingulula ne mibi ke idi mienza nunku.

**NVESE WA KUYILA : NSUMUINU 19 :3**

3. “Buhota bua muntu budi bunyanga nshila wandi, mutshima wandi udi ukuatshila Yehowa tshiji”.

**TSHAKUENZA KUMPALA**

Funda ha dibeki dikole : “Mulombodi wa diku”. Neudienzele mu tshituha 1. (Téâtre : tshinyi tshidi tshienzeke ?). Kosa tutuha tua mitshi tua mishindu mishilangana ne ela lusenga mu kantine N°5. Tuala meba ne mabeji. Neu bienzela mu 2. (Théâtre : Tshinyi tshidi tshienzeka ?)

**REVISION**

Mu lumingu lushale, tuakuyila mulayi wa mushinga mukole wa Nzambi bua dilua dia musungidi. Tshinyi mene mene ? (Yeye neikala kankanunuina (muana) anu ka mukaji. Yeye nealedibue kudi mukaji utshidi kamama).

Musungidi au neenza Satana nyoka tshinyi ? (Neamukume ku mutu kuendi bua kujikija bukole buende).

**REVISION WA MIDIMU MIFILA (DEVOIRS)**

Tela mena a balunda bebe anyi bamanyangana n’abu badi muteka mu milombo yebe bua bobo kuitabuja biabu Yesu Kilisto bu mukalenga ne musungidi wabo.

(Muyishi ajikije milombo ei ne bayidi balombe bua bena diabololo ba meku (famille) abu, misoko yabu, matunga abu ne ba buloba bujima.

### **MBANGILU WA DILESONA**

Bana babidi benza théâtre eu. Badi bayukila bua makenga ne malu mabi adi enzeka.

Babanga kutela malu mabi a a bu : buivi, masandi mutshaudi, lukuka lua bintu bia bantu, masama, biyole, nzala etc...

Umue wabu abanga kuamba ne “Nzambi ke udi mutukebela makenga a a onso, bualu yeye ke udi mufuke buloba ne malu mabi a a onso”.

Muyidi mukuabo amba ne “malu mabi a a onso m’malue bua buhidia buetu. Tuetu nkayetu mbadi bakeba makenga a a.

Kunyima kua théâtre, ela bana makonka a a :

1. Mbuena kuamba ne Nzambi wakenza buloba ebu ne malu mabi anyi ? (Nansha kakese, Nzambi wakabufuka bimpe, ku ntudijilu. Kadi mpindieu bukadi bubi). Vuluka Genese 1 :31
2. Malu a a onso mabi akulua kudi banganyi ? (Bantu)

### **TRANSITION WA DILESONA**

Mukanda wa Nzambi udi utuleja mushindu wakafuka Nzambi buloba buimpe. Udi utuleja kabidi mushindu wakabuela bubi mu buloba ebu.

Lelu tudi tumona mushindu wakanyanga bubi buloba bujima.

Tudi tubanga mu mukanda wa Genese 3 :16

### **BITUHA BINENE BIA DILESONA : BITUHA 4**

#### **TSHITUHA I**

#### **BALA GENESE 3 :16**

16. Yeye wakambila mukashi ne, nentambe kuvudisha didinyenga diebe ne kuimitshishibua kueba, neulele bana ne didinyenga ; mutshima webe newikale kudi mulume webe ; yeye neikale ne bukokeshi ku mutu kueba.

#### **I.1 MAKONKA**

Muyishi ela bayidi makonka aa :

##### **I.1.a. NIVEAU MUPUEKELE (Primaire)**

- Nganyi udi wakula mu nvese eu ? (Nzambi)
- Mu dilesona dishale, yeye m’mpusha nganyi dinyoka ? (Kudi nyoka) v.14
- Aha udi wambila nganyi ? (Mukashi).
- Nzambi wakambila mukashi ne neamuvudishile didinyenga diba kayi ? (Mu kuimitshishibua ne mu kulela kuandi)
- Mutshima wa mukashi newikala kudi nganyi ? (Kudi mulume wandi).
- Nganyi wikala ne bukokeshi ha mutu ha mukuabo ? (Mulume).



### **I.1.b. NIVEAU MUBANDILE (Secondaire)**

Didinyenga edi nedikale dia bungi mu mushindu kayi ? (Didi muakuikala dia kulelela, dia muana ufua mu difu, anyi kufua kunyima kua meba makese. Didi muakuikala malu mabi adi bana benzelangana bobo nkayabu etc...

- Mulume neikale ne bukokeshi ha mutu ha mukashi. Tshiambilu etshi tshidi tshiunvuija tshinyi ? Tangila Efeso 5 :28 – 29 ; 31 – 33.

28. Nunku budi balume n’abu mbua kusua bakashi babu mene bu mudibu basue mibidi yabu. Muntu udi unanga mukashi wandi udi udinanga.

29. Bualu bua kakuena kuanze kuikala muntu udi ne mubidi wandi lukuna ; kadi udi udisha mubidi wandi, udi ûlama, bu mudi Kilisto ulama Ekelesia.

31. Bua muanda eu muntu nealekele tatu wandi ne mamu wandi, nealamate mukashi wandi, bubidi buabo nebalue mubidi umue.

32. Bualu ebu busokoka budi bunene ; kadi ndingamba bualu bua kilisto ne Ekelisia.

33. Kadi nuenu kabidi, mulume ne mulume anange mukashi wandi bu mudiye udinanga ; ne mukashi anemeke bayandi.

(Bidi bileja ne mulume udi mulombodi anyi mutu wa diku (famille), yeye udi ne bua kunanga, kudisha ne kulama mukashi ne diku dijima bumudi Kilisto unanga ne wehula Ekelesia ku malu mabi.

### **I.2. THEATRE : TSHINYI TSHIDI TSHIENZEKE ?**

Sungula bayidi basatu :

Umue bu Nzambi : ambile mukashi didinyenga diandi bua bubu budiye muenze

Muibidi bu mukashi. Nzambi mumane kuakula, yeye abange kudila bu udi ne lululu ha buihi.

Muisatu bu mulume. Nzambi mumane kuakula bua bukokeshi buandi kudi mukashi, yeye mulume aleje dibeji dikole didi ne diyedi edi **“Mulombodi wa diku”**

### **I.3. KUIMBA NE KUJA**

A mukashi !

Mibi ya kukutuadila didi nyenga

Dikenga dia bungi i i i i

### **TSHITUHA II**

#### **BALA GENESE 3 :17 – 19a**

17. Wakambila Adama ne, bualu bua wewe wakuteleja di dia mukashi webe, wakudia mamuma a mutshi unakukuambila ne, kuadi nansha ; buloba

- buakuedibua mulau bualu buebe ; wewe neudie bidia biabu ne kanyinganyinga matuku ebe onso ;
18. Buloba ne bukumeneshile meba ne tusokola ; neudie midioko ya mu budimi ;
19. neudie bidia ne luanga ha mpala hebe to ne hawahingana mu buloba kabidi ; wewe wakumushibua mu buloba ; wewe udi dinfuekenya dia buloba, neuhingane mu dinfuekenya dia buloba kabidi.

## II.1. MAKONKA

Muyishi ela bayidi makonka a a :

### II.1.a. NIVEAU MUPUEKELE (Primaire)

- Nganyi udi wakula mu nvese eu ? (Nzambi)
- Udi wambila nganyi ? (Mulume)
- Bua tshinyi mulume udi wedibua mulau ? (Bualu wakitabuja diyi dia mukashi wandi bihitshidile dia Nzambi).
- Nzambi wakela tshinyi mulau bua bubu bua mulume ? (Buloba bujima).

### II.1.b. NIVEAU MUBANDILE (Secondaire)

- Mushindu kayi mulau wa Nzambi wakavuija buloba mushindu mukuabo ? (Wakavuija buloba dikenga dihite bungi : kudima, kuihila, tusokola, meba ne mabeji makuabo mabi. (Muyishi ateje mandamuna makuabo a bayidi ne baleja mabeja makuabo mabi adibo bamanye mu tshikondo etshi).
- Meba avua mabeji anyi tu mitshi tukuabo tubi, tudi bantu kabayi basue mu madimi abo nansha. Lelu, mabeji kayi mabi adi bantu kabayi basue mu madimi abu ? (Muyishi atejeje mandamuna a bayidi. Bayidi badi mua kutela mabeji adi enza nkadi hambidi hadibo bâlenga, mabeji a bikunyibua bikuabo adi akandika bua bia kudia bidibo bakuna kabiyi bikola bimpe...)
- Elangana menji ha tshiambilu etshi “Neudie bidia ne luanga ha mpala hebe”... Mudimu wakapesha Nzambi bantu mu budimi bua Edene ne uvua bua buimpe buabu kudi Nzambi ku tshibangidilu. Dishilangana kayi dia mudimu au diakalua kumueneka kunyima kua Nzambi mumane kuela buloba mulau. (Mabeji akashintuluka mu mushindu wa ne bua biakudia kukola mu budimi bidi bikenzela mudimu wa bungi.

## II.2. THEATRE : TSHINYI TSHIDI TSHIENZEKE ?

Tuala meba ne mitshi mikuabo mibi mu kalasa kebe. Uyisokoka muinshi mua mesa. Sungula muyidi umue enza bu Nzambi ne atela milau ya mulume.

Pa diye wamba ne “buloba bua kuedibua mulau bualu buebe”. Bayidi bakuabo baleja meba au. Bayidi bakuabo benza gestes bu badi benza mudimu mukole mene mene ne bu badi bakuhula luanga ha mpala habu.

### II.3. MASAMBU NE MAJA

O mulume  
Mibi yebe iudi muenze  
Buloba buakedibua mulau  
Buebe wewe !  
Mudimu webe wakulua mukole

### TSHITUHA III

#### BALA GENESE 3 :19b

19b. Tõ ne hawahingana mu buloba kabidi

#### III.1. MAKONKA

Muyishi ela bayidi makonka a a :

##### III.1.a. NIVEAU MUPUEKELE (Primaire)

- Muntu uvua wakula, udi anu utungunuka ne kuakula nganyau ? (Nzambi)
- Udi wakula bua muntu anu mushindu umue. Udi wambila nganyi ? (Muntu mulume).
- Mu nvese eu, Nzambi udi unvuija bualu bunene buvua kabuyi buanze kuenzeka mu buloba to. Bualu kayi ? (Lufu lua mubidi)
- Lufu elu ludi lulua ku tshinyi ? (Mibi)
- Tshikondo tshidi mubidi wa Adama ufua udi uhingana kuehi ? (Mu dinfuenkenya dia buloba).

##### III.1.b. NIVEAU MUBANDILE (Secondaire)

- Nzambi m'musue kuamba tshinyi hadiye wamba ne “wewe udi dinfuenkenya dia buloba) : Genese 2 :7  
(Nzambi wakafuka mubidi wa bantu ne dinfuekenya dia buloba, ke bualu kayi hatudi tufua, mibidi yetu idi yandamuka dinfuenkenya dia buloba.
- Tuvua muakuikala mushindu kayi bu muntu kayi muenze bibi to ?  
(Bidi bimuenka ne katuvua muakufua to. Lufu kaluvua muakuikalaku to. Lufu kaluvuaku to ku tshibangidilu, kadi luakalua anu kunyima kua muntu mumane kuenza bubu).

#### III.2. THEATRE : TSHINYI TSHIDI TSHIENZEKE ?

Uja lusenga mu mulangi ne tuala mulangi au mu Ecodim.

Muana umue abala milau idi Nzambi muele mulume mu Genese 3 :19. Hadiye ubala “Wewe udi dinfuenkenya dia buloba”; ela ndambu ya lusenga mu tshanza tshia muyidi yonso. Balenga lusenga alu.

Kunyima bonso buabu bamba ne : “Neuhingana mu dinfuenkenya dia buloba kabidi” ne bela lusenga alu hanshi.

### III.3. MUSAMBU NE MAJA

Ai muntu  
Mibi yakalela lufu  
Ai muntu  
Dikenga ! Dikenga !

### TSHITUHA IV

#### BALA GENESE 3 :20

20. Mulume wakidika wakidika mukashi

Mulume wakidika mukashi wandi dina ne, Eva, bualu bua yeye udi muledi wa bonso badi ne moyo.

#### IV.1. MAKONKA

Muyishi ela bayidi makonka a a :

##### IV.1.b. NIVEAU YONSO)

- Tela dina dia mulume wa kumpala wakafuka Nzambi. (Adama. Nvese eu udi musangu wa kumpala udi mukanda wa Nzambi utela dina edi. Kumpala mukanda wa Nzambi uvua umubikila ne “muntu” anyi “Mulume”
- Bulanda kayi buvua hankatshi ha Adama ne Eva ? (Eva uvua mukaji wa Adama. Adama uvua mulume wa Eva. Bavua baselangana).
- Mulume wakidika mukashi wandi dina kayi ? (Eva)
- Dina edi didi diunvuija tshinyi ? (Muledi wa bonso badi ne moyo).
- Mu bantu bonso badi ha buloba bujima lelu, bungi munyi budi buhatuka mu Adama ne Eva ? (Tuetu bonso, ba tshisamba tshionso, dikoba dionso matunga onso a ha buloba bujima tudi bahatuka mu Adama ne Eva).

#### IV.2. THEATRE : TSHINYI TSHIDI TSHIENZEKE ?

Bayidi benza théâtre eu.

Bana ba bakaji bonso benza bu Eva. Bebeja ne “Dina kayi diudi mungidike” ?

Bana ba balume bonso benza bu ba Adama.

Bobo bakudimuna ne, “Ndi mukuidika ne Eva, bualu bua wewe udi muledi wa bonso badi ne moyo”.

### **IV.3. MUSAMBU NE MAJA**

Adama wakidika mukashi wandi  
Ne muledi wa bonso badi ne moyo  
Mamu wetu Mm Mamu wetu mm.

### **IV.4. DEVOIRS ANYI MIDIMU**

Nudi muvuluka bana babidi belangana mpata mu dilesona edi ku ntuadijilu anyi ?

Umue uvua wamba ne malu onso mabi ne makenga a a to ne lelu, Nzambi ke udi mututumina n'au.

Tuakumona ne Nzambi wakafuka buloba ebu bimpe mene mene.

Kadi mushindu kayi malu mabi ne makenga a a onso akabanga ?

Buloba bujima budi bunyanguke anu bua bubi buakenza bankambua betu ba kumpala.

Lelu buloba bujima m'bunyanguka bikole bua bubi bua bantu.

Nansha kateta kamue ka lusenga lua buloba ebu kadi kedibue mulau anu bua bubi

Biwikala unvua muntu ufila tshilema tshia dinyanguka dia buloba kudi Nzambi, muvulujia ne Nzambi wakafuka buloba buimpe mene mene.

Tuetu bantu ke bakanyanga buloba ebu bualu tuakabenga kulonda njila (diyi) wa Nzambi.

### **IV.5. INVITATION (DIBIKILA)**

Bubi budi bukunyange wewe kabidi. Kadi Yesu udi ne bukokeshi bua kukulengeja kabidi.

Udie ne bukokeshi bua kukubuikidila matuhakana (mahanga, mibi) yebe.

Udi mua kukuhesha mutshima mutoke. Nsombelu webe udi muakushala mu dikenga bualu tudi ha buloba ebu buakela Nzambi mulau. Kadi Yesu udi muakuhingaja malanda ebe ne Nzambi. Biwikala kuena muanji kuitabuja Yesu bu mukalenge ne musungidi webe to, kadi udi witabuja dituku dia lelu bua wewe kumuitabuja kumuakidila mu mutshima webe anyi ?

Biwikala musue bua wewe kumuitabuja bu mukalenga ne musungidi webe dituka dia lelu ungingidile muaba eu.

(Muyishi aleje muyidi eu muaba muimpe udibo ne bua kuhetangana kunyima kua dilesona).

## **DILESONA 15**

**TEKESE : GENESE 3 :21 – 24**

**TSHIENA BUALU : NZAMBI UDI UYISHA MUSHINDU WAKUHINGAJA  
MALANDA**

**TSHAKUENZA KUMPALA**

Funda ha dibeji dikole (papier cartonné) : Umue “Nzambi tatu”, muibidi “Nzambi muana”, muisatu “Nyuma muimpe”.

**KENDELE KA DIYISHA :** Kunyima kua dilesona edi, bayidi badi ne bua kujingulula ne malanda etu ne Nzambi akanyanguka bua mibi yetu. Kadi Nzambi mu luse luandi wakaleja mushindu utuvua mua kuâhingaja. Mushindu au uvua kufila milambu ya mashi a bimuna bimpe. Ebi bidi bileja ne kunyima kua malu a a yeye nealeja njila utudi ne bua kuhingaja malanda a a kashidi ne kashidi mu Yesu Kilisto, udi mulambu wa dihembu dimpe wikala Nzambi ne bua kuitabuja.

Pa nanku, bayidi badi ne bua kuehuka bua kutendelela tu nzambi tua hatupu bu mpingu, manga, bakishi...ne batendelela Nzambi wa moyo anu mu Yesu Kilisto, muana wandi.

**NVESE WA KUYILA : EBELU 9 :22b**

22b. “... Ne bikalaku kakuyi kumatshisha kua mashi hanshi, kakuena kubuikidila kua mibi nansha”

**MUSAMBU**

Misambu ya bantu bonso : luayi kudi Yesu, huayi lubilu (N°)

Tshidi tshimija mibi ntshinyi (N°)

### **REVISION**

- . Lufu luakabuela mu buloba tshikondo kayi ? (Mu tshikondo tshiakenza Adama ne Eva bubi).
- . Nganyi udi mamu wa bantu bonso badi ha buloba ? (Eva).

### **MAKONKA BUA DEVOIRS**

Mu lumingu lushale, nganyi udi munvue muntu unyingalala wamba ne bituikala tukenga, tudila muadi matuku onso, udi mutukebela malu a a onso M.Nzambi ?

Uvuaku mumuleluja ne udi mutukebela makenga a a onso ki Nzambi to, kadi mbubi buakenza bankambua betu ke budi butufikisha ku dikenga edi lelu.

### **MBANGILU WA DILESONA**

Biwikala ne mushindu wakumona makenga adi mu ditunga edi, udi umona tshinyi ? (nzala, mabedi, lufu, kuhanga mudimu, kuluangana, matahulukangana, kuhanga kanemu, kuhendangana, malu mabi ne makenga a mishindu mishilangane.

Biwikala ne mushindu wakumona makenga adi mu buloba bujima, udi umona tshinyi ? (Buhika, nvita, mashimi, buivi...)

### **TRANSITION WA DILESONA**

Mu dilesona edi, tudi tuyila bualu bukole budi bantu bamone katshia ku kale to ne katataka. Budi bualu bukole, nansha disama nansha nzala, nansha lufu kakuena bualu bukole bu mudi ebu to.

Eyowa, ne tumona mudi Nzambi mutukuatshishe mu bualu ebu bukole.

Ne tubale mu mukanda wa Genese 3 : mu nvese wa 21.

### **BITUHA BINENE BIA DILESONA : BITUHA 3**

#### **TSHITUHA I**

#### **BALA GENESE 3 :21**

21. Yehowa Nzambi wakatelela Adama ne mukashi wandi bivualu bia biseba, wakabaluatshishabi.

#### **I.1 MAKONKA**

Muyishi ela bayidi makonka aa :

##### **I.1.a. NIVEAU MUPUEKELE (Primaire)**

- Tshinyi tshiakenza Nzambi bua Adama ne mukashi wandi ? (wakabetelela bivualu bia biseba, wakabaluatshishabi).

- Bivualu biakatelela Nzambi bantu biakadi bia tshinyi ? (biseba bia nyama)
- Mushindu kayi wakangata Nzambi biseba abi ? (Bidi bimueneka ne nyama ya kufua, yeye kuangata biseba).
- Mbuena kuamba ne tudi babale to ne mpindieu ne nyama ya kafua ? (Nansha kakese, eu udi musangu wa kumpala. Lufu luakabuela anu kunyima kua bantu bamane kuenza bubu).
- Mu Genese 3 :7, nudi muakuvuluka mushindu wakasokokabu butaka buabu ? (Bakatela mabeshi a nfigi, bakadienzela mbondia)
- Tshikondo tshiakaluatshisha Nzambi bantu biseba. Bidi bimueneka ne nyama wakafua. Bubu kayi buakenza nyama bua yeye kufua ? (Nansha bumue, nyama wakafua ha muaba wa bantu ne bua bubu bua bantu).
- Mashi a nyama a kamata, nyama uvua kayi muenze bubu nansha bumue to. Bua tshinyi ? (Anu bua kutelela bantu bivualu, ne bobo kuluata).
- Tshinyi tshivua Nzambi welangana menji hakashiheye nyama ? (uvua welangana menji bua butaka bua bantu)
- Kunyima kua malu a a mamane kuenzeka, netumone ne bantu bakamanya ne Nzambi uvua musue bua bobo bamuheshe milambu ya mashi. Udi welangana menji ne Nzambi wakafila nyama au mulambu wa mashi, ne wakabaleja mushindu udibo mua kufila mulambu au mu tshikondo tshiakashihaye nyama bua kubenzela bivualu anyi ? (Ee, tuetu bayidi ba mukanda wa Nzambi tudi tumona nanku. Bidi ne bua kuikala nanku, bualu bakamanya ne badi ne bua kufila mulambu wa mashi).
- Biobikale ne eu uvua mulambu wa mashi, Nzambi uvua ulongolola tshinyi ha mutu ha butaka buabu ? (Bualu buvua koku mbua bulanda buabu buakadi bufue. Mulambu wa mashi uvua ne bua kuhingaja bulanda buabu ne Nzambi).

### **I.1.b. NIVEAU MUBANDILE** (Secondaire)

Udi welangana menyini ne bua tshinyi Nzambi wakabenga mabeshi a nfigi avuabo ba dienzele bu bivualu ? (Mandamuna adi mu bituha binene bisatu :

1. Bivualu bia mabeshi a nfigi kabivua mua kuikala bikole to bu biseba bia nyama.
2. Nzambi uvua mumanye ne kabavua mua kusokoka (kudi buikila) bubu buabu bobo nkayabu to. Kushiha kua malanda abu ne Nzambi buvua bualu bunene ne bivua bikengela ne yeye Nzambi nkayenda ke uvua mua kulongolola, kadi bobo nkayabo to.  
Uvua muenze nanku bua bobo kujingulula ne anu yeye nkayandi abenzele bivualu bia biseba bia nyama.
3. Budi buabu buvua ne mulau wa lufu. Nzambi uvua musue ne bobo babange kujadika ne tshikondo tshakukumbana. Yeye nkayandi neatume mulambu wa dihembu dimpe, musheme mene mene. Wakabambuluisha bua bajingulule malu a a mu mushindu wa ne



bamone Nzambi yeye nkayandi. Kuela mashi a nyama panshi bua kubuikidila mahanga abo.

- Mu shapita muinayi, netumone ne famille (diku) dia Adama diakamanya ne Nzambi wakitabuja mulambu wa bantu anu bobo bafila mulambu wa mashi.

Bayidi ba bungi ba mukanda wa Nzambi badi bitabuja ne Nzambi wakaleja mushindu udibo mua kuenza bua kufila mulambu wa mashi anu mu tshikondo tshiakashihaye nyama bua kubavuadika.

Tshinyi tshiudi mua kumona mu mukanda wa Nzambi tshidi tshileja ne bualu ebu mbulelela ? (Mu chapita udi ulua bakavua bamanye muanda eu).

Mushindu kayi mulambu wa mashi a nyama uvua uleja foto wa mulambu wa kosha ha kahia dihembu dimpe wa Nzambi waluaye kufila mu tshikondo tshiatumaye muan'andi umuehele mulela ?

(Nyama awu kavua muenze bubi to. Bu mudi Yesu kabidi kavua muenze bubi to.

Nyama wakafua ha mutu hetu bu mudi Yesu kabidi mufue bua bualu buetu.

Mashi a nyama akahueka, mushindu umue ne mashi a Yesu akahueka kabidi ;

Nyama wakafua, muomumue ne Yesu wakafua ;

Nzambi wakashiha nyama, momumue Nzambi wakatuma muan'andi.

## **I.2. THEATRE : TSHINYI TSHIDI TSHIENZEKE ?**

Bayidi bonso benza gestes bu Nzambi wambila bantu, Adama ne Eva ne monayi nyama udi kayi muenze bualu bubi udi ufua ha mutu henu bua kubuikila mibi yenu.

## **I.3. KUIMBA NE KUJA**

Adama, mabeshi a nfigi adi hatuhu

Nyama udi ufua buebe wewa

Mashi akahueka

Vwala bivualu bia biseba

Bivualu bidi Nzambi mukuluatshisha

## **TSHITUHA II**

### **BALA GENESE 3 :22**

22. Yehowa Nzambi wakamba ne, monai, mulume wakulua bu umue wetu, udi mumanye malu mimpe ne malu mabi, bua yeye kolodi tshianza tshiandi bua kuangataye mamuma a mutshi wa moyo, udia, wikale ne moyo tshiendelelela.

## **II.1. MAKONKA**

Muyishi ela bayidi makonka a a :

### **II.1.a. NIVEAU MUPUEKELE (Primaire)**

- Nganyi udi wakula mu nvese eu ? (Yehowa Nzambi)
- Tangila bimpe ! udi wambila nganyi ? (Nzambi Tatu udi wambila Nzambi muana ne nyuma muimpe ne : “Mulume wakulua bu umue wetu”).
- Muntu neamanye tshinyi hikalaye mudie mamuma a mutshi wa kujingulula malu mimpe ne malu mabi ? (Yeye neajingulule malu mimpe ne malu mabi).
- Kunyima kua bamane kudia, Nzambi wakakanga njila bua mulume kolodi tshianza tshiandi bua kuangataye mamuma a mutshi kayi ? (Mamuma a mutshi wa moyo wa tshiendelela).

### **II.1.b. NIVEAU MUBANDILE (Secondaire)**

- Mushindu kayi utudi ne bua kumanya ne nvese eu udi uleja busatu bunsatu ? (Pronom “Wetu” udi uteka muntu udi wakula mu groupe (tshisumbu) eu udiye wambila, udi ku bungi, (pluriel).
- Bua tshinyi ku tshibangidilu kakuvua bualu bua ne bantu bashale tshiendelele, kadi anu kunyima kua bubu bualu ebu buakulua bukole ? (bikalaye mushale ha buloba tshiendelele ne bubu buandi ebu, bubu (mibi) eyi neilue kabidi ya bungi mene mene. Kabidi, mibi eyi ne ituale lufu, pa nanku kabiena muakuikala to ne ashale tshiendelele ha buloba.
- Elangana menji mu histoire wa muntu mukuabo, muenji wa malu mabi (malfaiteur). Tshinyi tshidi mua kuenzeka bikalaye mushale ha buloba bidimu bia bungi bungi ? (Muyishi unvue mandamuna mashilangane a bayidi bandi bonso umue ku umue). Pashishe afile menji mimpe mu tshikoso (conclusion).

### **II.2. THEATRE : TSHINYI TSHIDI TSHIENZEKE ?**

Sungula bayidi basatu bikala mu busatu busantu.

Funda meyi a a ha mabeji asatu makole (papier bristol) nunku :

1. Nzambi Tatu
2. Nzambi Muana
3. Nyuma muimpe

Tatu Nzambi abale nvese eu ne “Monayi mulume wakulua bu umue wetu, udi mumanye malu mimpe ne malu mabi ; bua yeye kolodi tshianza tshiandi bua kuangataye mamuma a mutshi wa moyo, wadia, wikala ne moyo tshiendelela, babidi bakuabo banyungusha mitu yabo benza gestes bulelela ne bakuitabuja mudi Tatu Nzambi muambe.

### **II.3. MUSAMBU NE MAJA**

Bantu kabena mua kushala ha buloba tshiendelele to bobo benze nanku, bubu ne buhite bungi i i i.

### **TSHITUHA III**

#### **BALA GENESE 3 :23 – 24**

23. Yehowa Nzambi wakamuihata mu budimi bua Edene, buakuihilaye buloba buakafumeye.
24. Nunku yeye wakihata mulume ; wakateka bakeluba ku esete kua budimi bua Edene ne muele wa nvita wa kahia wakadi utshinguluka ku nseke yonso, bua kulamabo nshila wa ku mutshi wa moyo.

#### **III.1. MAKONKA**

Muyishi ela bayidi makonka a a :

##### **III.1.a. NIVEAU MUPUEKELE (Primaire)**

- Yehowa Nzambi wakenza tshinyi bua mulume kayi kudia mamuma a mutshi wa moyo ? (Wakamuihata mu budimi bua Edene)
- Mudimu kayi uvua muntu ne bua kuenza kunyima kua bamane kumuihata mu budimi bua Edene (kuihila buloba)
- Diyi kayi didi dileja ne Nzambi wakambila mulume bua kumuka mu budimi ? (Yehowa Nzambi wakamuihata)
- Mbuena kuamba ne bantu bavua ne mushindu wakuhingana kabidi mu budimi bua Edene anyi ? (Nansha kakese).
- Nzambi wakenza tshinyi bua kubakandika njila wa mutshi wa moyo ? (Wakateka bakeluba ne muele wa nvita wa kahia)
- Muele au uvua mushindu kayi ? (Uvua utema kahia ne wakadi utshinguluka ku nseke yonso).

##### **III.1.b. NIVEAU MUBANDILE (Secondaire)**

- Kumusha, dibuela diabuu mu budimi bua Edene, tshinyi tshikuabo tshiakajimija bantu kunyima kua bubi ? (Diunvuangana (bulanda) diabuu ne Nzambi diakakoseka. Mu budimi, m'muaba uvua Nzambi ulue bua kuyukila ne kumonangana n'abu ku dilolo dionso. Kunyima kua bubi, Nzambi kavua kabidi n'abu mu bulanda nansha kakese)
- Ba kulumpa betu bonso bavua bajingulula ne Nzambi udiku, kadi bavua bamona bu yeye udi n'abu kule. Mushindu kayi histoire eu mu mukanda wa Nzambi udi utuleja ku tshibangidilu kua menji a a. (Bidi bileja mushindu wakafua malanda a Nzambi ne bantu. Bikala bakulumpa bakale kakelangana menji a kuhingaja malanda a a ne Nzambi bobo nkayabu, hakadibo bamona bakeluba au ne muele wa nvita ne kahia, bakamanya ne badi kule ne Nzambi bua bubi buabo. Mushindu wakuhingana kudi Nzambi bobo nkayabu kawenaku to nansha kakese).
- Dikosoloka dia bantu ne Nzambi divua bualu bukole buakamona bantu tshikondo atshi. Udi welangana menji ne bualu ebu budi bulelela mushindu kayi ? (Makenga a bungi akamuenea kunyima kua dikosoloka)

edi ne mushindu wa kudilongolola bobo nkayabu kauvuaku nansha kakese.

- Kabivua bualu bukole to bua Adama kuelangana menji ne yeye kena mua kuhingana kudi Nzambi bua bubu buandi to. Kadi Nzambi wakalongolola njila uvua ne bantu muakuhingana kudiye. Njila kayi ? (Mulambu wa mashi).

### **III.2. THEATRE : TSHINYI TSHIDI TSHIENZEKE ?**

Bayidi bonso benze bu badi bakeluba, bu badi ba kandika dibuela dia mu budimi bua Edene.

Benze bu badi ne miele (nansha mitshi misonga) ya kahia ne benza bu muele udi wakula : z z z z z, s s s s s, z i i i i, w u w u u u u

### **III.3. MUSAMBU NE MAJA**

Mushindu kawenaku bua kuhingana mu budimi bua Nzambi !  
Bakeluba m'mubenga, kubuedi to

Bulunda buetu ne Nzambi m'bufue  
o. o. o ! Dikenga

### **III.4. DEVOIRS ANYI MIDIMU**

Nansha bulunda buetu ne Nzambi bufue bikole, yeye wakatulongoluela njila utudi muakuhingana kudiye. Yeye kakatulongoluela mpingu to bua tuetu kuhingana kudiye to. Yeye kakatulongoluela muntu mukuabo, nansha umue to.

Yeye wakenza tshinyi ?

Yeye wakambila bankambua betu ne bafile milambu ya mashi. Kunyima, yeye wakatuma mulambu muhite buimpe, musheme mene mene, ke Yesu Kilisto wa mu Nazareth.

Bituadijila mpindieu, kuhinganyi kudi Nzambi to mu njila wa mpingu, wa bansatu anyi wa banjelo anyi njila mukuabo

Nzambi udi ne disanka bua tuetu tuhingana kudiye anu mu njila umue wa Yesu Kilisto.

Mu milombo yebe ya lumingu elu lonso udi utekemena bua kuhingana kudi Nzambi anu mu njila wa Yesu Kilisto muan'andi umuehele anyi ?

### **III.5. INVITATION (DIBIKILA)**

Udi witabuja bua wewe kulua kudi Nzambi mu njila wa muan'andi Yesu Kilisto bua wewe kusungidibua anyi ?

Udi witabuja Yesu Kilisto bu musungidi webe bua yeye abuele mu mutshima webe ne akubuikidile mahanga (mibi) ebe onso anyi ?

Biwikala kuena mumanye mua kuenza bualu ebu bimpe mene mene, yaku ungindile muaba eu bua meme nkuleja mushindu wa wewe kuenza.

(Muyishi aleje muyidi muaba udibo ne bua kuhetangana kunyima kua Ecodim).



### **MEYI KUDI MUYISHI**

Muyishi, tuasakidila bualu wewe ne bayidi bebe nuakujikija tshituha tshia kumudilu tshia mukanda wa Genese.

Malesona makuabo mimpe adi alonda. Hingaja sachet eu bua uhete mushindu wakuangata sachet mukuabo ku centre des materiels.

Biwikala kuyi ne mushindu wa wewe kuheta sachet muibidi mpindieu, enzela sachet wa kumudilu bua wewe kushadika ne bayidi bebe badi bamanye malesona a a bimpe mene mene.

Kumpala kua wewe kumanya ne bintu bionso bidi bikumbana mu sachet anyi ? (Foto yonso, nvese yonso ne dilesona diudi uyisha).

Bikala bayishi bonso bahingaja matériels onso, tuetu MCE ne tuikale ne disanka ne netuikale ne mushindu utudi muakuambuluisha Eglise wenu ne matériels makuabo.

Tuasakidila wa bungi ne Nzambi akubeneshe mu mudimu eu ?